






Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
C/MAGL 2.6.496







Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.496






Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 2.6.496




Early European Books, Copyright © 2012 ProQuest LLC.  
Images reproduced by courtesy of the Biblioteca Nazionale Centrale di Firenze.  
GMAOL 2.6.496









2 6 496













230

A

XXXVII

SIMONIN

Sert. 1785/16

26.2.86

2.6.436





ANTVERPIÆ, EX OFFICINA PLANTINIANA  
BALTHASARIS MORETI. M. DC. XXXVII.



Ex libris D. Cambij Anthony Franciscus  
De Maribus



2.6.436




ma  
bu  
Ac  
fin  
qu  
ple  
ten  
be  
ali  
cu

VRBANO VIII.  
ORBIS ET SACRORVM  
APICI.



ESTA Tua, maiore Tibi affectu, quàm pompâ repræ-  
sento, PATER SANCTIS-  
SIME; sed quantulocum-  
que adumbrata stylo, glo-  
riæ tuæ debita. Alteri inscribere non de-  
bui, quia Tua, & palàm ad Te perducunt.  
Ac licet inconsultè præfidens videri pos-  
sim, quòd ea litteris prosequi; temerarius,  
qui Nomini etiam Tuo dicare præsum-  
pserim: verecundi tamen ausus, neque  
temeritati deputari, neque audaciæ de-  
bent. Sic Te colere debui, sic volui, cùm  
aliter non possem. Et quis vitio vertat?  
cùm ipsum etiam Deum, à quo & pro-  
pter

\* 2





pter quem tantus es, cuius liceat impu-  
nè celebrare.

Equidem cùm pauculas eiusdem ge-  
neris filuas, ceu primitias longioris ope-  
ris, Eminentissimo Principi FRANCIS-  
SCO Cardinali BARBARINO (nomen  
faciet vt memineris) tradidissem, SAN-  
CTITATI TVÆ consecrandas, seruitu-  
tis meæ officium non es aspernatus. Et  
quorsum, cùm illæ admissæ, grandius  
aliquid per otium non tentassem? imò  
quia sic acceptæ, festinam priorum in-  
diligentiam pensare debui; iterùm hanc  
postea pensaturus, quò Tui obseruan-  
tior audiam. Quo in ausu si quid incon-  
siderantiæ subest, innoxium illud, & ig-  
noscendum: à Te maximè, qui omnia  
omnibus ignoscis. Ego profectò cùm ea  
tantùm describere sim aggressus, quæ  
aut opibus tuis ad Urbis & Vaticani or-  
namenta excitata sunt magnificè, aut Sa-  
pientiâ in Religionis incrementum Or-  
bisque

bisq̃ue tranquillitatem peracta feliciter,  
non sum veritus, vt Tua Tibi sorderent  
gesta; quæ non prius à Te prodire, quàm  
totius sæculi plausum, laudes & admira-  
tionem ferrent.

Solet vulgus pictorum vultus Tuos ex-  
pressos coloribus sine fraude circumfer-  
re; Maiestas tamen, Virtutes, & illa ani-  
mi Tui Diuina vis non perinde ab illis  
adumbratur. An idem mihi in gestis non  
sit, quod illis in imagine integrum? Fa-  
teor quidem inferiori stylo à me expri-  
mi: sed si par afferendus, non vni mihi,  
sed omnibus etiam qui litteras tractant,  
est silendum.

Excitabit alios hic conatus, & dulce  
mecum periculum tentare multi volent;  
non dubito quin feliciùs, quoniam inge-  
niosiùs: hoc tamen ausim profiteri, tan-  
tum absuturos illos à gestorum Tuorum  
magnitudine, quantum ab illorum nitore  
elegantiaque absun. Interim ego illis, etsi



avidus magis quàm capax, præludam; ac  
res à Te gestas, vtcumque repræsentabo:  
non quò celebriores fiant; dudum quippe  
humanas laudes tantum excessère, quan-  
tum omne mortale fastigium Tua condi-  
tio; verùm vt si quibus perspectæ adhuc  
non sint, innotescant eis, Teque Tuis in-  
factis demirentur, quem cominus adora-  
re non possunt. Interest omnium, cogno-  
scere quid præclari Pater omnium molia-  
tur. Opera illa Tua quæ Roma suspicit,  
Vrbis ambitu continentur; ac licet famâ  
suâ totum iam Orbem impleuerint, ne-  
scio quo tamen pacto præsentiora fiunt  
cùm describuntur.

Audiunt omnes consecratum & au-  
ctum à Te Vaticanum. Sed an illa vocalia  
marmora quæ nobilem inaugurationem  
testantur, legunt? hîc illis inscriptionem  
subiicio, ne ignorent. Tuum verò Tetra-  
stylon, quo nil pulchrius sol aspicit, quis  
vel ex imaginibus etiam ritè intelligat, nisi  
vnde

17  
vnde sumptum, vbi statutum, cognoue-  
rit? Hic felix solertia legetur, quâ inglo-  
rium Panthei metallum in nobiliorem  
speciem mutatum erexisti, Apostolici se-  
pulchri ornamentum, miraculum tem-  
pli, Tuæque magnificæ Pietatis specimen  
numquam satis prædicandum.

Quid arcem Æliam, à Te instaura-  
tam, munitam, absolutam? quid fontem  
Pincium, Quirinales hortos, Sebastiani &  
Bibianæ templa, Michaëlem musium,  
Nauiculam Petri, odea, statuas, Mausoleum  
tuum, quanta sint, an vlli vmquam  
fama, quæ omnia in maius augere solet,  
explicare pro dignitate potuit? Atqui ha-  
bet hic Lector vnde animo concipiat,  
quamquam oculis ea non vsurparit.

Academiam porrò, quâ laudem &  
patrocinium Sapientiæ consecutus es,  
pulcherrimis substructionibus amplifica-  
tam; Armamentarium Vaticanæ biblio-  
theæ substructum, in quo Litteras ar-  
mis,



mis, Arma litteris, inusitatâ mirabili-  
que coniunctione deuinxisti, quàm li-  
benter hîc intuebuntur, qui Romæ non  
aspexere?

Mitto varios pontes, arces, portus,  
tuâ curâ, tuis sumptibus, ad Italiæ vel  
securitatem, vel commodum excitatos:  
Legationes missas ad Reges, victoriam  
Siculam, Portam sanctam apertam &  
clausam, propagatam ad Metaurum di-  
tionem, Oratores barbarorum admissos,  
ornatos sepulchro. Mitto Diuos ex ho-  
minibus factos, Andream Corsinum, E-  
lisabetham, Franciscum Borgiam, Iapo-  
nios Martyres. Mitto Rosas Principibus  
concessas, Equites Conceptæ Virginis ap-  
probatos, confirmatos: restitutum Bre-  
uiarium, sacros Hymnos excultos, An-  
tistites iussos suis in diocesisibus residere:  
Pacem toties procuratam, sancitam, &  
mox (ita voueo) fanciendam. Quæ cer-  
rè à nemine legentur, quin & Te illo  
fastigio

fastigio dignissimum credat, & diuturnos Tibi annos vel dispendio suorum apprecetur.

In illâ verò Tuâ in Christi locum surrogatione, inauguratione, in lauru, in sole Tuo, quanta virtutum & doctrinæ Tuæ, quanta diuini in orbem amoris argumenta, qui Te talem tantumque mortales temperare voluerit, deprehendet? hæc pro virili parte omnibus inculcatum, commendatum iui, vt scirent omnes, à quo, quàm moderatè, quàm sanctè regerentur. Eadem supplex, & in genua prouolutus, oblatum Tibi venio, vel in seruitutis testificationem, vel in accepti beneficii memoriam, quo mihi ad pedes Tuos olim prostrato poenæ sceleribus meis meorumque debitæ condonationem fecisti.

Quâ in re si vitium, si temeritas est, amor tota imputanda, qui temerarium me & audacem fecit. nisi fecisset, in-

\* \*

gra-



gratum reliquisset. Quare cùm in alteru-  
tro peccandum fuerit , malui inconsi-  
deratus , quàm beneficij immemor vi-  
deri. Vale PATER BEATISSIME, &  
hos conatus , si fortè arriserint, tutare:  
sin per imprudentiam in Te deliquerunt,  
ignosce tenuitati, imò amori; à quibus  
factum , vt minus possem , plus aude-  
rem. Louanij, pridie Kal. Maias anni  
M. DC. XXXVII.



EMI-

EMINENTISSIMO  
PRINCIPI  
FRANCISCO CARD.  
BARBARINO

S. R. E. VICECANCELLARIO.



TERVM supplices Tibi se sistunt  
meæ Musæ, PRINCEPS EMI-  
NENTISSIME: iterum patro-  
cinium implorant, vt molles adi-  
tus ad Patrum tuum habeant.  
Non sorduerunt olim, quia diui-  
nâ tuâ manu oblata. An eas respuet V R B A N V S,  
si illa denuò accesserit? Honestum fit, quidquid in  
manus sumere non grauaris; & à Te offerri, pla-  
cuisset est. Numerosiores eunt; sic oportuit, vt pro-  
lixius obsequium meum testarentur: aliquanto vr-  
baniore cultu; sic decuit, vt priorum festinationem  
pensarent. Ceterum cum in numero, tum in cul-  
tu etiam, animum Tibi Tuisque addictissimum  
recognosces.

An verò ex integro non sit, his beneuolentiæ  
Tuæ deuinctus argumentis, quæ nec recenseri à me

\* \* 2

tenuitas



tenuitas mea, nec Eminentia<sup>æ</sup> Tuæ patitur splendor? Sed quid? Vos cælestes & diuini viri, sic estis plerumque, vt aliorum paruitatem ex magnitudine vestrâ censeatis. Benefica nimirum est præstans quæque natura: tum se credit amplissimam, cum sua cunctis impendit. Solem imitatur, seu potius sol ipsa est, in aliorum magis vsus quam suos effulgens. Tu illo in honorum gradu sic luces, vt commune in Te sidus litterati, publicam lucem omnes nanciscantur. Laudes tuas non prosequor: Naturam tantum & Virtutem Tuam adumbro; vtramque omnis Tibi elogij instar. Hoc tamen ingenuè dixerim, officio tribuere me, quod alius daret dignitati. Nempe cum Maximilianum & Balthasarem à Gandauo, à magnis Heroibus ad magna natos, ita Romæ exceperis, vt illum æstimatione, fauore, hunc graui morbo decumbentem exquisitis alexipharmacis iuueris; cum denique amplissimi palatij hospitium nobilissimo fratrum pari magnificè obtuleris, non possum qui tum Romæ cum illis versabar, alienum beneficium, meum non interpretari: certè debui; vt immortales Tibi gratia agerentur, fieretque tantæ beneuolentiæ recordatio perennis: quæ, Tuum meritum si spectem, fuit infinita.

Ac ne priuatæ causæ mihi quoque deessent, Tuis vocibus debeo: quas cum recolo, pudorem illum renouant, quo sum perfusus, dum ab Vrbe abeunti significasti, dolere Te quòd maturius  
Tibi

40  
Tibi cognitus non essem. Superûm fides! egône  
tanti, vt in tanti Principis cognitionem deuene-  
rim? tanti, vt me caelesti eius ore illud etiam re-  
scire oportuerit? Et quorsum non redeam, vt ple-  
niùs noscar; imò verò vt Purpuram, cuius existi-  
mationi me totum debeo, colam animosiùs? Re-  
deunt igitur pro me V R B A N I A N A E S I L V A E,  
vel huius notitiæ nomina expedituræ, vel officia (si  
finis) exhibituræ seruitutis. Non debui rursum velle  
agnosci, nisi seruum profiterer: non potui profite-  
ri, nisi hoc qualicumque hostimento. Cui si faue-  
ris; vt seruitutis titulus ad laudem mihi abundè, sic  
fauor satis erit ad tutelam. Potiora consecrare vo-  
luissem: sed vt donaria templis appensuri, ceram  
ferunt, si auro carent, tum affectu suppleant quod  
muneri deest; sic ego labores Tibi dicaturus istos,  
quia nitidiores non attuli, obseruantia & cultu  
pensatum velim, P R I N C E P S E M I N E N T I S-  
S I M E, quidquid stylo deliqui. Louanij, pridie  
Kal. Maias anni M. D C. X X X V I I.

\*\* 3

LECTO-



# LECTORI.



**H**ABES Silvas à me, nec lento mentis partu  
natas, nec planè extemporales: etsi conci-  
tatam styli festinationem, Silvarum ratio  
postulet. At quid magnum protinus fieri  
potest? Etiam ipsæ silvæ, unde nomen huic  
Pœsi, ut silvæ sint, non uno anno consequuntur. Diu  
crescunt, ut diutius vivant.

Contendi quidem festinare maximè; sed ipsa dignitas  
argumenti, ipsæ novarum rerum difficultates toties inie-  
cere manum festinanti, ut hæere sæpè, & iam laborio-  
sè producta, incudi reddere cogerer.

Quamobrem plusculum temporis operi ex interuallo  
regustando dare decreveram: Verùm ab amicis acriter  
reclamatum; qui multis cùm me rationibus urgerent,  
istis demum suam in sententiam perduxere: Nullâ morâ,  
nullâ limâ, materiæ exprimendam dignitatem: præstare  
ut hæc qualiacumque Pontifici viuo canerentur, quàm  
demortuo: secundas curas novos aliarum deterfuras.

Igitur si meliora de se pollicentes haud fastidimus,  
maculas meas excusatas hoc nomine cupio, dum obliga-  
tam fidem expediam. Nunc te pauca de operis formâ  
præmonitum velim. Carminibus solutam orationem ad-  
iunxi, cùm ut eorum nausæ consulerem, qui pœtica  
nescio quo insincero sensu reiiciunt; tum ut multa elu-  
cescerent sic prolata, quæ obscura videri poterant, quia  
vineta numeris.

Ex

Ex infinità porrò Gestorum V R B A N I multitudi-  
ne ea præcipuè selegi, quibus Pontificatus eius inclaruit,  
aut quæ plus visa sunt habere splendoris; certè quæ  
uberiorem carmini materiam offerebant. Cetera sparsim  
attigi, ne opus ultra modum excresceret, & fastidio ef-  
set quod paratum volui oblectationi. Annorum item se-  
riem non attendi; ea Scriptoris annalium cura: res ta-  
men ipsas sicut inter se ob similitudinem coherent, ita  
opere ipso coniunxi. Quæ si arrident, uti ob commu-  
nem Parentem V R B A N V M debent, habes cuius fa-  
cta suspicias, & mecum commendes. Vale.

## Series & Librorum Argumentum.

### LIBER I.

Pontificatum, Virtutes &  
Doctrinam V R B A N I ex-  
plicat.

### II.

V A T I C A N I orna-  
menta.

### III.

Romam auctam, orna-  
tam.

### IIII.

Religionis amplificatio-  
nem.

### V.

Procuracionem Orbis.

ECCLE-



## ECCLESIASTICVS

CAP. XLIV. ET XLV.

**L**audemus viros gloriosos & Parentes  
nostros: laudemus VRBANVM; quem  
excelsū fecit Dominus, & similem sibi. Sta-  
tuit ei testamentum aeternum, & dedit illi  
Sacerdotium gentis, & beatificauit illum in  
gloriā, & circumcinxit eum Zonā gloria,  
& induit eum stolam gloria, & coronauit  
eum in vasis virtutis.

GESTO-



18

I  
GESTORVM  
VRBANI VIII.

PONT. MAX.  
LIBER PRIMVS.

PONTIFICATVS. VIRTUTES.  
DOCTRINA.



VANTVS sit Pontifex VRB-  
NVS, quisquis scire amas, ex-  
pende qualis fuerit adhuc pri-  
uatus. Disces Tiarâ prius di-  
gnum, quàm donatum : me-  
rita & virtutes in Solium tulisse, non acce-  
pisse. Per omnes honorum gradus ad sum-  
mum deuenit; illis semper maior, huic par.  
Infantiam sic exegit, vt Tiaræ destinatus :  
adolescenciam his studiis & virtutibus ex-  
coluit, vt debitus crederetur. Vbi ad nego-  
tia, hinc ad Insulas & Ostrum vocatus, pu-  
blica

A

blica secum iudicia & vota traxit : neque alius aptior visus , qui Christiani orbis clauum temperaret. Tandem, quod puero facta, mores iuueni, viro maturitas & prudentia, portendebant; senex obtinuit. Pontifex autem tot orbem meritis complet, vt iudicia & spes de se conceptas non exæquet tantum; quod optimi solent; sed superet etiam, quod est diuinum.

## SILVA PRIMA.

**M**ens sacra Veri, quæ sapientium  
 Spes temperatas numine prouehis  
 In maius, & castum poëtam  
 Virgineo sinis ire cliuo;  
 Ostende fontes limpidioribus  
 Riuis fluentes : & , precor, integras  
 Permitte lauros, Unde nullus  
 Abstulerit capiti coronam.  
 Tuque ô Tonanti proxime, Tu mei  
 Cura & laboris materies, tuo  
 VRBANE dum Regno, tuisque  
 Roma viget, Superique plaudunt  
 Factis; minorem me genibus sine  
 Laboriosum tendere barbiton,

Famam-



Famamque adoratumque nomen  
 Supplicibus sociare chordis.  
 Nam quis Latini pectinis arbitrum,  
 Orbisque Patrem carminibus nouis  
 Ritè ordiatur; si canendi  
 Jura negat, facilemque vultum?  
 Non si benigno numine, debilem  
 Chelym secundet; grandia moliar  
 Exilis, immensasque laudes  
 Mobilibus fidibus perennem?  
 Quicumque rerum Principem, amabili  
 Errore ducti, concinimus; rapit  
 Nos ardor incautus, sacræque  
 Materiae species proteruum  
 Fallit laborem. Vix benè cœpimus,  
 Mens victa nutat. Opprimit impares  
 Rerumque maiestas, & ingens  
 Magni operis properata moles.  
 Quid ergo? præstet verba silentio  
 Finire? præstet vela retrò dare  
 Quàm nomen augustum procacis  
 Ingenij tenuare culpâ.  
 Ignosce Princeps, iam retinaculis  
 Feror solutis. Nec mora libera est,  
 Nec fas reuerti: serua euntem:  
 Longa via est, dubiusque cursus.  
 Referre Regni signa tui libet;  
 Crebris ut infans innueris iocis,

A 2

Tua



Tuae reſeruari Tiaram  
 Et Solium Latium ſeneſcæ.  
 At non fuerunt hæc pueriliter  
 Effuſa in auras : ipſe iocos Deus  
 Formabat, infantisq̃ue Voces  
 Omen erant Apicis futuri.  
 Ad Sceptra natos, arguit indoles,  
 Designat æther : iudicia Ætheris  
 Illi, voluntatemq̃ue Diuū  
 Spesq̃ue ſuas properare feruent.  
 Dum fata captas, dum ſequeris Deum,  
 Virtute fulſiſti, & Sophia & Themis.  
 Hos vita per cultus ad oſtrum  
 Auſonium ſine labe creuit.  
 Addam vt gerendis rebus idoneus  
 HENRICI alumnum ſidereis aquis  
 Luſtraris : vt magnum PHILIPPVM  
 Connubio ſociaris auſpex.  
 Idem Tiaræ debitus, ac diu  
 Optatus, altè ſceptra ſoli tenens  
 Scribèris, & fulcire Romam  
 Imperio potiore votis.  
 Tu Regna Regnis amula, Tu truces  
 Compescis iras gentium, & horridi  
 Viresq̃ue conatusq̃ue Martis  
 Proſubigis ſine cæde victor.  
 Arſiſſet atris ſeditionibus  
 Padusq̃ue & Alpes, atque per Inſubrum

Amœna

*Amœna bellatrix Enyo*  
*Innocuas violasset Urbes,*  
*Si non salutis blanda parens Apis*  
*Extinxet æstus gliscere feruidos,*  
*Ensesque pacasset furentes*  
*Melle pio, tenerisque pennis.*  
*Tuum flagranti nomen in Africâ*  
*Regem subegit Æthiopum PETRO:*  
*Primosque Congorum vocasti*  
*Romuleam dociles in aulam.*  
*Asserta Rhœnus colla Tibi leuat;*  
*Tibi retusum Parrhasium scelus*  
*Adscribit, & fusas phalanges*  
*Liuiœ, gelidique Lappi.*  
*Debet Polonus auspiciis tuis*  
*Scytham reuinctum: Bistonidum minas*  
*Fractas, catenatisque tractos*  
*Moscouia Proceres lacertis.*  
*Exterminatam Gallus Api tue*  
*Debet profana pestis Erynnidem,*  
*Rapemque quam disiecit acer*  
*Fulmineis LODOICVS armis.*  
*Quem Tu secundo lumine respicis,*  
*Hic & fauentes Calicolas habet,*  
*Et laureato crine victor*  
*Arma tholis inimica figit.*  
*Qui BARBARINIS auspiciis caret,*  
*Sive ille regnis sive opibus potens,*

Pax Ca-  
salis.

A 3

Fortuna



*Fortuna non sequetur illum,  
Nec nitidis dea clara palmis.  
Quo Musa tendis? præcipitem chelym  
VRBANVS odit. Desine futilis  
Solemque scintillâ, leuique  
Oceanum cumulare guttâ.*

AVGVRIA PONTIFICATVS  
VRBANI VIII.



ORONAS & Tiaram Numinis esse munera, quàm constans tam vera est gentium persuasio. Etenim cùm hominem Deus capacem cupidumque societatis procrearit, æquum fuit vt Principes seligeret, qui multitudinem populorum continerent, ne solueretur; & eius in eâ vices obirent, vt floureret. Quò fit vt quos alijs præficere constituit, pulcherrimis sæpè prodigiis ad Imperium vocet. Credo, vt Principatum Dei donum esse fateamur. Possem recensere quos è priuatâ conditione, per columbas, apes, aquilas vel ad Solium cælestis coronarum Dator, vel ad Tiaram euocarit. Verùm VRBANVS in manibus mihi: & quàm copiosum ad laudem, quàm augustum ad maiestatem in eo argumentum! Audita est sæpè eius pueri fatalis, & inspirante Numine iactata vox, quâ Tiaram sibi, Petrique clauces prælagus infans sponderet. An satis?

Etiam

*Primâ Sil-  
uâ id liba-  
rum, in hac  
non attingitur.*

Etiam cū Patres de Principe imponendo Eccle-  
 siæ consultarent, Columbæ fenestris eius aduolan-  
 tes, indices fuerunt, illum vnum esse quem sibi  
 Vicarium Christus, Religio Patrem exposceret:  
 his auguriis prænuntiatus est V R B A N I Pontifi-  
 catus; vt diuinum ob diuinas aues, pacificum ob  
 tranquillas expectaremus.

*Herman-  
 nus Hugo  
 Epist. dedi-  
 catoriâ  
 piorum de-  
 sideriorum  
 prima edi-  
 tionis.*

## SILVA II.

**I**nnocue Volucres, iurataque fata columbis,  
 Ecquod tam subitum, quove tenetis iter?  
 Non equidem Diuum sine mente, sine omine adestis.  
 Dicite: Quid felix iste volatus habet,  
 Dum celeres petitis Romana palatia? magni  
 Vos ego successus auguror esse duces.  
 Dicite: Num triplici Dominum dum queritur orbi  
 Designare libet, qui benè cuncta regat?  
 Ite bonæ Volucres: certum date Patribus omen:  
 Ite, sacro PETRI consulite Imperio.  
 Dum loquor, æthereum pennis plaudentibus agmen  
 Obsedit limen magne MAPHAEÆ tuum.  
 Accipe sanctum omen. Superos agnosce vocantes.  
 His tibi prodigiis certa Tiara venit.  
 Non petit ista tuas sine Numine turba fenestras:  
 Orbis Te Dominum præscia sentit auis.  
 Te nisi sentiret, non hæc præsagia ferret.  
 Vana sacris auibus non solet esse fides.

Tota



Tota superfusus cū terra latebat in undis,  
 Et mundus tantū sidera & æquor erat;  
 Cū niger haud caperet componi marmora coruus,  
 Prima maris pacem candida nouit auis:  
 Nouit, & ore pio ramum frondentis oliuæ  
 Compositi retulit pignora certa freti.  
 Hinc pia credulitas populos descendit in omnes;  
 Nuntia pacati dicta columba Dei.  
 Prisca nouis in Te redeunt miracula signis;  
 Imperio plaudit turba pudica tuo.  
 Sæpè Deus Scep̄tris præludit, sæpè Tiaræ,  
 Fataque per volucres abdita sæpè docet.  
 Dux fuit ad clauēs Fabiano uisa columba,  
 Quemque recusabat iussit adire gradum.  
 Illa Tibi pariter præit ô MAPHAE E, bonoque  
 Ad rerum culmen Te vocat augurio.  
 Accessit miris Patrum sententia votis,  
 Creduntur curæ publica fata tuæ.  
 Non capis hæc impar, nec tanta ad pondera nutas:  
 Tutò humeris sedeat terra polusque tuis.  
 Tecum Christus adest. Tecum Sapientia; quasque  
 Ille Tibi vires sufficit, ista regit.  
 Amborum ductu, rerum accipe tutus habenas:  
 Officio non est lenta futura manus.  
 Quid Tibi diffidis? Romæque orbi que regendo es:  
 Augurium suadet, iudiciumque poli.  
 Eia age pone metus, & tempora subde Tiaræ:  
 Sic visum Superis, subde; Tiara tua est.

Sume

Sume PETRI clauēs : PETRI conscende tribunal:

Te Dominum poscit, Te sibi terra Patrem.

Omnia sub pedibus vertique regiūque videbis.

Sospes erit meritis axis uterque tuis.

Scilicet atque hominum venies Deus. ipsaque Roma

VRBANI supplex sceptrā pedesque colet.

Purpurei hoc posito facient diademate Reges,

Atque tuas poscent secula mellis apes.

Secula iam per Te Romanis dulcia currunt:

Per Te regnabit dulcis in orbe quies.

Matres mellis apes: Tu secula mellea conde.

Mel subamara domat: Tu mala nostra fuga.

Fallor an hoc etiam suadent sperare columbæ?

Speremus, fati est visa columba boni.

Illa dat, illa fouet placida prasagia pacis.

Pax quoque consilio non semel icta tuo est.

Ecce etiam scissum bellis discordibus Orbem,

Atque animos Regum conciliare paras.

Eueniant quæcumque paras. Pax temperet arma.

Claudatur Ianus. tristis Erynnis abi.

Sin belli gentes prædæque ardetis amore,

Ite, Hebrum atque Getas iste laceſſat amor.

Sunt Solymæ bello repetendæ, & Achaica regna:

Est Rhodos, est iusto Marte domanda Cyprus.

Sunt aliæ ereptæ proavis crudeliter vrbes.

Proueniant causâ prælia digna suâ.

Quid frustra fortes laceratis viscera? Diuos,

Diuos vindictam flagitat iste furor.

B

Victori




IO GESTORVM VRBANI VIII.

*Victori ut victo ploranda trophæa petuntur:  
Et vinci, probrum est; & superare, nefas.  
Ponite crudeles terrarum incommoda fastus:  
Non facit ad magnum laurea fæda decus.  
Pax VRBANI apibus, Pax est accepta columbis:  
Rex apium stimulis, felle columba caret.  
Nec vos irasci pulchrum, nec mutua fas est  
Alterum in alterius bella mouere necem.  
Euentura cano. Ponet civilis Enyo.  
Noi quid fati prouida portet auis.*

CREATIO VRBANI VIII.

M A P H A E V S *Cardinalis* B A R B A R I N V S  
*quinquaginta suffragiis Pontifex renuntiatus, ut pie-  
tati moderationique suæ satisfaceret, omnem creationis  
gloriam Deo adscripsit; hoc nummis inciso lemmate,  
FACIT MIRABILIA MAGNA SOLVS.*

 V A M dissentaneus est huic modestiæ  
superborum sensus! etiam magnitu-  
dinem affectant inanibus factis: ac si  
quid inusitatum moliuntur, miracu-  
lum vocant. Itane miraculum, quod perituris ma-  
nibus extruitur, ne felicius duret, quam incœpe-  
rat? Miraculum sit, cuius ineluctabiles ruinæ tra-  
hunt semper & consepeliunt Auctoris superbiam?  
Ego nihil mirabile appellarim quod hominum cu-  
râ stat, quod quæri, quod desiderari aliquando  
potest.

potest. Vnius Numinis opera, admirationem magnitudine promerentur. A solo quippe magno, magna; à mirabili, miracula proficiscuntur. Eludant licet arrogantes, & ea quæ vulgò orbis mirabilia nominantur, æstiment: verum est ac immortum V R B A N I leinma, Deum mirabilia magna solum efficere. Si hæc professi dignitatem attende-  
ris, terrenus est hominum Deus; si cognitionem, veritatis oraculum: factis denique, omnium laudem, plausum, amorem promeretur. per illa tamen hoc spectat, vt Deum solum Mirabilia moliri credamus. Sit fides Auctori; eiusque Pontificatum Numinis inundo consulere volentis miraculum æstimemus.

## SILVA III.

**N**Ec tu vocanda es magna Semiramis  
*Superba muris femina, nec tuus*  
*Pilisque pendens arcubusque*  
*Famæ adeò memorandus hortus.*  
*Nec vos vetustum Pyramides opus,*  
*Ægyptiorum crimina Principum,*  
*Rerum inter estis efferendæ*  
*Mira. Tuum Labyrinthe nomen*  
*Deleuit ætas. Fama brevis fuit*  
*Templi Dianæ: splendidum opus, malè*  
*Æternitati destinatum,*  
*Nocte breui celer ignis hausit.*

B 2

Non



Non exstruentem Vana, putaueris  
Miranda moliri : hæc fuga temporum

Euertet, aut magnam repentè  
Mole trahent nimia ruinam.

Solis colossus quarimus. Occidit  
Domus Neronis. Procubuit Pharos.

Decusque Mausoli ; ruinæ  
Reliquias tegit alta tellus.

Stetere thermæ. Phidiaci Iouis  
Ebur refulsit. Roma vetus fuit.

Quod prisca mirabatur ætas,  
Umbra modò est, & inane nomen.

Quid magna parui suscipimus ? Deus  
Miraculorum solus idoneus

Auctor, celebrandis utrumque  
Prodigiis stupefecit axem.

Nempe ille terram fundat in aëre,  
Vagisque stantem cingit aquis globum,  
Ceu mœnia orbi muniendo

Exstrueret, liquidumque vallum.

Vides Olympi sideream domum:

Quot astra tollit, quot micat ignibus,  
Tot magna diuine relucet

Terrigenis monumenta dextræ.

Phœbea lampas siue rapit diem,  
Siue illum Eo reddit ab equore,

Deum abnuentum cecitatem

Per specuis radiis reuincit.

Numen

Numen potenti, nec tenerâ manu  
Aduersa rerum semina continet;  
Mundi que concentum perenni  
Dissidio numeris que miscet.  
Nunc sancienda Christi adum fide  
Gentes sub uno Principe colligit;  
Qui more, linguâ dissidentes,  
Religione pari, sacris que  
Iisdem coërcet. Illius, illius  
Nec visitatum nec tenue est opus,  
VRBANE, labenti quod Orbi  
Sufficeris, placide que regnas.  
Tu Christianos quis foveat status  
Curas; & Orbi sollicitus caues,  
Quid error, aut cruenta Thracis  
Aula paret, Phlegethon que discors.  
Rerum arbitro Te, fluxa licentia  
Frenum momordit, culpa que tollere  
Vultus inaudax delitescit;  
Omne nefas cohibente lege.  
Nescis pudendis parcere fontibus,  
Seu puniendos Religio citat,  
Commune seu bonum, Aequitasve  
Iusta pio Dea, iusta fonti.  
Per Te Latini gloria nominis  
Sedis que crescit. Jam ditio & Tuae  
Claues ab Euro porriguntur  
Ad Zephyrum, Proceres que Congi.

B 3

Prudens



14 GESTORVM VRBANI VIII.

*Prudens Tiara subijcis & PETRO  
 Sceptrum Pisauri : fontibus irrigas  
 Urbem Quiritum : iamque prisci  
 Te Domino rediere mores.  
 Fecisti ut aptis Ælia surgeret  
 Arx cincta muris : ut rapidus Tybris  
 Olim , explicati pontis arcus  
 Nunc placidus docili amne tranet.  
 Augusta in ipso templa Palatio  
 Ponis Sebastî. Latior incolit  
 Ædem integratam Bibiana,  
 Grande tui monimentum amoris.  
 Per Te columnæ quatuor inclytum  
 Patris sepulchrum clauigeri tegunt ;  
 Decus columnæ Vaticani  
 Atque pares oneri polorum.  
 Hinc se perennem crederet alter , hinc  
 Magnum vocaret : Tu melior , Tibi  
 Nil sumis , & soli fateris  
 Magna Deo tribuenda : solum  
 Miranda Numen condere. Celsior  
 Vox ista surget Pyramidum situ,  
 Maiorque famâ , maior annis  
 Prisca Ducum monumenta vincet.*

TIARA

TIARA  
VRBANO VIII. IMPOSITA  
ET  
D. MICHAELI  
AB EODEM CONSECRATA,  
CVM HAC FORMVLA,  
TE MANE, TE VESPERE.

**P**ARVA de se in abiectâ fortunâ sentire, virtuti vix adscripserim : sensus est potius à sordibus obscuræ conditionis expressus. In summo autem gradu, moderationis & fortunæ capacem esse, supra mortalitatem est, atque haud scio an supra virtutem. Te spectro, VRBANE, cui propria illa laus, vt lucem Tibi circumfusam; totam Dei non tuam arbitrêre. Tua tamen sit cùm illam resignare amas. cauente hoc Deo, vt qui sibi nihil tribuunt, omnia consequantur; omnium iacturam faciant, qui suum, aliquid vocant. Commodum Pontifex creabaris, & iam fastigium honoris Deo submittebas. Tiaram autem, hoc est insigne diuinitatis cùm induisti; exuisti Pontificem, vt honoratior cliens ad MICHAELIS pedes prouoluerere. Consecrasti illi Tiaram, quasi debita Tibi non esset.

Imò



Imò vt eius supplex noscerere, nummos hoc seruitio celebres cudi iussisti, ceu velles aternum facere, quod feceras semel. In his Tu nummis ad genua MICHAELIS procidis. Nónne maior, quo demissior? In his tuum illi animum hac officiosâ prece declaras: TE MANE, TE VESPERE. Quis non credat, Te noctis & diei tempora sic velle dispungere, vt supplicem & laudatorem semper habeat. De die paratus es eum venerari: noctu cùm ceteri conquiescent, Tu ad eius aras vis excubare. Hoc nimirum est Tui obliuisci, vt sis in socium officiosior. Socium tuum MICHAELEM dixi; nec appellationem illam Angelorum Princeps fugiat. Etenim vt Tu Ecclesiæ moderator, sic ille custos audit: ita prorsum eidem labori ambo incumbitis. Ambo socij estis. Tu MICHAELIS, ille VRBANI. Soles tamen Tutelarem illum & Patronum appellare: at profectò non tam quid velis attendet, quàm quid mereare. Ita placebit illi hæc demissio, vt dignitatis tuæ non obliuiscatur. Sic se Tutelarem præstabit, vt Te collegam sciat & colat, Domini sui partes egregiè sustinentem.

## S I L V A I V.

*Quæ sciens gemmas sociare dextra  
Nobili finxit studio coronam?  
Cuius ardetis redimire sanctæ  
Tempora gemmæ?*

*Nosco.*

Nosco. Tot baccis decus illigatum,  
Hic Apex splendens triplici coronâ  
Debitam poscit Latij Parentis  
Cingere frontem.

Cinge longum orbi veneranda, cinge  
Tempora VRBANI: Pater ille mundi  
Et piorum Rex, capiat supremi  
Pignus honoris.

Quid? sacros crines simul attigisti,  
Amouet sanctum decus; & superbum  
Gemmeo textu MICHAELIS aris  
Dedicat aurum.

Sume, ait, Diuum generose vindex,  
Sume iurati famuli Tiaram:  
Me tuum Phæbo reduci, tuumque  
Nocte videbis.

Nil mea possunt sine Te corona.  
Cultus hic causas mihi dat timoris:  
Pondus est, pondus, nisi fulciatur,  
Jure timendum.

Rektor inuicta MICHAEL iuente,  
Præpetum pugnax equitum Magister,  
Ecquis hæc audis? age, siue Cæli  
Agmina lustras,

Siue ad umbræ violentus Orcum  
Fulminas; quæ te plaga cumque habebit,  
Auræ cælis animas piorum  
Lance ferentem,

C

Aut



*Aut graui incestis frameâ timendum,  
Latus huc vultum refer, huc adesto:  
Dum tua ingenti cumulata crescit  
Gloria dono.*

*Cernis VRBANVM genibus minorem,  
Supplicem cernis? Tibi sponte magnus  
Procidit supplex, Latiamque subdit  
Sponte Tiaram.*

*Quid Tibi maius potuit dicari?  
Hanc colunt proni populi Coronam,  
Seruat hæc omnes populos Corona,  
Quæ Tibi seruit.*

*Sub tuâ regnet diuturna curâ;  
Quique eam vouit, tui opus feratur  
Consili VRBANVS. Tibi debeamus  
Illius annos.*

*Si rebelle agmen, tumidumque Regem  
Perfida elatis animis mouentem  
Bella, defenso pius expulisti  
Victor ab axe;*

*Pelle quæ Regnum violare mitis  
Principis feruent; fera monstra pelle,  
Ne quis aut error, vel iniquus hostis  
Sacra profanet.*

*Sole primæuis rutilante flammis  
Ad tuas cultor sacer ibit aras:  
Tu die terris redeunte, vota  
Supplicis audi.*

*Cynthia*

*Cynthiâ noctis moderante bigas  
Stabit in celsâ speculâ, irretorto  
Lumine insomnis Tibi dedicata  
Brachia tendet.*

*Nocte Tu totâ Vigilem clientem  
Sub sacro serua clypeo ; simulque  
Viribus iunctis Stygij tyranni  
Vincite fraudes.*

*Audior, voti rata spes : ter hastam  
Concutit magnus MICHAEL, ter alis  
Plaudit, VRBANVM valido expeditus  
Ense tueri.*

*Orbis immensi Pater atque Custos,  
Numinis Prorex, cui cura summa  
Sedis, & morum ; MICHAELE felix  
Auspice regnes.*

*Tu Deum factis meritisque presta:  
Ille erit sancti socius laboris,  
Ille seruabit sibi consecrata  
Fata Tiara.*

## DITIO ECCLESIAE

AD METAVRVM AMPLIFICATA.



*T* virtutibus speciosa fuit VRBANI  
inauguratio, sic multis statim emolu-  
mentis abundauit : neque Sedes di-  
gnum tantum Pontificem in illo, sed  
etiam magnum amplificatorem habuit; Deo caus-

C 2

fas



fas subministrante, quibus Ecclesiæ ditionem propagaret. Defunctus est sine meliori prole Franciscus Rouereus Dux Urbini, Pontificum beneficiarius. Clientelarem igitur prouinciam, non armis, nec sanguine, sed prudentiâ & festinatione recuperavit V R B A N V S, planè vt Urbinates non mutasse Dominum, sed ad antiquum rediisse videantur. Equidem cum in sæcularem ditionem à Iulio transcripti olim fuissent, hoc exigebat vetus illorum & bona fortuna, vt rursus cum P E T R O coalescerent, sacro eius Imperio futuri tutiores. Nec est quòd hæc incrementa sectarij superuacanea  
 Isaïæ c. 60. vocent. Deo placitum vt Ecclesia *Mamillâ Regum lactaretur*: ac licet in infantiâ non sine graui Numinis industriâ virtutibus quàm auro instructior esset, varij tamen Reges, vt temporum ratio & utilitas postulabat, munifici in illam fuere. Nam quid Constantino liberalius? tali opus fuit vt Ecclesiæ libertas cum splendore statueretur. Quid Carolo religiosius? ita res poposcit vt mutato Imperio firmarentur dona Constantini. Quid illa ditionis suæ datrix Mathildis, quæ Diuos heredes habere quàm homines maluit, P E T R O quàm necessaria fuit, vt patrimonium haberet. Iam verò tot Reges qui sua Regna Pontifici vestigal pendere voluerunt, quantam Principi Sedi contulere dignitatem? Additus Ducatus Spoletanus, Marchia Anconitana, Beneuentum, quid effecerunt, nisi vt clarior

rior assurgeret Ecclesia? Postremò Urbini facta ab  
VRBANO accessio, quantum profuit, vt Pontificij  
Dominij amplitudo, à mari supero ad inferum con-  
tinuo tractu funderetur? Sic decuit orbis Matrem  
crescere.

## SILVA V.

**H**Æc quamcumque vides, quàm magna opulentia  
PETRI,

Post obitus CHRISTI sanguis & horror erat.  
Pauperis exemplo Regis, florebat egestas;  
Et quas calcarat, nullus amabat opes.  
Vulnera pro gemmis, pro cultu vincla placebant;  
Sancta que magnarum mors erat instar opum.  
Ibant Pontifices caput obiectare securi:  
Sapè illis ceruix secta, Tiara fuit.  
Sapè feras inter, mediòve in crimine ferri,  
Sanguine pro trabeis irrubuere suo.  
Curia que primi nunc Eminent ordinis ostro,  
Plagosos habuit pectora sancta senes.  
Vaticana domus rerum nunc Principe digna,  
PETRI sub Regno collis & herba fuit.  
Ista triumphatis que dicit iura Quirinis,  
Romulidum passa est verbera sapè Fides.  
Aspice que nunc sunt delubra & templa priorum;  
Diuersi dices Numinis esse domos.  
Quos votis colimus, queis celsas ponimus aras,  
Ludibrium quondam totius orbis erant.

C 3

Nulli



*Nulli tuta Fides. Pietas innoxia nulli.  
Plenus erat sanctis carcer ubique reis.  
Horrida Romano vox spargebatur in orbe:  
Intereat, CHRISTVM pro duce quisquis amat.  
Impius in mediam populus rapiatur arenam:  
Iratum placet perfida secta Iouem.  
Hic erat hic Pietatis honos, ea dona ferebat  
Quisquis adorata sub Cruce miles erat.  
At bene mutauit crudelia secula Numen:  
Detumuit fluctu fracta procella suo.  
Cadibus atque malis nata est Ecclesia pacem,  
Et decori nostro per probra facta via.  
Hec tibi debemus solatia CONSTANTINE:  
Prima tuo nobis munere parta quies.  
Tu Latios CHRISTO fasces, Tu sceptrum dicasti,  
Heu nimium nostris ante inimica sacris.  
Tu pius & diues posuisti immania templa,  
Itala quæ tellus, quæque Pelasga tenet.  
Ipsa etiam per Te subiecta est Roma Tiara,  
Ut Fidei fieret, quæ caput orbis erat.  
Venerunt & opes tecum, splendorque, decusque;  
Nec Deus in templis pauper ut ante fuit.  
Balsama pro vili pietas urebat oliuo:  
O quantum hæc dispar flamma prioris erat!  
Fagina in argentum mutata aurumque supellex,  
Proque rudi data sunt gemmea vasa luto.  
Tunc & Erythreis cœpere rigere lapillis  
Pontificum trabeæ, Pontificumque cruces.*

*Quam*


Quàm benè tum nostris maiestas addita templis,  
Quàm benè surgebat per bona tanta Fides!  
Mox alia ex aliis accessit copia donis,  
Carole siue tuis, siue Mathildi tuis.  
Sapè pios inter certamina pulchra fucrunt,  
Dona Dei gazis quis potiora daret.  
Cuncta dabant, sine fraude dabant: maiora dedisse  
Lucrum erat: augebant munera dantis opes.  
Flavius Utiliter Romam dedit. Illa perennis  
Et PETRI & fato Religionis erit.  
Cæsaribus certo data tantum limite tellus:  
Romane spatium est Sedis & Orbis idem.  
Nec metas rerum huic posuit, nec tempora Numen;  
Imperium mundi, sed sine fine dedit.  
Cedite Victrici, Plutonia cedite monstra,  
Nec vi nec vestro quassa furore ruet.  
Quin adèò rabidas vexantum ut frangeret iras,  
Illam opibus nudam noluit esse Deus.  
Illa tot infestos Superis compescuit hostes,  
Sub quorum gladijs procubuisse inops.  
Illa tot emisit Solymæa in Regna carinas,  
Laurigeras toties rettulit inde rates.  
Illius Auspicijs cohibentur cornua Lunæ,  
Nec strage Europæ plena coire queunt.  
His opibus domat errores, frangitque furorem,  
Siue tuum Pelagi, siue Luthere tuum.  
O quàm legitimis stat tanta potentia caussis!  
Quàm sacer est usus cui cumulantur opes!

Scilicet



*Scilicet hunc spectans, sceptrumque Urbesque Pisauri  
 Reddidit VRBANI prouida cura PETRO.  
 Quale eius Sceptrum, quæ surgere Regna videmus?  
 Quamque refert famulas iure Metaurus aquas?  
 Hinc mare quod supra est, & quod perlabitur infra,  
 Victrici VRBANVS, per sua, clauæ petet.  
 Aspice ut his opibus Sacrorum iura tuetur,  
 Ut Superos cultu splendidiore colit.  
 Aspice quas sedes, quæ ponat templa Tonanti:  
 Quam validâ Romam muniat arce suam.  
 Viuite Pontifices securi, viuite Romæ,  
 Præsidium vestris arx erit illa malis.  
 Vos quoque Calicolæ templis gaudete superbis:  
 Vos dignâ VRBANVS vult habitare domo.  
 Quid fremis impietas? non hæc opulentia vana est.  
 Desine. iam tot opes caussa Deusque probat.*

LAVRVS BARBARINA  
 MULTIPPLICIS  
 DOCTRINÆ VRBANI  
 SYMBOLVM.


 OESIM otiosæ mentis occupationem  
 nemo dixerit. Ut in totâ litterariâ re  
 operosius nihil; sic haud scio an tra-  
 ctari quidquam diuinius possit. Eam  
 dico Poësim, non quæ obscænos Suffenos, aut  
 triobolares Mæuios olet; sed quæ à Numine inspi-  
 rata,

rata, exculta studio, perfecta sapientiâ, scientiarum omnium cognitione diues, magni & puri pectoris opus est. Huius notæ Poësis cùm VRBANO VIII. adhuc Cardinali mirum quantum arrideret, Laurum inter emblemata cooptauit, superuolitantibus apibus & hac epigraphe celebrem, HIC DOMVS. Omnino qui Poëtica eius euoluerit, laurum Apollini eripere, VRBANO consecrare non verebitur: eoque iustiùs, quòd in Apolline fabulosa omnia; hic nobilem arborem meritis suam fecit. Tantus siquidem est Maphæani carminis nitor, ille verborum delectus, tanta sensuum magnitudo, vt si VRBANVS non esset, Apollo Christianus posset appellari. Verùm non sunt ad pompam conquirenda vocabula. In omnium manibus versantur, quæ diuino stylo cultissimè scripsit: si legeris, dicas nihil hîc veris afflictum dotibus, cùm antè deprehenderis nitidissimam Poësim pro dignitate non posse celebrari. At verò quantam illius eruditionem esse oportet, cuius hæc tam præstans cognitio pars est minima? Floret etiam Philosophiæ laude: princeps est in Iure: Sacras linguas apprimè callet: Theologiam peruasit: Græcos Latinosque Patres euoluit, comprehendit: ac ne quid ad eius absolutionem desit, vtrumque Christianæ Philosophiæ Instrumentum tam altè peruidit, vt quamquam Christi os non esset ob dignitatem, posset tamen tot nominibus Veritatis oraculum dici.

D

SILVA



## SILVA VI.

**V**irginæ laurus, seu sacram intenditis umbram  
 Montibus Aonijs, seu pulchro Heliconis ad undas  
 Ordine digesta, feliciaserta paratis  
 Vatibus, acclini ramos demittite trunco,  
 Et spretis Pindi scopulis & nomine Daphnes,  
 BARBARINA pio cognomina ducite fastu.  
 Quid iuuat in sterili cliuo frondescere? dudum  
 Mutæ Pierides, & vanum nomen Apollo.

Ecce Quirinali mundum qui frenat ab aulâ,  
 Innocuis dignatus apes committere ramis,  
 Vestram immortalifamam sacrauit honore:  
 Audiat hic posthac vatum Pater, audiat Orbis  
 Aonidumque decus, Parnassique ardua templa  
 Hospitis antiqui spernant hoc Præsidenumen.

Vosne igitur mellis genitricesculmine in alto  
 Arbos sancta tenet? Vobis hic frondea tecta  
 Cepistis, viridemque domum, certosque penates.  
 O quoties illic castâ dulcedine late,  
 Et Latio & Superis mouistis amabile carmen!  
 MAPHAEVS quoties matura in flore iuuentæ  
 Dulces hic cantus illo dedit ore, superbas  
 Quo gentes recturus erat! Quâmsapè canenti  
 Arrisit blandum non torua ex aethere Virtus,  
 Mellificamque videns turbam, Nunc ite serena,  
 Ite, inquit, laurumque superuolitate Volucres:  
 Sic MAPHAEI omnes transcendet gloria lauros.

Quid

*Quid memorem fidibus corda expugnata canoris,  
Atque triumphatas Verbis victricibus aures?*

*Calitum olor, Lauri princeps, decus omne Latini  
Nominis, Aonii moderator candide regni,  
Quàm meritò posthac capient tua nomina Laurus.  
Te nascente sacrum viruit nemus: ipsaqué visa est  
Implexis circum lauris vernare Tiara:*

*Mox pueri cunas edera cinxere virentes,  
Et ferrugineae violæ, calycesque rosarum:  
Quas inter iurata tuis plebs mellea fatis  
Ibat, & ingenti patris per tecta canore  
Et regnum Pindi tibi portendebat & Orbis.*

*Hinc ubi cepisti primas distinguere voces,  
Formabant Charites vocem, curaque fideli  
Signabant leges, ritusque decusque loquendi.  
Jam tum maiestas verbis, iam pondera dictis,  
Illecebræ suberant voci, queis flectere Reges  
Et populi poteras animos lemre furentis.*

*Cum placuit Romana chelys, libuitque per artem  
Immortale loqui, Geticum stupor Orphea fixit:  
Contraxit victas Cycnus Dirceius alas:  
Mœonia dubio siluerunt carmine Musæ:  
Hæstisti positâ vates Venusine coronâ,  
Et palmam è manibus timuit sibi Mantua tolli.*

*Si diuina libet sublimi reddere plectro,  
Digna Deo Superisque moues: sin crimina pungis  
Vindicibus stimulis, pœna tua verba sequuntur;  
Et vitium & noxas aeterno vulnere figis.*

D 2

Contrà



Contrà Vbi Virtutis Visum est attollere nomen,  
 Sideribus Virtutem aquas; formamque pudicâ  
 Maestate grauem sic illecebrosus adumbras,  
 Ut quisquis pronas dictis aduerterit aures,  
 Virtutis flammâ properè ardeat, oderit omne  
 Crimen, resque suas sibi mandet habere Dionem.  
 Hic ego dum gemitus animæ delicta dolentis,  
 Dum lacrymas attendo, iuuat delicta vicissim  
 Lugere, atque meos alienis iungere fletus.  
 Per Te dum fumum & mundi fallacis inane,  
 Dumque Vices rerum nosco, Variæque seueros  
 Fortunæ lusus, iustis libet omnia sannis  
 Excipere, & crepero digitorum explodere flictu.

O Laurum in nostri sæcli ornamenta virentem!  
 Dignam apibus Musisque domum, frondentibus ex quo  
 Hospitijs, Latij tenuisti examina Patris!  
 Hic solantem illum blandâ testudine curas,  
 Et quos aut ortus parit occasusve labores,  
 Calicole ingenij Regem rerumque salutant.  
 Quis salibus magis argutis epigrammata clausit?  
 Quis tristes elegos fudit plorante camœnâ  
 Latius? Heroi cui plus natia cothurni  
 Maestas? citharæve lepos? cui pleniùs Vmquam  
 Romanum respondit ebur? Tu lura, Themimque,  
 Quàm magna est, cepisti animo. Tu mente sagaci  
 Diuinorum altè penetraſti arcana librorum,  
 Quæ sacris fidibus, quæ lusit pectine Dauid;  
 Quacumque antiqui Vates monuere, nouique.

Jam

*Jam tua quàm variis exercita lingua loquelis!  
Hebrais Hebræa refers, & Græca Pelasgis.  
Atque aded si quid vacui tibi temporis aula  
Aut enascentes curæ super orbe relinquunt,  
Sollicitis manibus Patrum exemplaria versas,  
Cecropiosque fauos nectarque excerpis Achæum,  
Lenimen cultumque animi. Cui tanta bonorum  
Congeries concessa? alijs bona singula dantur:  
Plena tibi veniunt; & quæ partitur in omnes,  
Rex in te Superum accumulât. Sic lumen in astris  
Diuisum radiat, astrorum è principe Phæbo  
Communi ceu fonte salit. Sic flumina, Ponti  
Particulæ, angustis labuntur condita ripis;  
Pontus aquas omnes immenso amplectitur alueo.*

*Surgite felices VRBANI, surgite Laurus:  
Jam vos Roma colit. vobis iam pleetra Poëtæ  
Appendunt, vestraque Helicon se subiicit umbra.*

*Nos humiles nixique genu, spes inde Camænis  
Ducimus. Atque utinam sacris de frondibus unam,  
Si merui, si digna peto, Te dante, laboris  
Aut decus aut pretium fas carpere! carmen in æuum  
Iret, & extremi riderem incendia busti:  
Riderem inuidiæ dentes morsumque furentis.  
Da veniam, præcox votum est. Temeraria mentem  
Fama rapit, meritisque venit fiducia maior.*



SOL SYMBOLICVS  
VRBANI VIII.

EIVSQUE LEMMA,  
ALIVS ET IDEM.

QVIBVS  
VRBANI PONTIFICATVS  
EXEMPLAR PROPOSITVR.

**Q**UOD huic rerum vniuersitati Sol, hoc VRBANVS est Ecclesiæ. Vterq; alium se ac eundem, ille mundo, hic hominibus præstat. Sic aptè VRBANVS cum Sole, Sol cum VRBANO conuenit. Libetne similitudines expendamus? Soli regium munus assignatum, terras, animantes, astra moderandi: VRBANO subiecta sunt omnia, nec minùs placidè ab eo gubernantur. Solem ceu pulcherrimum sui simulacrum Deus accendit: etiam hoc supra VRBANVM Vicarium suum fecit. Solis est tenebras expellere, quoque aspectabilior sit nubes detergere: hic ne Fides obscuretur, omnia errorum vitiiq; nubila repellit. Illius cursu ducuntur dies, anni, sæcula: ad huius nutum voluitur vtriusque fati rota. Soli flores suos ver, æstas fruges, vvas autumnus debet; & cum longius à nobis discedit, hiemis

hiemis vim patimur, & niuium importunitatem: maior est efficientia clauium VRBANI: illis diuinas opes iustis impertit, scelera fulminat; planè vt ad eius arbitrium, harum conuersionem, Beatitudo vel ærumnæ, Vita sequatur vel interitus. A Sole ortus sunt, vicissitudines & occasus rerum; illi vitam suam homo, tellus metalla deputat: VRBANO autem Fidei lucem adscribit Congus, Æthiopes, Afri; Iaponia suum in vexationibus solatium. Breuiùs dixerim, qui ex impietatis castris ad Crucis signa festinant, VRBANI partus sunt, certè filij, cum ille communis sit omnium Parens. Hæc effectuum in Sole, in VRBANO conueniens varietas, ritè arguit vtrumque, ALIUM ESSE ET EVMDEM: illum in naturæ, hunc in Ecclesiæ conseruationem.

## SILVA VII.

*S*ol nouo semper veterique mundum  
 Igne collustrans, radiate puri  
 Luminis princeps, aliusque & idem  
     Arbiter cui,  
 Dic & Aurora populisque noctis,  
 Sidus ac numen Latij Parentis  
 Inclytâ terris aliudque idemque  
     Luce nitere.

*Lemmat*is pulchri celer Auctor affers  
*Lucidum* exemplum, roseosque currus

*Promis,*



*Promis, & celas, superis polorum  
Gratus & imis.*

*Nasceris dispar similisque semper:  
Semper occumbis rediturus: atque  
Semper hesternas renouas recenti  
Lumine flammæ.*

*Siderum princeps moderaris astra.  
Mens soli & cæli moderaris orbem.  
Omnium custos placidâ tueris  
Omnia luce.*

*Tu comam grato redimitus igne,  
Efficax, magnus, speciosus, ipsum,  
Unde duxisti radios decoris,  
Numen adumbras.*

*Dum tuos condunt tenebræ iugales,  
Aut in obscurâ nebulâ teneris,  
Atra detergis nitido coruscus  
Nubila crine.*

*Temporum euoluis glomerâsque nexum  
Cursor æternus, volucrique gyro  
Sæcula & menses, rapidumque labi  
Digeris ænum.*

*Prò dolor! sed tu simul occidisti,  
Clarius multo rutilas, redisque  
Acer ex lassò, refugæque lucis  
Flamma perennis.*

*Nos ubi leti tenebræ occuparunt,  
Nocte longinquâ premimur caducæ*

*Lucis*

Lucis exsortes, rigidaque inani  
Corpore larvæ.

Tu soles anni variare cursum  
Vernus, æstivus, tepidique flammâ  
Mitis autumnus, glacialis idem  
Tempore bruvæ.

Hinc iacet tellus, animosve tollit.  
Vere fecundum gremium renatis  
Floribus pingit, viduosque campos  
Gramine vestit.

Mox ab æstivis tepesfacta flammis  
Reddit anni spes. Vbi ponit æstas,  
Poma distinguit, placitasque carpi  
Inficit vuas.

Cum diem cursu breviori stringis,  
Et rotâ obliquus raperis sinistra,  
Tota inhorrescit niuium imbriumque  
Hispidâ sedes.

Tu vices, ortus, obitusque rerum  
Flammeis loris trahis illigatos:  
Tu parum claris radiata præbes  
Lumina stellis.

Ipsæ terrarum pecudumque princeps,  
Quodque mortali dominatur aurum,  
Maximum infusus specimen tuique est  
Summa laboris.

Talis V R B A N V S triplicem per Orbem  
Aurea spargit radios diei,

E

Semper



*Semper antiquâ, redeunte semper  
Luce serenus.*

*Ille ab excelso Solio tenendas  
Ætheri leges, barathroque figit;  
Et Tybrim, & Reges, populosque sanctis  
Flectit habenis.*

*Ille terrarum Deus, auiterni  
Numinis partes obit : ille CHRISTI  
Unicus Prorex, & imago, Romam  
Numine complet.*

*Candidus morum fideique Censor,  
Noxias stirpes scelerum reuellit:  
Mentium claro fugat imperitam  
Lumine noctem.*

*Gratie præses, dominusque leti,  
Integros Cælo beat, atque Lethe  
Damnat incestos, hominumque fatum  
Finit utrumque.*

*Quidquid in terris grauiore nexu  
Vincit, id nodo simili coërcet  
Numen; & quidquid cupit exsolutum,  
Solvit in astris.*

*Nunc opes cæli mambus benignis  
Diuidit iusto; modò perduellem  
Fulminis diro ferit igne sacri,  
Mitis & asper.*

*Jam polos clausi reseat, beatæ  
Arbiter vitæ; modò luctuosum*

*Limen*


*Limen occludit Stygis, ac utrique  
Præsidet Orbi.*

*Torridos CHRISTO Libyæ colonos  
Subdit, & Congum. Japonum dolores  
Litteris lenit, Latiâque Sinas  
Luce serenat.*

*Alterum iures Superos colentem,  
Alterum iures Styga punientem:  
Sic Stygem punit, Superosve adorat,  
Unus & idem est.*

*Alme Sol, rerum vigor atque nexus,  
Cum polum sero cumulabis astro,  
Te tuus supplex ALIVM ATQVE EVMDEM  
Sentiât Orbis.*

APES GENTILITIÆ  
VRBANI VIII.  
SACRI EIVS IMPERII  
ET FACVNDIÆ INDICES.

 VACVMQVE tandem ex plagâ in  
gentilitium BARBARINORVM scutum  
Apes immigrarint, nec inauspicatò, nec  
sine Diuûm numine aduolarunt. Re-  
gni certè tanto illustrioris omen VRBANO attu-  
lerunt, quàm aut Hieroni olim aut Vuambæ: quo  
præstat primum à Deo esse, orbi toti; quàm Siciliae  
E 2 tantum,



tantum, vel Hispaniæ iura dicere. Deinde si cladem hostibus portendunt, manifesto Numinis nutu in Solio P E T R I fulserunt; ut magnas Othomanno, magnas perduellibus hæreticis clades denuntiarent. Vidimus V R B A N O Christianas gentes temperante, Bredam à Batavis receptam, excisam Ruppellam, fractos Danos, casum Regem Suecorum Gustauum, fusos à Polono non semel Turcas, Scythas domitos, Piratas item profligatos in Tyrreno; ut iam strages illas æstimanti, V R B A N I Pontificatus sectariorum Turcarumque fatum dici iure possit. Sic quidem Apes bellicosæ: sed ne pacis laude vacent, trabes facundiæq; laus subsequatur. Fama tenet, Platoni olim & Ambrosio Apes ad eloquentiam nobili augurio prælusisse: an non præluserunt V R B A N O, cuius insignia obsedere, cuius tot mellei riui in populos manant? Sunt illi quidem ad facundiæ gloriam satis; sed gloriosius, ex ipsâ cortinâ Veritatis Dei more loqui, os Dei esse, quàm ob eloquentiam melle dulciorem commendari.

## SILVA VIII.

Insigne  
BARBA-  
RINO-  
RVM A-  
pes tres,  
aureæ, in  
cæruleico-  
loris areâ  
radiantes.

*C*onspiciæ gentis trias aurea, tessera magni  
Pontificis, teneræ mellis pacisque parentes,  
Mellea Romuleæ quæ sæcula conditis Urbi,  
Ite, triumphanti terras lustrate volatu,  
Atque ortus obitusque sacro perfundite rore:  
Terrarum ærumnæ vestrâ dulcedine poscunt

Leniri.

Leniri. date mella, hominumque auertite cladem  
 Paciferae Volucres: vobis iam turbidus orbis  
 Et vestro totum vult se debere labori.  
 Fœderis auctores vos ille, & bella prementes  
 Accipiat, Latiaeque sequatur iussa Tiara.

Nec verò in Signis aquilæ Latialibus umquam  
 Tantum obiere soli, cum fata aciesque secutæ  
 Casareas, terris dictarent iura subactis:  
 Sed neque cum regnum victo firmavit in ortu  
 Belus, tot populis Syriæ fulsere columbæ.  
 Ut longè imperium Romanus fuderit; utque  
 Assyrii latè regnauerit arbiter orbis;  
 Plus aliis, quàm quod frenabat uterque, reliquit.

Quà CHRISTVS, quà cana Fides, PETRVSque  
 triumphat,

Trans & Caesaribus, trans cognita littora Belo,  
 VRBANI sacrâ ditione insignia regnant,  
 Et Romanus api supponit cuncta Tiaras.  
 Mellificæ Volucres, vos, cum declinior abdit  
 Phœbus equos, caeleste acri dare nectâr Ibero  
 Aspicit: Eo cum tollit ab æquore currus,  
 VRBANI per regna venit; quaque ire laborat,  
 Vestro miratur recreari nectâre gentes.

Scilicet imperium certis prædicere signis  
 Ne frustra memorentur apes, Regalis ubique est  
 VRBANI trias, argumentaque regia præstat.  
 Præsidet Una polis, terræ altera, tertia Diti;  
 Jamque apium triplex ad nutum vertitur Orbis.

E 3

Quin



Quin & , si stragem castris, si gentibus hostem  
 Bellica portendit fatali examine turba,  
 Jam video Lappique nefas, Boreæque procellam  
 Ponere, seu Româ felix VRBANVS ab altâ  
 Præbeat auspiciû, Latio seu fulciat auro  
 Rhæni fortunam. cuicumque minabitur hosti,  
 Occidet. At si cui præsens mandauerit omen,  
 Hunc Viridi lauru cinget Victoria. Cernis,  
 Austria ut euerso tollant se sceptrâ Suëco,  
 Omnibus ut castris Finnius cadit, omnibus armis.

Consilia æternæ mortalia cedit legi:  
 VRBANO ( atque utinam longum ! ) regnante vi-  
 gebit

Religio, Pietasque, & Gens tot Regibus aucta,  
 Tot clara Augustis. Una omnia crimina contra  
 In fatum victrix, & spes assurget auorum.

Quid frustra fremis impietas? cur fontibus ausis,  
 Nec profecturis conatibus omnia mîsces?  
 Ipse licet gelidâ veniat Gustauus ab Arctò,  
 Liuoniamque, animosque Aquilonis, & horrida secum  
 Bella trahat victor; Regesque vrbesque mouebit,  
 Par patrio Boreæ, trifidoque simillimus igni:  
 Mox rerum cursu in medio Vanescet inanis  
 Impetus, & versis infesto Numine fati  
 Impositus pheretromœstam referetur ad Arcton,  
 Sanguine adhuc manans, conclamatumque cadauer.  
 Sic adeo & Lappo, Gustauæ, & lugubris orbi  
 Historia es: terrisque exemplum insigne relinquis,  
 Iniustum

*Iniustum nil stare diu, temeraria vota  
Destitui, fontes extemplò arefcere laurus.*

*Fama est Hybleo saturatas melle cateruas  
Regibus eloquij præcludere. Quippe Platonis  
Cognita sic Græcis facundia: cum sacer illum  
Elissi ad ripas teneris circumstetit alis,  
Et mella infudit puerili exercitus ori,  
Linguae primitias & sacrae semina vocis,  
Cui Siculi quondam vellent parere tyranni,  
Unde animi vires Academia duceret, unde  
Æneadum virtus Ciceronis flecteret aures.*

*Sic etiam Pylio decurrens flumen ab ore  
Dulcius & lactis & mellis fonte fluebat.*

*Cedite Cecropiæ miracula cedite lingua,  
Nestoreique faui; facundia dulcior orbi.  
VRBANI per verba fluit, nec dignius umquam  
Religio meminit se PETRI in Sede locutam.*

*Ergo alacres diosque fauos neclatque beatum  
Fundite apes: hinc Religio Pietasque nitescet,  
Hinc animos tollent populi, & sincera voluptas  
Sidereâ ducet captum dulcedine mundum.*

*Tuque adeò, tanti cui diues copia roris,  
Neu melli parce aut voci. Tibi barbara Thrace  
Byzantina humiles lunas permittet, in aulâ  
Arsacidæ solem: Tibi fului insigne draconis  
Eoo rector Sinarum subdet in ortu;  
Pacatumque reges mellitis vocibus orbem.*

GESTO-



G E S T O R V M  
 V R B A N I V I I I .  
 P O N T . M A X .  
 L I B E R S E C V N D V S .  
 V A T I C A N I T E M P L I  
 O R N A M E N T A .



**N**E C ignaua , nec otiosa vni-  
 quam fuit vera Virtus . Nisi  
 actiuosa fit, Virtus non est, in-  
 tertiam sapit. Quare vt Solem  
 sua lux ostendit ; sic Virtus  
 factis inclarescit : illum cessare , istam otio  
 marcere, nefas . Virtutibus igitur V R B A N I  
 expensis, videamus quàm ab agendo non va-  
 cent : vt Vaticanum, Urbem, Religionem,  
 & Orbem complexæ, curas suas, opes, & in-  
 dustriam vbique dispensent.

VATI-

## VATICANÆ BASILICÆ

## CONSECRATIO.

**H**OC maximè ad principis templi decus desiderabatur, vt solemnī ritu sacrum fieret. ne quid igitur eius gloriæ deesset, consecrauit VRBANVS. Quamquam quid consecrasse dico, qui iis illud ornamentis auxit, quibus priorum magnificentiam vincit. Et si ritè auguror, nihil à posteris tantum potest expectare. Equidem vt non erat ex ædis dignitate, consecrationem in dies differri; sic honorificum illi fuit, nouum cum sanctitate splendorem accepisse. PETRVS ipse templum suum cupidiùs incolet, quod & augustius & pulchrius habet. Verùm quid meis hîc verbis opus? ipsa Vaticani marmora in tam celebri inauguratione non siluerunt. præstet illorum inscriptionem subiici, quàm te meis legendis occupatum diutiùs habere. Consiste tantisper, dabo quod expendas, imò quod admireris, ne pretium moræ non feras.

F

VRBA-



VRBANVS VIII. PONT. MAX.  
 VATICANAM BASILICAM  
 A CONSTANTINO MAGNO EXSTRVCTAM,  
 A B. SILVESTRO DEDICATAM,  
 IN AMPLISSIMI TEMPLI FORMAM  
 RELIGIOSA MVLTORVM PONTIFICVM  
 MVNIFICENTIA REDACTAM  
 SOLEMNI RITV CONSECRAVIT:  
 SEPVLCHRVM APOSTOLORVM  
 ÆNEA MOLE DECORAVIT:  
 ODEVM, ARAS, ET SACELLA  
 STATVIS AC MVLTPLICIBVS  
 OPERIBVS ORNAVIT.

## SILVA I.

PETRI *Romuleus Parens*  
*Cum templum placidis religionibus*  
*Sacraret, patiens Dei*  
*Venturique Videns temporis exitum,*  
*Linguis esse silentia*  
*Fussit. Fata sacra tum cecinit Domus.*  
 VRBIS *grande meae decus*  
*Delubrum, athereis sedibus amula*

Et

Et sedes propè par polis,  
Dignum Celitibus, Numine dignum opus:  
Quo nil pulchrius aspicit,  
Seu Phœbus rapiat, seu referat diem:  
Æternam tibi gloriam  
Olim contulerat, qui Latios Deo  
Fasces subdidit inclytus  
Sanguis magnæ Helena. Nec lenius tibi  
Siluester decus addidit,  
Victis tartarei dum Iouis artibus,  
Et pulsâ lue Cæsaris,  
Patri te voluit Clauigero sacram.  
In maius quoque te tulit  
Solers Pontificum magnificentia,  
Quæ latè opperuit solum  
Cruetis marmoreis: quæ tua lucido  
Obduxit laquearia  
Auro: quæ tabulas imposuit nouis  
Aris. Nec tibi futilem  
Splendoris speciem quæsit, ardue  
Turris culmina qui tulit  
Mirandus vacuum Sixtus in aëra.  
Paulum nos quoque vidimus  
Iungentem egregiâ limina porticu,  
Et PETRI penetralia  
Gemmis innumeris spargere prodigum.  
His tu diuitiis nitens  
Dicere usque Domus publica gentium.



*Non deero tibi, nec meæ  
Te partem haud tenuem munificentiae  
Linquam. Nobilior nouis  
Surges muneribus. Nec fuga temporum  
Nec te diruet impotens  
Gradiui rabies, nec Scythicus furor.  
Stabis dum placidus Tybris  
Urbem caeruleo flumine diuidet,  
Dum Crux iura solo dabit,  
Dum nostris suberunt omnia Clauibus.  
Euentura loquor, sui  
Numen ritè mouet uerba Vicarij.  
Audiuit Genius loci,  
Et cinctum radiis ter quatiens caput,  
Ter plaudens manibus, sacra  
Incidit Pario carmina marmori.  
Cedant prisca, recentia.  
Sedi maior inest & nitor & decus,  
Ex quo facta Deo sacra,  
VRBANI quæ sui diuitijs nitet.*

NAVIS

NAVIS DIVI PETRI  
REPARATA ET TEMPLO DONATA.

**T**ERVVM munificus in PETRVVM  
VRBANVS exprimatur, celebretur  
denuò qui gloriam Vaticani quotan-  
nis in maius auget. Stabat sub dio PE-  
TRI naus duplici discrimine laborans. Vnum  
erat à manu fictoris, ideò fictum, & præter agitatae  
naus musuam imaginem nihil. Alterum existe-  
bat ab imbris & ventis, quorum vim sub aper-  
to cælo naucula perferebat. Primum, hoc est ty-  
rannorum & hæreticorum furorem, CHRISTVS  
contudit, contundetque, quoties ferrum & flam-  
mas intentabunt. Aliud auertit VRBANVS, dum  
nauim pluuiis & turbinibus creptam, instaura-  
tamque, in Vaticano, ceu in portu collocauit: il-  
lustri vel symbolo, vel argumento, Ecclesiae na-  
uim, iactari quidem sæpè, lacerari nonnihil, ini-  
micum imbrem accipere, aliquâ sui parte mergi,  
at semper emergere victtricem.

## SILVA II.

**N**auis quæ pluuiis Ioni relicta  
Et picti pateris maris procellas,  
Romaneque subis pericla brumæ,  
VRBANO duce pone læta curas,

F 3

VRBA-



VRBANO duce nil tibi timendum.

Nam tu nec pelago, nec Euro, & imbri  
Debes ludibrium. Licet furentis  
Hinc atque hinc hiemis minetur æstus,  
Undantique agiteris in tabellâ,  
Nullâ terribilis tabella clade.

Quid discrimina vana pertimescis?  
Pictus hic furor, & procella picta.  
Pictos sperne metus. Sed heu graues, heu,  
Solesque, pluuiæque, turbinesque  
Veris te nimium malis fatigant,  
Textum soluere sectilem obstinati.

Esto, dilacerentque, deterantque  
Nunc carchesia summa, deinde vela;  
Jam puppem, modò transtra, deinde proram:  
Quidquid abstulerint tibi decoris,  
VRBANI pietate sarcietur.

Nunc VRBANI ope restituta, dura;  
Nunc ride pluuij minas olympi,  
Graues ride hiemes, edaxque tempus.  
Nihil tempus edax, nihil vetustas  
(Sæclis inuideant licet futuris  
Præsens quidquid amat colitque sæclum)  
In te iuris habent: tuo labori  
Certus portus adest: tuo labori  
Vaticana parat domus coronam.  
Hic sedes erit, hinc quies perennis  
VRBANI auspicijs, locique fato.

At

At tu quisquis adis perenne templum,  
Cui par est nihil, & nihil secundum;  
Dum sanctum penetrare, dum sepulchrum  
PETRI videris, arduamque turrim;  
Cum tetrastylon inclytâ arte structum,  
Et cellas positas & hinc & illinc,  
Atque aras positas & hinc & illinc,  
Et signa & simulacra, nobilique  
Dignas Protogenis manu tabellas,  
Mausolea nouo superba ritu,  
Dum multo radians lacunar auro,  
Sectis marmoribus graues columnas,  
Sectis marmoribus solum relucens;  
Cum miracula sparsa toto in Orbe,  
Quidquid ars habet elegantiarum,  
Et quidquid pietas habet colendum,  
Uno videris eminere templo;  
Cum PETRI pedibus ter aduolutus,  
Ter resumpseris osculationes,  
Fixam suspice limini carinam,  
PETRO Principe nobilem carinam,  
Quam pictus Boreasque Casiasque  
Ponti inuoluere fluctibus laborant.

Siste, ac symbolica quid æstus vnde,  
Quid appicta velit procella, disce:  
Haud paruum pretium moræ reportes.  
Vides hunc tumidi maris furorem?  
Quot fluctus dubiam premant carinam?

Not



Non ponti, aut Aquilonis hic tumultus:  
 Sic vinclis, crucibusque, spiculisque,  
 Rotis, ignibus efferi tyranni  
 CHRISTI tollere milites amabant.

O quantos Nero concitauit æstus,  
 Quantos Flauius, ut perire possent!  
 Sed vanus Nero, Flauiusque vanus,  
 Nil tanti ut penitus perire possint.

Hic Traianus habet suas procellas,  
 Hic duri furit ensis Adriani.  
 Frustrâ. fortior it ratis per undas:  
 Tempestate moras viæ refringit,  
 Tempestate subit probata portum.

Hic tui gladij, tuæ catastæ,  
 Et re ac nomine præferox Seuere:  
 Vester hic furor est, scelusque vestrum,  
 Deci, Maximiane, Maximine,  
 Humanâ in specie truces leones.

Quæ non bella pjs decem per annos  
 Mouisti Diocletiane? Cuius  
 Ætati, meritis ferus pepercit?  
 Iam mersam pelago ratem vocabat,  
 Cùm ductu Superum, PETRIQUE fato  
 Vicit naufragium, suæque cladi  
 Superstes numerosior reuixit;  
 Viuetque acrius illa comminuta,  
 Illa lugubris, illa mersa. Viuet  
 Victrix carnificum necisque. Viuet

*Palmis*

*Palmis inclyta laureisq̃ue. Viuet  
Maior cladibus, & premet tyrannos.*

*Hinc pro se mare commouere feruent  
Errorum & scelerum tumultuosa  
Armis diffidisq̃ue factiones.  
Non his fluctibus obruetur, ibit  
Errorum scelerumq̃ue cymba victrix:  
Arrijq̃ue Sabellijq̃ue cedent,  
Cedet Vipera Saxonum Lutherus,  
Vulpes Gallica cedet Alcuinus,  
Et quaecumque super lacum Lemanni  
Spurca, transfuga, fœculenta rana  
Impuro Superos laceffit ore.*

*Tu quoque ô pelagi Bataue terror,  
Regumq̃ue Superumq̃ue perduellis,  
Ausè in Iaponiâ nouos Neronēs  
Et CHRISTO noua suscitare bella,  
Hæc denuntio turbulente, cedes;  
Et pœnas geminæ rebellionis  
Philippo dabis, & dabis Tonanti.*

*Quin & sub senium cadentis Orbis,  
Cum fraudes rabiemq̃ue spiritusq̃ue  
Incesti superarit Antichristi,  
Tunc & naufragijs periculisq̃ue  
Defuncta æthereas tenebit oras,  
VRBANI velut hæc carina iussu  
Tenet limina summa Vaticani.  
Nosti prælia Naui, & Parentis;*

G

Matri



*Matri plaude modò, sacræque navi,  
Plaude VRBANO, & abi, ut voles, viator.*

MICHAEL MVSIVVS  
VATICANÆ BASILICÆ.



IARAM suprà MICHAELI dedi-  
cavit VRBANVS: iam præclarum il-  
li trophæum molitur; eius victorias  
gemmis exprimit, quò palàm fiat,  
qualem hostem, & quàm strenuè debellarit. Ful-  
gebat Lucifer ceu Musiuum prouidentia opus.  
*Omnis lapis pretiosus operimentum eius.* Nimirum vt  
instar omnium esset, omnium illi Angelorum do-  
tes Deus contulerat. Sed quid? elata in arrogantiam  
infida pulchritudo, causas obsequij, rebellionis  
materiam fecit: insurrexit in Auctorem formosus  
perduellis; ac vt in Principe valet exemplum, cun-  
ctos Angelos in partes traxisset, nisi seditionem  
concitanti opposuisset se MICHAEL, tam certus  
Deum vlcisci, quàm se illi subiicere. Confectum  
est in cælo atrox prælium: pro Deo, & contra Deum  
dimicatum. At pro Deo pugnasse, victoria fuit. Fu-  
si & profligati rebelles. Corruit impia seditionis  
inflammator; eius opima cessere MICHAELI:  
quorum vt specimen aliquod in terris exstaret, Vi-  
ctoris imaginem gemmis contextuit VRBANVS.  
Iustissimè quidem, vt habeant submissæ Deo men-  
tes,

Ezech.  
c. 28. v. 13.  
Grego-  
rius 21.  
Moral.

tes, quid gratulentur MICHAELI; superbi, quid  
post Luciferum reformident.

## SILVA III.

**V**ictorem in tabulâ MICHAELEM quisquis adoras,  
Fulminei lauros bellaque disce Ducis:  
Tempore quo primùm fulsit polus, ipsaque terra  
In mediis pelagi tota latebat aquis;  
Cum necdum Titan, necdum vaga Luna niteret,  
Nec ferrent sulcum rura, nec unda rates;  
Aetherea iuuenum manus exultabat in aula,  
Non concreta luto, non moritura manus.  
Dux ipse ante alios formâ pulcherrimus omnes  
Natiuae formae suspiciebat opes:  
Mille lapilli illum decorabant; mille lapillis  
Et pretium maius, lux quoque maior erat.  
Hoc viso, summam rerum calique videres:  
Stiparat solus, quidquid ubique fuit.  
Nemo adeò fidâ reddebat imagine Numen,  
Ora diu si quae fida superbus habet.  
Tu scelerum causas illi stimulosque dedisti,  
Heu stulta in propriis forma nitere bonis.  
Victus amore sui, regnique cupidine victus,  
Fortunam vitis prodidit ipse suam.  
Dum se miratur, se perdidit: odit, amando:  
Corruit infelix, dum nimis alta petit.  
Ibimus, & solium, dixit, tollemus ad Arcton:  
Iamque Helice suberit, iam Cynosura mihi.



*Si meritis vinco, si præstat gratia formæ,  
Me summo Regi me decet esse parem.  
Quò mihi triste iugum, quò Numen vincula necit?  
Non sunt naturæ debita vincla meæ.  
Illa luto, illa paret cui vult nos subdere. numquam  
Mancipium vilis pulueris esse ferar.  
Legisset nostris aliquem de millibus unum.  
Cur mihi, cur vobis anteferatur homo?  
Jamque illum video sublimi in sede locatum,  
Dispensantem omni iussa superba polo:  
Fingere nunc mendax concreto ex aëre corpus.  
Nunc subiget varias ire, redire vias.  
Voluite vos, dicet, stellantem voluite mundum:  
Voluendus nobis stellifer orbis erit.  
Hi tutando homini medium descendite in orbem.  
Tu terram serua. Sit tibi cura maris.  
Vobis sint fruges, vobis animalia curæ.  
O præclara sacri munia seruitij!  
Nósne igitur longè à Superis atque arce polorum,  
Indignum meritis suscipiemus opus?  
Luciferum ante hominem curuatum hæc aula videbit?  
Et turpe & durum est talia iussa sequi.  
Quid nos æthereæ lucis perduxit in oras,  
Tam fera si nobis iussa daturus erat?  
Quòd si fortè aliquos opera ad maiora reseruet,  
Demisso ante pedes stare volet capite.  
Hic timida implexis alis velabimus ora,  
Intenti ad nutus obsequiumque luti.*

*Siccine*

Siccine despicimur? sic digna, indigna professi  
 Subdemus longo colla premenda iugo?  
 Non ita: namque etsi scelus est pugnare Tonanti,  
 Excussisse iugum nobile crimen erit.  
 Sensit gliscentis MICHAEL incendia flammæ,  
 Verbaque concepit vindice digna Poli.  
 Perfide (de nostro quoniam hoc tibi principe nomen  
 Restat, & hæc ausus unica fama tui)  
 Perfide vesano moliris prælia fastu,  
 Nec profecturo crimine summa petis.  
 Perfidia damnosa via est: nisuque profano  
 Affectas uni sceptrum gerenda Deo.  
 Hæcne igitur dotes, hæc ornamenta tulisti,  
 Fortius in Regem quod meditere nefas?  
 Forma tibi iniusti fit pessima causa furoris.  
 Quale bonum, quantis inficis ipse malis?  
 Pulcher es? at formam distinxit dextra Tonantis.  
 Cur non Auctori subditur illa suo?  
 Si meritis omnes superas, ideone Parenti  
 Equandus surgis, qui modo nullus eras?  
 Quid quereris sceptrum tibi, quid diadema deesse?  
 Quid consortem hominem Numinis esse doles?  
 Sic visum Domino: Domini tun' iussa refigas?  
 Illius arbitrio sors tibi habenda fuit.  
 Cur frustra inuidia stimulis, cur rumperis irâ?  
 Nil iuuat auctores illa vel illa suos.  
 Dum meliora fugis, subisti vincula noxæ;  
 Vincula sed nullâ dissolüenda die.



*Nil tibi cum Superis. CHRISTO parere recusas.*

*Cur non & Lethes debita regna petis?*

*Hic inter flammæ tibi ferrea sceptrâ parantur.*

*Hæc poterunt fontes sceptrâ decere manus.*

*I miser, i, piceî iacta te Acherontis in aulâ.*

*Perfidia & sceleri Tartara tota vacant.*

*Hic tu magnificos tumidè exercere per usus:*

*Iudicio sordent munia nostra tuo.*

*Sed non hæc partes, non hæc tu munia adibis,*

*Æthereo seruus dissimulandus Hero.*

*Nec vos vesani superos torquebitis orbes,*

*Multo ut sit vester lenior iste labor.*

*Vos Erebi flammæ, Erebi tractabitis uncas,*

*Damnata infernis turba ministeriis.*

*Et quoniam fortunam armis tentare paratis,*

*Discite nil summo fortius esse Deo.*

*Non tutò in Dominum consurgitur, ipse repentè*

*Subruit, & ridet vota superba Pater.*

*Hæc ait; aduersisque effulgens ultor in armis,*

*Contudit infidos, flagitijque caput.*

*Sed strages sine cade fuit. Vixere rebelles,*

*Quæis ingens esset posse perire lucrum.*

*Continuò tamen horridos mutantur in angues;*

*Et furor in vultu, qui fuit antè, manet.*

*Lucifer ipse cadit colubrum porrectus in amplum,*

*Proque coronâ illi crista suborta triplex.*

*Ignescunt oculi, corpus viret omne veneno,*

*Pellis it in squammas, sibila colla tument.*

*Nunc*

Nunc acuens Martem, linguis micat ore trifulcis;  
Nunc & se in nodos, & sua membra plicat.  
Hunc ferit, hunc sequitur, labenti feruidus instat.  
Clauditur in Stygiis squammeus exul aquis.  
Victori plaudit MICHAELI exercitus omnis,  
Et ter io magnâ voce triumphæ canit.  
Nec minùs atheri iustus Regnator Olympi  
Defensori aptat laurea ferta suo.  
Maxime Calicolum, contempti Numinis ultor,  
Hæc tibi quàm iusto laurea Marte venit?  
Tu Superos primis armis tegis: ipsaque culpa  
Fracta rudimentis subiicit arma tuis.  
Tu docilis præstare fidem, patiensque subesse,  
Aptasti Domini colla modesta iugo.  
Per te Numini honor: per te pax reddita Cælo,  
Et per te Virtus tollere visa caput.  
Exemplis firmata tuis pennata iuuentus,  
Luciferi spreuit signa scelusque sequi.  
His tibi pro meritis posita est gemmata tabella,  
Palmarum testis militiæque tuæ.  
Quippe tot ardentem gemmis cum viceris hostem,  
Euersti spoliis te radiare decet.  
Et decet hoc tabulâ subscribi carmen in imâ,  
Quod mediâ quiuis hospes in æde legat:  
Victori VRBANVS MICHAELI. absiste superbe:  
Hic MICHAEL fastum, Luciferumque domat.

CELLÆ



CELLÆ TVRRIS VATICANÆ  
STATVIS COLOSSEIS INSIGNES.



NECDVM ornamentorum Vaticani summa, paginis procedentibus: noua se BARBARINAE magnificentiae miracula ingerunt. occurrunt cum suis imaginibus cellæ, noua carmina nouis monumentis deposcentes. Aude calame; & quoniam his Apostolorum sepulchrum ornatur, augetur turris decus, recens toti Basilicæ splendor conciliatur, VRBANI quoque liberalitatem commendat. Est in vnâ cellarum Helena, triumphalem Crucem gestans. Mirare Augustam, nisi mirabilius credis adorandum onus. Altera Veronicam habet, impressos linteo CHRISTI vultus ostentantem: fallor nisi stuporis simul & venerationis in illis argumentum. Tertiam miles occupat, qui pendens in Cruce CHRISTI latus hastâ confixit, & quantum illa hasta cruore diuino conspersa habet dignitatis. In quartâ demum crucis suæ decussim præfert ANDREAS, ceu deuictæ Achaïæ trophæum, fratris in æde positurus. His VRBANVS simulacris templum auxit: vt cum Helenâ & Cruce maiestas, Pictas cum CHRISTI vultu accederet; haberetque Basilica in lanceâ securitatem, firmitatem in ANDREAE cruce decussatâ.

SILVA

## SILVA IV.

**V**RBANVM Latia dicite Virgines,  
 VRBANVM pueri dicite Romuli;  
 Splendoremque columnis

Turris principis additum.

Vos cellas Phrygio marmore nobiles,  
 Cellarumque sacras dicite imagines,

Quos aucta decus ædis

Augentisque animi iuuant.

VRBANO pariter fundite carmina,

Qui spectandi auidi, quæve Deo duce

Vaticana subitis

Ciues limina, & aduenæ.

VRBANVM totidem tollite laudibus,

Quæ mundo domito, quæ scelerum integræ

Diuum templa tenetis,

Palmâ dignæ animæ, & Deo.

Illæ præcipuè conueniant tibi

Partes magna Helene. Muneris id tui est,

Frater candide PETRI,

Lux & præses Achaïæ.

VRBANI studio victa Veronica

Laudes excipiet: nec piger accinet,

Ferro miles acerbo

Hausit qui Domini latus.

Crux insigne Dei, Crux hominum salus

Serua Pontificem. Pontifici annuant

H

Dextro



*Dextro lumine, vultus*

*CHRISTI sanguine roridi.*

*Tuque ô siderei conscia pectoris*

*Diuinoque madens lancea sanguine,*

*Sancti cuspidē ferri*

*Terrarum tege Principem.*

*Hic vos continuis tollit honoribus;*

*Hic cellas celebres, signaque grandia,*

*Grandi incensus amore,*

*In vestrum statuit decus.*

TETRASTYLON

SEV MOLES ÆNEA

APOSTOLORVM SEPVLCHRO

IMPOSITA.



VID hæres ad huius superbæ molis  
aspectum attonitus? dignissima qui-  
dem est admiratione: sed vulgare est  
magna demirari: suspiciendus magis  
& extollendus animus Auctoris: celebranda inge-  
niosa pietas, quæ & tantum decus excogitauit,  
& conflare iussit. Squalebant ingloriæ in porticu  
Panthei trabes, iam inde à Vipsanio Agrippâ ob-  
tentæ lacunari: verum ærugo (quis credat?) ad ma-  
ius decus illis profuit; quod ipsum tanto impen-  
sius æstimandum, quia VRBANI beneficium  
est, solertiam magnificentiæ admiscentis. *Quanta  
enim*

enim sagacitatis est, ex opere iam euanescenti, recens & splendidum excitasse? Hoc fecit, cùm PETRO columnas quatuor, magnitudine, opere, elegantia supra quàm scribi possit spectabiles dedit. Quanta magnificentia, è squalidis laminis crexisse monumentum inuidia & commendatione maius? Hoc consecutus est, molem signis, umbellâ, fastigioque clarissimam ad sepulchrum PETRI statuendo. Quàm utiliter, opus Agrippæ, factum est VRBANI? Vaticani ornamentum, quod fuerat Panthei? Apostolorum gloria, quæ Iouis? Si Romæ adhuc interesse Agrippa posset, vbi sibi suoque metallo gratulatus esset, testaretur omnibus, nec æs suum felicius potuisse tolli, nec gloriosius innouari. Hæc sentires liuor, si sensum aut oculos haberes. nimirum fecit VRBANVS ex inutili ære, quod multo auro, magnis expensis, nulli Pontifices, Cæsares nulli moliri vñquam potuissent.

## SILVA V.

**M**iranda moles, siue Corinthio  
 Exstructa ritu, siue nouo, PETRI  
 Ornas sepulchrum : principisque,  
 Ære micans radiante, famam  
 Delubri adauges. Tolle apicem sacræ  
 Regale culmen magnificentia;  
 Tempusque rumoresque, maior  
 Excidio inuidiaque, ride.

H 2

Sic



Sic te locandam Viderat alitis  
 Princeps iuuenta; templaque Panthei  
     Nascentis, & nexum lacunar  
     Ære tuens, bona fata dixit:  
 Cultu nefasto Numinibus tuis  
 Agrippa templum ponis; & Actiæ  
     Laurus, triumphatæque Memphis  
     Vota Ioui scelerata reddis.  
 Verùm profanis religionibus  
 Olim expiatum ritè dicabitur;  
     Magnaque delubrum M A R I A E  
     Fiet, & atherei Senatus.  
 Hæc laminarum gloria, barbaro  
 Quæ fulgurantes ære tegit lacus,  
     Seruatur augustos in usus,  
     Et specimen potioris artis.  
 Cùm multa Titan sæcula voluerit,  
 Diusque habenas consilio & manu  
     V R B A N V S Orbis temperarit,  
     Prisco operi noua forma surget.  
 Iam iam verendam præcipio pî  
 Summam laboris. Iam coeunt typi:  
     Iam signa, & Umbellam, & columnas  
     Artificum properabit ardor.  
 O quantus ædi, quantus erit decor  
 P E T R I sepulchro! quàm speciosius  
     Assurget ara Vaticani  
     Isthmiacis radians columnis!

Superba

*Superba summas signa premunt trabes.*  
*Aurata fulgent symbola. Nosco Apes,*  
*Insigne gentis BARBARINAE;*  
*Nosco Apicem, Latiasque Claves.*  
*Te quæ decoro nobilis in globo*  
*Orbem subactum Crux tibi vendicas,*  
*Teque ô Columba sanctitatis*  
*Alma parens fideique nosco.*  
*O fausta molem quæ statuet dies,*  
*O digna fastis! Currite sæcula,*  
*Lenti que festinate menses;*  
*Nulla operi mora danda magno.*  
*Hæc præcinenti, vertice Pantheon*  
*Ter intremiscens annuit; ipsaque*  
*Ter porticus, ter Vaticani*  
*Letitiâ saliere colles.*  
*Oraculi nunc Roma fidem tenes.*  
*En obsoleti squallida Panthei*  
*PETRI penetræ æra obumbrant,*  
*Sed specie potiore ducta.*  
*Quid prisca tantum magnificentia,*  
*Recens quid ætas Roma tibi dedit?*  
*Hac mole vel solâ, quod usquam est,*  
*Et veterum monumenta vincis.*  
*Diuum superstes consilio stetit*  
*Æs tot per annos, scilicet ut PETRO*  
*Artis vetustæ Rector orbis*  
*Magnificum spoliū dicaret.*



MAVSOLEVM VRBANI VIII.  
IN VATIC. BASILICA EXSTRVCTVM.

**H**ORRES ad huius funebris Mausolei nomen? Consiste, non est quòd luctuosum tibi omen, metúmve pro VRBANOingas. Si quod omen inest, occupavit, & obruit VRBANVS, dum mortalitatis in summo fastigio memor, Mausoleum sibi in Vaticani Basilicâ fecit. Verùm quid aliud præstitit, quàm vt de morte adhuc viuus triumpharet? quid aliud, quàm vt trophæum suis cineribus properaret? Timeant mortem illi qui nesciunt quotidie mori: qui nec intellexerunt, quàm amabilis sit caducæ vitæ iactura. Ita se comparauit VRBANVS, vt cælestis Imperatoris iussu, non doleat è statione discedere. Tu qui numquam abeundum putas, qui amares æternùm superesse, haud tumulum tibi exstruxeris. At mundum hunc domicilium dum esse, non hospitium credis, improuisus euocaris; hoc calamitosius, quo inconsideratiùs tibi migrandum. Longè alia fortissimo Pontifici mens. qui mortem cogitauit, vt nihil metueret: dum in alienis se esse deprehendit, pergit in patriam: mori non fugit, quo æternùm uiuat. Viues certè VRBANE, viues, & hîc diu, & illic sempiternùm. Verùm quid præsentem vitam

tam adeò fastidis? quid abire destinas, cùm maximè es Orbi opportunus? Ames hîc cum tuo grege superesse. Efficaciùs per Te restituetur. Pacem à Te omnes exposcunt: Tu illam dona poscentibus. Da peractum quod feliciter cœpisti. Sumus Tui, simus per Te tranquilli. Te longùm superstitè, periclitari non possumus. Esto quàm diutissimè superstes. Hoc Deum poscimus, hoc vouemus, apponantur anni nostri Tuis. Diu vixerimus, si Te diu frui contigerit.

## SILVA VI.

**Æ** Thereane domus, pacisq̃ue incensus amore,  
 Hoc tumulo ad Superos nobile sternis iter?  
 An fontem pertæsus humum, & mortalia regna,  
 Regna, per hanc molem, non peritura petis?  
 An quia nec Scep̃tris, nec parcant fata Tiaræ,  
 Fatorum leges anteuenire paras?  
 Non metuunt fortes properanti occurrere leto.  
 Quæ meditata venit mors, toleranda venit.  
 Sæpè sibi exequias gestit persolvere Virtus,  
 Sæpè graues queritur nebere fata moras.  
 Nos animæ viles, vitæ dulcedine capti,  
 Spondemus vitæ tempora longa breui.  
 Inficit ad mortis subitus nos nomina pallor;  
 Hæc auget nostros horrida cura metus.  
 Tu melior, vacuusq̃ue necis formidine, fatum  
 Præcipis, & summo discis abire gradu.

Parce



Parce tamen, parce instruere, & properare sepulchrum:  
 Hoc Te unum mundus posse iubere dolet.  
 Que Tibi tanta venit mortis calique cupido,  
 Si potes hic rerum longior esse salus?  
 Et potes, & petimus, patientius utere vitâ.  
 Hæc Tibi, nec terris vana futura mora est.  
 Vult Tibi se mundus debere, tuoque labore  
 Restitui: mundi ne Pater esse nega.  
 Quid speciosa Paros, quid Sinnas marmora mittit?  
 Haud tumulo digna est illa vel illa tuo.  
 Nec tanti est quidquid donat maculosa Syene,  
 Quidquid dant Ligures, quidquid Hymettus habet.  
 Tu quoque molitor lacrymosi operose sepulchri  
 Desine. non felix ars tua fingit opus.  
 Nam qui grande breui scribes in marmore nomen?  
 VRBANO tumuli est Roma solumque modus.  
 Si tamen impellunt magni te iussa Parentis,  
 Materies arti quam datur ampla tuæ!  
 Sculpe operum summam. Gemina da tempora vitæ,  
 Quamque Ostrum VRBANO, quamque Tiara dedit,  
 Adde tot ornatam templis, tot fontibus urbem:  
 Pisauri solio reddita sceptrâ PETRI.  
 Limina fingantur reſerataque, clauſaque templi:  
 Finge inſtaurati Pontis & Arcis opus.  
 Adde Arces alias: frænata Tybridis iram:  
 Martia ut innumeris iunxerit arma libris.  
 Sculpantur fracti Tyrrheno in littore Thraces,  
 Partheniusque nouâ sub cruce lectus Eques.

Sup-

*Suppetiæ Rheno missæ, auspiciūque Polonis:*  
*His Gothi audaces, hoc cecidère Scythæ.*  
*Tum tibi si superest reddendæ industria mentis,*  
*Omnibus hæc curis in bona mentis eat.*  
*Exprime vim cordis sine larvâ & fraude sagacem,*  
*Quæ simul illecebris ponere fræna sciat.*  
*Sculpatur pietas; sculpantur lumina morum,*  
*Ac procurata Religionis amor.*  
*VRBANI hæc species: tot claret splendida factis.*  
*Quo valeas saxo reddere tale decus?*  
*Non illud, marmor, non æs capit. omnia supra est:*  
*Ars quoque materiâ vincitur ipsa suâ.*  
*Has tamen, has dotes mors atrox invidet orbi:*  
*Heu tumultum VRBANVS destinat ipse sibi!*  
*Destinet usque licet: totum tamen ibit in ævum.*  
*Virtutem numquam claudere saxa solent.*



I

GESTO.



G E S T O R V M  
V R B A N I V I I I .  
P O N T . M A X .  
L I B E R T E R T I V S .

V R B I S S P L E N D O R A V C T V S .



GE nunc, quid in Urbis vel securitatem, vel ornamentum, aut etiam commoda perfecit V R B A N V S , attendamus. Vt se tueri contra hostes posset, arce & armamentario illam muniuit: vt commodior esset, crebris fontibus irrigauit; vt ornatior, templa B I B I A N Æ & S E B A S T I A N I partim instaurauit, partim exstruxit. Ab eo pons Ælius laxatus, Tybridis exundationibus occupandis. Lustralis fons Constantini reparatus in Laterano. Quirinales horti immensis molibus firmati. Academia aucta:

Sta : ac ne longior sim , nullam Urbis plateam adire est , in quâ & instaurationis nouæ , & VRBANIÆ magnificentiæ , monumenta non existent.

## A R X

IN ÆLIÆ MOLIS RVDERIBVS  
INSTAVRATA, MVNITA, ABSOLVTA.

**S**TA Viator. VRBANIÆ ARCEM suspicere , vel operis te magnitudo inuitat , vel iubet dignitas Auctoris. Ruinosum opus instaurauit VRBANVS , vt perfugium Pontificibus daret. Muniuit , vt hostium assultus excipere & retundere valeret . Absoluit , ne inconsideratè suscepisse videretur. In instauratione singularis eius vis elucet : quoniam ex arce vetustate lapsanti , firmam ; ex facili captu , inexpugnabilem fecit . In munitione Magnificentiam Prudentiæ iunxit : nam & aspectu pulchra est , & omni bellico apparatu instructa. Absolutio demum inuictum eius animum testatur ; cui aliquid aggredi , perficere est. Si pius es , gaude asyllum hîc Pontificibus apertum : si impius , morari te nolo , absiste , & hoc Romanæ Sedis hostibus refer : Arcem VRBANI nec Vandalorum copias , nec Hunnorum arma formidare.



## SILVA I.

*A* Rma Romanus fremit, arma miles.  
*A*rx nouis surgit renouata muris.  
 Pleſſra quid differs? age Muſa, pulchro  
 Plaude labori.

*S*plendor æternæ cumulatur Urbis:  
*P*incipis magni monumenta crescut:  
*N*on licet poſthac humili per auras  
 Ire volatu.

*Q*uà Tybris flauo ſubit amne Romam,  
*H*ic ubi pomo cinis Adriani  
*Æ*neo clauſus celebri dicabat  
 Nomine molem;

*A*rx erat Valli malè ſepta foſſâ,  
*T*ota lapſanti ruitura muro,  
*S*i qua turbata fera Ciuitati  
 Fata fuiſſent.

*S*enſit VRBANVS, ſeniumque muri  
*R*itè pertæſus; Malè Roma, dixit,  
*F*idis huic arcis: malè te Scytharum  
 Seruet ab armis.

*H*ic Pater rerum, Dominusque mundi,  
*P*enè captiuus profugusque ab aulâ  
*P*aſſus eſt diri tumido ſub hoſte  
 Tædia belli.

*V*idit elatis volitare ſignis  
*B*arbaras gentes, populi cruore

*Infici*

*Infici Tybrim, rapidisq̃ue templa  
Cedere flammis.*

*Heu cicatricum scelerisq̃ue tadet!  
Sat datum est hosti : furor occupetur,  
Sæua ne posthac referat scelestus  
Vandalus arma.*

*Surgite in cælum meliore saxo  
Debiles muri : super exstet agger  
Fistulæ è pinnis : cita fata, lato  
Ore minentur.*

*Æneis portam stabilite valuis,  
Nulla quas pestis penetrare possit.  
Fidus æternâ statione seruet  
Mœnia miles.*

*Tuq̃ue complendis vage Tybri fossis  
Dexteram in ripam fluuium reclina:  
Si tuis undis lauitur, perennis  
Arx mea surget.*

*Sensit V R B A N I sacra dicta Tybris,  
Quaq̃ue aquas iussus properè retorquet.  
Fervida ducunt operæ superbos  
Undique muros.*

*Mox ut assurgens opus ire cœpit,  
Carulos fratres viridemq̃ue pubem  
Glaucia compellit celebri labori  
Subdere colla.*

*Ipsè nunc latis humeris molares,  
Nunc subit dorso lateres recuruo*

I 3

Splendidè



*Splendidè acclinis, modò longa anhelat  
Voluere saxa.*

*Nocte dum carpunt operæ quietem,  
Aggerem glebis vigil actuosus  
Tollit, aut undæ creperæque calci  
Miscet arenas.*

*Interim Brontes docili metallo  
Fusiles feruet properare cannas;  
Nubium cannas sonitum æmulantes  
Et Iouis ignem.*

*Nec minùs glandes Steropes aceruat.  
Ipse præduris manibus Pyracmon  
Cardini æratas animosus instat  
Figere Valuas.*


*Mente quod totâ Genitor petisti,  
Obtines; orbis Dominos fideli  
Arx teget muro, satis una cuncta  
Hostica contra.*

*Tu pari fines Mutinæ coërces  
Martius freno, placidâque ab aulâ  
Bella longinquo metuenda motu  
Prouidus arces.*

*Jam licet Gothos Alaricus Urbi  
Victor infundat, Scythiamque & Arcton;  
Tutus hîc spernas rabidæ furorem  
Armaque Gentis.*

ARMA-

ARMAMENTARIUM  
VATICANÆ BIBLIOTHECÆ ADIVNCTVM,  
CVM HAC EPIGRAPHE:  
VRBANVS VIII. PONT. MAX.  
LITTERAS ARMIS, ARMA LITTERIS.

VID? duæ res antè dissociabiles, litteræ & arma coniunguntur. Armorum feritas, litterarum lenitate mitescit. O diuinam, & à diuinâ tantum manu faciendam coniunctionem! LITTERAE ARMIS, ARMA LITTERIS. Finge quaecumque verbum libuerit ornatus, auxiliij, commercij. Illius vsum permittet VRBANVS. Vis litteras armis, arma litteris, ornameto esse? VRBANI beneficio mutuum decus vides. Vis auxilium à litteris in arma, ab armis in litteras deriuari? comparata sunt vt sibi vicissim opitulentur. Vis denique arma litteris, litteras armis, felicissimâ colligatione deuinci? deuinxit VRBANVS. Iterum excogita, quid Mars Musis, Musæ Marti conferre possint; videbis ensẽ Martis Musas tueri, Musarum prudentiam Martis impetum moderari: illarum industriam, huius viribus; huius ferociam, illarum disciplinâ temperari. Habes Roma, Sapientiam Fortitudinis auxilio securam. Exspecta Fortitudinem



nem Sapientiæ ductu victricem : quanto tranquillæ tibi fuerunt ornamēto litteræ , tanto erunt arma turbatæ præsidio . Quin ut bibliothecâ regere , sic defenderis armamentario . Et quorsum non exclames , tuos inter Pontifices hoc esse VRBANVM , quod fuit inter Imperatores Augustus ? Ille marmoream te , ex lateritiâ fecit ; hic munitam , ex inermi.

## SILVA II.

**E**rgo quod Æneadis sub nullo Principe visum,  
VRBANI tulit Imperium ; consortia pulchri  
Fœderis , & pacem bello sine fraude iugatam.

Cernite Romulidæ, tectō quàm mira sub uno  
Mars ferus & teneræ posuerunt templa Camænæ:  
Cernite, quàm placidè socialia fœdera seruant.  
Hic citharæ frameam, frameæ laurumque lyramque  
Aonides gaudent adiungere: iamque cruentum  
Fulminei diui Sapientia temperat ensem ;  
Tu quoque Castalias seruas Gradiue sorores.

Sic adèò in libris quidquid mens ardua Sixti  
Luserat indulgens doctrinæ , animosior armis  
Perficit VRBANVS : quippe obses & optimus auspex  
Martem cum Musis, Musas cum Marte maritat.  
Felix connubium ! sic se per mutua nectunt  
Consilium ac vires. sic Vaticana Minerua,  
Olim oleâ vernans , & casside inermis ademptâ,  
Virgineum horrificat cristis caput : armaque dudum  
Desueta

Desueta induitur, iamque agida quassat & hastam;  
Fati utriusque capax, seu iusta laceffere bella,  
Seu certè studiis florere haud desidis otî.

Illam antè instrueret cùm Sixti cura, librorum  
Millibus in mediis non viderat arma deesse,  
Quæ pacem tegerent. VRBANVS ad omnia promptus,  
Omnia præcipiens, casusque arrectus in omnes,  
Tantum illi armorum generoso munere confert,  
Quantum non Siculis Cyclops operosus in antris,  
Sedulus Æolio nec fingeret igne Pyracmon.  
Loricæ crudo ferri splendore rigentes,  
Et clypei galeæque micant. Sunt amula flammæ  
Cælestis tormenta, quibus perrumpere muros  
Urbis inaccessæ, vel castra hostilia Mauors  
Sauus amat. Videas pugnandi nomina mille,  
Mille repugnandi. Pendet Chalybæa supellex,  
Exspectans quò fata vocent, quos Martis in usus  
Ausonius Pater ire velit : quæ condere fata  
Præcipiat, quæ bella sequi, quam sternere gentem:  
An Latiae Rhodopen Sedi submittere, puri  
Carpere num sacras lauros Iordanis ad undam,  
An Scythiæ vires, an Lappi frangere malit,  
Et Rhenum ulcisci. Plena est terroribus aula,  
Plena ornamentis : sparsæque per arma secundum  
Omen apes Ducibus spondent. Si talibus olim  
Romulei Proceres, defensaque Roma fuisset ;  
Nec tu Alarice ferox Capitolia victor adisses,  
Sub iuga nec captam misisset Vandalus Urbem,

K

Roma



*Roma vetus staret : starent monumenta Quiritum,  
Antè Urbis decora, & victi miracula mundi,  
Rudera nunc tantum, & tragicis ploranda cothurnis  
Tristis materies, Gothique cuique ruinae.*

*Est tamen unde tuum sedes Romane dolorem.  
BARBARINO aliquis surget de sanguine Princeps;  
Sic voueo, sic astra dabunt; qui numine dextro  
Totque armis fretus, gentilisque omine signi  
Trans Boream Gothos, trans brumæ regna sequatur,  
Et Patrum penset numerosis damna triumphis.*

*Tempus erit, cum tu, quam nunc iuga barbara cur-  
uant,*

*Libera sublati surgas Iudæa catenis;  
Hisque armis reddare Deo. Iam sidera signant,  
Qui benè castra regat. Iam palmas nutrit Idume  
Victori : feruent Neptuni cæcula regna  
Luce laceffiri armorum. Nereides æquor  
Componunt: lenisque rates vocat Auster in altum.*

*Rumpite fata moras, Turcosque reposcite sceptrâ  
Austrasidum, & sancti decora obscurata Sepulchri.  
Rumpite fata moras: Crux rursus ad fœdera Gentes  
Suscitet. VRBANO renouetur Principe bellum:  
VRBANI nomen Turcis fatale domandis.*

*Indigetes Solymæ, tu Sion, tinctaque CHRISTI  
Sanguine terra, sacri montes, iuga debita PETRO,  
VRBANI curas æquate, Orbisque gementis  
Tandem audite preces. Satis ah, satis impia Thrace  
Polluit incestis CHRISTI cunabula lunis!*

*Acci-*

*Accipiat Judæa fidem, faustoque regressu  
 Religio ad fontem redeat. pensentur Eoæ  
 Probra domus, Thracumque nefas. Vosque inclyta magni  
 Tela armamenti, vos hasta, ensesque superbi,  
 Qui modò Bistonio feruetis sanguine tingi,  
 Has Latiae Sedi properate acquirere palmas:*

## FONS VALLIS PINCIÆ.



D collis Pincij radices, vbi ferè Cæsa-  
 rum Naumachia præscæ æuo cupidif-  
 simè spectabantur, Fontem ex Aquâ  
 Virgine VRBANI liberalitas Quiri-  
 tium in vsum corriuauit. Atenim pa-  
 rum habuit corriuasse, nisi pulchrum faceret. Pul-  
 chrior verò esse non potuit, nisi & specimen anti-  
 quæ magnificentia, & Auctoris symbola præfer-  
 ret. Nauis est è quadrato lapide, modico lapideo  
 lacu circumfuso, vt sit monumentum eò loci pu-  
 gnasse quondam naues. In puppi prorâque Sol ex-  
 pressus, medio sui orbe vberes aquarum riuos, ceu  
 fluidum lumen fundens; credo vt VRBANI Solem  
 Alium & Eundem referat. Idem certè hic est, cum  
 ipsissimus semper in saxo maneat, & Alius, quòd  
 alias ex aliis aquas continuò fundat. Nondum di-  
 co, aquas vt riuos mellis emanare. omnino qui  
 BARBARINIS ex apibus eas fluere viderit, ni-  
 hil aliud quàm melleas vndas è melleis volucris

K 2

cx-



expectet. Sed siue sint liquida mella, seu Virginis  
riui, hoc illis ad bonitatem satis, quòd per Apes  
VRBANI fluant, & eius iussu sint deriuata.

## E C L O G A.

CHLORIS, ACETES, LYCIDAS.

P O E T A.

**Q**uà iuga se longà demittunt Pincia Valle,  
Saxea cymba, Apium spectanda & imagine Solis,  
Virgineos latices VRBANI munere fundit.  
Fortè hic dum multà Lycidas de nocte sedebat,  
Humentes captans umbras, & frigora fontis,  
Ocyus è summo descendit culmine Acetes,  
Capripedum de gente vnus: quo nemo canendo  
Extulit antiquæ monumenta animosius Urbis.  
Bina corymbiferà tollebat cornua fronte,  
Inter quæ crines sine lege, sine arte iacebant  
Hirsuti: lux vda oculis, & nubilus ardor:  
Multoque (vt semper) facies distincta Lyæo.  
Mox vt fontis aquas propius propiusque subiuit,  
Pactum ad certamen calamo resonante vocauit  
Chlorim vnda dominam, cæpitque è margine cantus.

ACE. Chlори quid in vitreo cessas ignaua cubili?  
Jam tuus ad fontem venit meditatus Acetes.  
Tu quoque, si quid habes quod respondere pararis,  
Huc ades, & lectum timidis somnumque relinque.

CHLO. Haud me vinosæ tangunt conuitia lingue:  
Sed

*Sed si animis calamoque vales, nec dicta refutas,  
Quorum post mensas larga est tibi copia semper,  
Incipe, ne qua tibi per me mora, rustice, fiat.  
Hoc ego depono textum, cui stellifer orbis  
Additus, & roseo consurgens Phœbus in ortu  
Idem, aliusque. iacent subtus tellusque fretumque,  
Atque apium triplici feruent examine reges  
Melle solum complere. At tu quid pignoris affers?*

*ACE. Nil mihi cum radiis, nihil est cum stamine: verum  
Quæ non inferiora vocabis, pocula ponam  
Isthmia, mirandas diuini Mentoris artes.  
Argumenta Remus præbet cum fratre Quirino.  
Ambo lupæ pendent ex ubere, mollibus ambo  
Ubera pertentant manibus, lambuntque parentem  
Intrepidi: illa in onus tereti ceruice reclinis,  
Ætherei stirpem generis sentire videtur,  
Jamque Remi, linguâ, iam fratris corpora fingit,  
Nutrixque externos educere gestit alumnos.  
Sed iam tempus erit, quid possit uterque, vicissim  
Conari. Lycidâ certamen iudice fiat.  
Pastores etiam componant iurgia Diuum.*

*CHL. Non renuo Lycidam. Lycidæ mihi fistula cordis:  
Sæpè illâ Nymphas tenuit, Faunosque bicornes.*

*LYCI. Pastoris non est Diuum componere lites:  
Sed si tantus amor mentes certaminis urit,  
Si Lycidam testem certaminis esse iubetis,  
Incipite, arrectos aduertam ad carmina sensus.  
Nunc Urbis strepitus, nunc vulgi murmura cessant.*

K 3

Nunc



*Nunc stellæ arrident, nunc grata silentia noctis.*

ACE. *Integra cùm veteris floreret gloria Romæ,  
Hic Tybris immixtis stagnabat plurimus undis,  
Et celeres terrâ in mediâ concurrere naues  
Cernere erat: memini, totâ huc ex Urbe frequentes  
Visendi studio plerumque coisse Quirites.  
Ipse pater solito spectator Tybris ab alueo  
Ad ludos veniebat; eum hispidus undique cœtus  
Tritonum, & denso ducebant agmine Nymphae,  
Seu quæ vicini montis iuga sacra colebant,  
Seu quibus in fluuio vel Martis in æquore sedes.  
Quàm facies tum pulchra loci! sed qualia nobis  
Prodigia, & quales sortes Panopea canebat:  
Obruet hanc speciem, quid enim non obruat æuum?  
Et multos locus incultus squalescet in annos,  
Donec aquam Phœbus nitido pro lumine fundat.  
Illa diu dubiam tenuere oracula mentem,  
Et qui Phœbus aquas pro lumine fundere posset  
Quærebam attonitus: sed nunc se oracula produnt.  
Accipio Diuos, ignoratumque vetustis  
Responsum agnosco: fecit Pater optimus Orbis,  
Ut gemini hic fundant, pro lumine, flumina soles.  
Melliferas nosco volucres, insignia nosco  
Ausonij Patris. Viden ut Titanis ab ore  
Intrat apes, ducitque VRBANI lympa saporem?  
Huic mihi dum dabitur calamos immergere fonti,  
Ipsum etiam Phœbum valeam superare canendo,  
Nedum nostra tuis exæques carmina Chlorig.*

CHLO. Ef-

CHLO. Efficiam ut mecum posthac contendere nolis.  
Sensibus hæc imis Lycida, quia magna, reponas.

Stat vetus & multos arbor seruata per annos,  
Incisum tenero seruans in cortice carmen:  
Cum te ad radices Pinci, Collatia Virgo,  
Saxeæ cymba vehet, tunc aurea sæcla redibunt,  
Et mellis totâ manabunt flumina Româ.  
Ite, implete Urbem rigui vagæ flumina mellis,  
Et pulso lucete orbi bona sæcula ferro:  
Appulit ad Pinci Vallem Collatia Virgo:  
In manibus saxum est, nauemque hic stare videmus  
Plenam prodigiis, & plenam Virginis undâ.  
Hanc Pater VRBANVS iuga per decliuia, & ipsam  
Flaminiam, populi deduci ad commoda iussit.

I nunc, immissum Tyberim mirare Vetustas,  
Cæsareosque lacus, certataque prælia in amne:  
Gratior in fonte VRBANI nunc Virginis unda est:  
Hic noua quotidie cernunt spectacula ciues.  
Martia in auratis hic currit Roma quadrigis.  
Hic vespertini variantur ludicra cursus.  
Ipse etiam fontem Deus incolit. Illius undas  
Ducere Laurigeri vates, quàm fonte rigari  
Castalio malint. hic fonti dulcia mella  
Conciliatis apes, ipsisque est nectar in undis.  
Ergo VRBANVM alacres memorate Quiritibus undæ.  
Illi ego perpetuas dicam sub gurgite laudes;  
Dumque hic me liquidi domus humida fontis habebit,  
Nec me Nereides vasto sub marmore Vincent,

Nec

Iulius  
Front. De  
Aquæ-  
ductibus  
sic de A-  
quâ Vir-  
gine: Con-  
cipitur  
viâ Colla-  
tiâ, ad mi-  
liarium  
octauum,  
&c.



*Nec me carminibus senior superabit Acetes,  
His licet Oceanus, Bromius licet huic pater adsit.*

*LYC. Tale tuum Chlorig est, & tale est carmen Acetis,  
Qualis Vere nouo philomelæ cantus in Umbrâ,  
Cui teneri ponunt Zephyri, dulcesque cicadæ.  
Digna tuo Chlorig texto es: sua pocula Acetes  
Vendicet. Atque Utinam tam culti carminis, Euri,  
Partem aliquam VRBANI sacras referatis ad aures.*

ACADEMIA ROMANA  
AVCTA  
VRBANO VIII.  
SAPIENTIÆ LAVDEM  
ET PATROCINIVM.



**S**I Regem amor virtutis & veri, non  
ostri vel diadematis fulgor facit; Sa-  
pientiam hominis diadema iure nun-  
cuparim. Quid ais plusculum me Sa-  
pientiæ tribuere? Non tribuo; etiam curulibus il-  
lam & coronis prætulit Salomon, idemque Rex,  
nec trabeâ quàm sapientiâ clarior. Falleris qui ter-  
minos Imperij metiris spatio terrarum tibi ser-  
uientium. Tibi licet orbis subesset, hoc edico, an-  
gustius regnaueris si cares sapientiâ, quàm si te so-  
lum sapienter moderere. Dum subigis animos, to-  
tum

tum quodammodò orbem victoriâ percurris. Diffusior est animus mundo, terrisq̃ue capacior. Quantum esse Sapientem oportet, qui flectit? Te respicio V R B A N E: qui te cepisti & gubernasti, prius Tui,quàm orbis Dominus. Decebat, opinor, in tuis experiri Te, quid deinde in omnes posses. Sed licet coronis Te superextulerit & Tiaræ, tantæ Sapientiæ maiestas; patere tamen, vt hoc liberè dicam, quod verè sum dicturus: Non leuiorem Tibi laudem deberi, quòd alienæ sapientiæ patrociniũ tam cupidè suscipias. Nempe astra non impensius commendantur, quòd sibi, quàm quòd mundo luceant. Laudat Te orbis, laudat Academia Romana, quæ tuis iam opibus ornatior: S A P I E N T I A E L A U D E M E T P A T R O C I N I V M publico tibi marmore gratulatur. Breui quidem inscriptionis elogio, si verborum moles & cortex attendatur: peruadentibus in medullam, speciosius sub imaginibus Cæsarum scriptum videbitur nihil. ne tum quidem cùm Africani, Parthici, Adiabenici à deuictis gentibus sunt appellati. Plus est Sapientem esse, quàm victorem: Sapientes tueri, quàm hostes profligare: Academiam Sapientiæ domicilium ornare, quàm facere prouinciam.

L

SILVA



## SILVA IV.

*Q*uem tu nascentem Diuū Sapiaientia ab arce  
*Vultu benigno videris;*  
*Hunc neque Martis amor*  
*Per medias acies, dubijque pericula belli,*  
*Instar furentis turbinis*  
*Præcipitem rapiet:*  
*Nec tumido elatum Ventosa superbia fastu*  
*Coget ruinâ gentium*  
*Triste parare decus.*  
*Non illum mundi spoliis, auriq̃ue pudendi*  
*Grauem rapinis, Urbibus*  
*Turpis auarities*  
*Ostendet. Sed quæ gazis caelestibus auget*  
*Delubra Virtus pectoris,*  
*Cognitioq̃ue sacri*  
*Veri, clarabunt sapientem. huic Numen amicum*  
*Artes recludet Cælitum*  
*Diuitiasq̃ue poli.*  
*Sceptra illi & trabeas Regum, & diademata subdet,*  
*Et cuncta quæ vulgus leue*  
*Magna Vocare solet.*  
 VRBANVS Sophiæ studiis & luce refulgens,  
*Utramque Titanis domum*  
*Mentis ab arce regit.*  
*Hinc gentes dubiis poscunt oracula rebus,*  
*Suique mundus Principis*  
*Suspicit ingenium.*

*Illius*

*Illius curis Romana Academia celsum  
In astra tollit Verticem.  
Surge decora domus:  
Latior hinc posthac figet Sapientia sedem:  
Hinc nata se dignos lares  
Usque habitare volet:  
Nec Pandionij tangetur amore Lycei,  
Nec templa amabit Indiæ,  
Nec Druidum nemora.  
Hic alto in folio, sceptroque decora potenti,  
Stirpem docebit Romuli,  
Quis Deus astra regat:  
Quo Sator aternus generarit lumine Verbum:  
Quo dius ardor halitu  
Fusus, utrumque ligat:  
Cur Verbum purâ clausit se in Virginis aluo:  
Cur corpus obiecit neci:  
Quæ medicina Crucis.  
Hic sacrata tuæ defendet iura Tiaræ:  
Hic vincet errorum dolos,  
Diraque monstra premet.  
Ad vocem ipsius naturæ arcana patebunt,  
Et cuncta quæ sacris tegis  
Docta Stagira libris.  
Hic Iuris nodos, Legumque ænigmata soluet,  
Quæcumque dicta Caesarum  
Pontificumque ferunt.  
Jam Phœbi tradet doctique Machaonis artes;*



*Quo febris, aut grassans lues  
Gramine victa fugit.  
Nunc radio terras describet, & Aetheris orbes,  
Quidquid Tarentinus monet,  
Trinacriusque senex.  
Hic Musas etiam tua facta referre iubebit.  
Ille minores poplite  
Iussa rex facient.  
Hæc canet ut terris cælo datus, omnia seruas:  
Mellita ut Urbi sub Tuis  
Sacula cant Apibus.  
Hæc Vaticanæ referet miracula Sedis:  
Auctam illa Romam concinet  
Curâ opibusque Tuis.  
Illa Tuo ut surgant ductu Regna aurea, dicet,  
Tuisque iussos moribus  
Vivere Romulidas:  
Ut populos dextrâ flectisque fouesque potenti;  
Regumque & Orbis Arbiter  
Numine cuncta replet.  
Ite meæ VRBANVM pariter cantate Camæna,  
Hæc cura sit, vestrum hoc opus.  
Maius in orbe nihil.*

FONS

FONS LVSTRALIS CONSTANTINI  
INSTAVRATVS.

QVAM potens est Pietatis manus ! quæ tempus etiam, cuius ictu præclara quæque subruuntur, vim suam reuereri sibi quæ subesse cogit. Vetustate concidebat Fons Constantini ; in quo, elephantia si adhuc infectus, morbum & crimen abluerat. Verum iniuriosi temporis ruinas, Pietas VRBANI tam cumulatè pensauit, vt plus splendoris Fonti vel paucis diebus accesserit, quàm aut multis antè sæculis tempus abstulisset, vel in posterum sit ablaturum. Diceres quadam fortunæ industriâ Fontem deformatum, quo ornatior resurgeret. Tantus equidem est hodiernus eius splendor, vt præter aurum & marmora videas nihil. Sed hæc VRBANO visa leuia, nisi gemmis etiam solum sterneret. Æstimauit credo munificus Pontifex, nullam in ornando Constantino profusionem fieri, cum ille Imperij opes in Pontificum amplificationem tam honestè olim prodegisset. Te felicem, VRBANE, qui gratiam Constantino remensus es ! Feliciorem Constantinum ! cuius cum instaurato Fonte memoria ita reuirescit, vt sicut recenti Tuo beneficio augetur, sic nouum posteritatis plausum mereatur.

L ; SILVA



## SILVA V.

**V**iderat ornatus hos Constantinus ab astris;  
 Fons meus in melius, fons renouatur, ait:  
 Hic me Silvester caelesti aspergine tinxit:  
 Hic tincto duplex vita reperta mihi.  
 Una elephantiasin deterfit, & altera crimen:  
 Ista salus animi, corporis illa fuit.  
 Crudeles medici, sic morbum arcere parastis?  
 Peior erat nostrâ fons medicina lue.  
 Tu PETRE, tu mitis, per quem meliora iubentem  
 Lustralis subijt sanguinis unda vices.  
 Lympha mei morbi, scelerum sacra lympha piamen,  
 Quàm iuuat aspersæ supposuisse caput!  
 Quàm iuuat Ætherei struxisse piacula fontis!  
 Haud ullum potui condere maius opus.  
 Hic Auctor Fidei nitido efformatus in auro,  
 Iordanis supplex excipiebat aquas.  
 Hic debellato PAVLVSQUE PETRVSQUE Nerone  
 Stabant; hic gladio fulgidus, ille cruce:  
 Multaque prætereà variis simulacra figuris,  
 Maternæ & fidei splendida dona meæ.  
 Scilicet hæ species, atque hæ simulacra fuerunt:  
 Omnia vel prædo, vel grauis hora tulit.  
 Sed fato cecidere bono: potiora resurgunt;  
 Excidioque redit clara ruina suo.  
 Non finit VRBANS nostræ cunabula vitæ  
 Longiùs in misero fœda iacere situ.

Maxime

*Maxime Pontificum, lux præsentissima mundi,  
Impensis habeo qualia templa tuis!  
Hic Tu per gemmas Romanum incedere cogis,  
Mirantem posito quas pede calcat opes.  
Ipsa micant rutilo laquearia operta metallo,  
Materiaeque suæ nobile certat opus.  
Fecisti ut Parij labentem marmoris orbem  
Hinc atque hinc stabili mole columna ferat:  
Gratius ut medium penetrare patesceret, utque  
Vinceret antiquas ars hodierna manus.  
Multiplici per Te fulgent emblemate muri,  
Totaque sub vario marmore testa latet.  
Ecce tuæ Volucres spiranti examine ludunt,  
Distinguitque Volans picta asarota cohors.  
Ludite, & optatum date matres nectaris omen:  
Vestro durabit præsidio iste locus.  
Per vos damnosæ reparavit fata senectæ:  
Perpetuum posthac illius este decus.  
Dum rutilo sanctum servabitis agmine Fontem,  
Nulla dies Fontem, nulla ruina premet.  
Dixit; & Imperij diadema, aquilasque Quiritum  
Est BARBARINAE subdere visus api.  
At tu siderei sedes pulcherrima Fontis,  
Pontificis magni Casareusque labor,  
Quà potes, & fas est, amplectere nomen Utrumque:  
Tutela atque salus illud & illud erit.*

GESTO-



G E S T O R V M  
V R B A N I V I I I .  
P O N T . M A X .  
L I B E R Q V A R T V S .  
R E L I G I O A M P L I F I C A T A .



SPLENDOREM Vrbi collatum  
excipiant auctæ Religionis  
incrementa : quæ vt latiùs  
manant, sic ampliore quoque  
digna sunt præconio. Audiat  
igitur sæculum egregia V R B A N I facta, fel-  
cibus auspiciis propagatas Religiones, quæ  
efficiunt, vt Christianum nomen aut ad ex-  
teras alteriusque Orbis gentes fundatur lon-  
giùs, aut firmioribus adminiculis in Europâ  
fulciatur.

CON-

CONFIRMATIO  
ORDINIS EQVITVM CONCEPTIONIS  
IMMACVLATÆ VIRGINIS.

**N**OVVM sacræ militiæ Ordinem Vien-  
næ Austriorum instituerat Carolus  
Gonzaga, genere, animo, pietate faci-  
lè princeps. Genus eius arguit, quòd  
Imperatorum Orientis furculus est: Animum pro-  
cul omnem metum habentem, quòd Equites ad  
bellum Turcis inferendum crearit: Pietatem deni-  
que, quòd Deiparæ, quòd Cælitibus se militesque  
suos sacros esse voluerit. Sed hic siue Militiæ novæ  
perennitatem quærens, quia eius Auctor, & inde  
conseruandi studiosus; siue omen petens & orna-  
mentum Ordini, ne agmen fatale Barbaris Cruce  
& equestri pallio careret; quacumque mente rem  
perfecturus ingentem, postquam suos conuocauit,  
pulchro stipatus agmine Romam ad VRBANVM  
venit, Crucem ab eo accepit & paludamentum.  
Nequid interim deesset clarissimorum Equitum  
splendori, Cardinalis Sfortia Gonzagæ sodalibus  
paria ornamenta distribuit. Sic ornata & constitu-  
ta præclara Militia crescit in Othomannorum rui-  
nam: quos Asiæ regno breuî pulsos gauderemus,  
si ceteri quoque paribus animis arma in commu-  
nem

M nem



nem hostem exercere, quàm priuatas inimicitias  
vlcisci mallent. Sed (quæ sæculi peruersitas est)  
voueri vix ista possunt, nedum expectari. Pergite  
tamen in instituto Equites strenuissimi, non de-  
erit præsidium VIRGINIS, non VRBANI  
auspicium; quo & animo obsequi vestro, & Chri-  
stianam Crucem figere in omnium Barbarorum  
oris possitis.

## SILVA I.

**Q**ualis Phryxæum vellus rapturus Iason  
Audacem instruxit Palladis arte ratem;  
Qualis & Æsonidis ductu Pagasæa iuuentus  
Æquoris ignoti sollicitauit iter;  
Talis in Osmannum Gonzaga Scythasque superbos  
VIRGINIS auspiciis arma ratesque mouet.  
Talis ei iurata cohors. Horrete Geloni,  
Sanguinis & Scythici quidquid Ubique calet.  
Jam video Euphratem, iam fractis cornibus Hebrum,  
Jam Persam, & victos subdere colla Getas.  
Africa victa ruet: Tyros ingens vulnus habebit:  
Nostraque iam supplex vincula Parthe feres.  
Armorū surgent, passimque vrentur acerui:  
Absumet nostros ignis & aura metus.  
Atria Bistonidum spoliis postesque nitescent:  
Accipient patrij barbara tela lares.  
Ismarias laurus, Asiæque trophæa receptæ  
Artificum solers reddere dextra volet.

Nunc

Nunc nouus Eubœam, Naxon nunc reddet Apelles:  
Nunc captas Solymas ludet in ære Myron.  
Hic Pario excidium Byzantî marmore finget,  
Hic Othomanneæ diruta regna domus.  
Pingentur fortesque Duces, Equitesque, Virique;  
Expugnatae Urbes, quæque, quibusque modis.  
His vos illicitis Gonzaga, hoc sænore laudum,  
Europæ Proceres, ad sacra bella vocat.  
Vos quibus est animus, qui famam extendere vultis;  
Hic animo, hic famæ magnum aperitur iter.  
Hic celebres offert prapes Victoria lauros:  
Fortibus hic Virtus mille trophæa parat.  
Siue Arabem queris, seu Thracem agnoscere in armis;  
Splendida prostrato nomina utroque feres.  
Seu quis Idumæas ardes decerpere palmas;  
Palma tibi Getico sanguine emenda viret.  
Quisquis eris, quæcumque tibi certamina sumes;  
Cedet in arbitrium terra fretumque tuum.  
Si pelago bellare paras, vocat Helleſpontus;  
Si terrâ, ad pugnam terra Pelasga vocat.  
Sin tristes Patrum gestis pensare ruinas;  
Mœsta Cyprus, mœsta est restituenda Rhodos.  
Barbara si gestis appendere postibus arma,  
Aut titulos victo querere Gange nouos;  
Postibus arma tibi tradet figenda Canopus,  
Accedet titulis Gangis & vnda tuis.  
Tu qui Christiadam, qui Regum prælia damnas;  
Hic pius aut pugnax, esse & uterque potes.



*Communis caussa est: placeant communia bella.*

*Quid iuuat in rixis deteriora sequi?*

*Virgo fauet: fauet alma Fides: adspirat Olympus.*

*Ite alacres, quò vos tam bona caussa ciet.*

*Virginis auspiciis feliciter omnia vertent:*

*Tutela hoc nomen pondus & instar habet.*

*Illa tibi Procerum florem Gonzaga legenti*

*Annuat, eque polis prospera signa dedit.*

*Vade age: vade sacra Ductor fortissime classis:*

*In laurus, dixit, portus uterque patet.*

*Terminus Oceani, limesque nouissimus Orbis*

*Signa tua agnoscat, militiamque meam.*

*Lux quæ maternâ me primùm vidit in aluo,*

*Ut tibi præsidium, sic tibi nomen erit.*

*Tum me nec crimen (testor te Christe) nec ullâ*

*Afflauit Stygiâ funebris aura lue.*

*Intactam sceleri, Nati me cura fouebat:*

*Iam tum grata puto nomine matris eram.*

*Gratulor hanc palmam, titulum hunc placuisse triumphis:*

*Inde tuis felix nauibus omen eat.*

*Sed iam hilaris Regem Gonzaga accede sacrorum:*

*Perficiam cæptis sit bonus ille tuis.*

*VRBANO grata hæc classis; gratissimus Ordo,*

*Siue animis Equitum, seu pietate tuâ.*

*Militiæ leges nascenti posce: ferentur.*

*Quas feret VRBANVS, crede tulisse Deum.*

*VRBANVS totum pro Nato temperat Orbem.*

*VRBANVS Nati linguaque voxque mei est.*

*Ille*

Ille tibi è collo suspendet nobile signum:  
Ille humeris. ponet pallia longa tuis.  
Hoc Duce surget Eques ; surget numerosior Ordo.  
Quæ restant , curæ cetera sumo meæ.  
Euenere. Nouum CHRISTO micat agmen in armis,  
Partheniusque nouâ sub Cruce floret Eques.  
Floreat Æthereæ defensus numine Matris:  
Floreat VRBANI natus & auctus ope.  
Floreat ; atque Asiam Gonzagæ perdomet armis:  
Quaslibet ad palmas nomina tanta Valent.  
At tu qui veteri maculatam labe MARIAM  
Obstrepis, & generis succubuisse malos  
Dura quid innubi facis hæc conuitia luci?  
Æquior in Dominam debeat esse cliens.  
Non solet obduci tenebris Tithonia noctis:  
Sed noctem & tenebras post sua terga videt.  
Si nescis, Veri Virgo est prænuntia Solis:  
Nil sceleris primi , nil ea noctis habet.  
Si culpâ infecta est, culpæ captiua vocanda:  
Sit licet alterius culpa, vocanda tamen.  
Siccine Celorum Regina, Parensque Tonantis  
Probrosi passa est vincula seruitij?  
Quid generis sordes? quid autam in sanguine culpam?  
Fatum nascendi quid capitale vocas?  
Hoc fatum, has potuit sordes auertere Numen.  
Si potuit ; numquid præpeditisse decet?  
Et Princeps, & Natus erat. Sic nomine utroque  
Credibile est Matri consuluisse Deum.

M 3

Con-



Consuluit certè iam tunc, Uxorìe Adame,  
 Cùm noxas sensit mentis ab arce tuas:  
 Consuluit, tenerà cùm Matrem in Virgine vidit,  
 Et voluit culpæ nullius esse ream.  
 Fœda quid affingis sinceræ crimina menti?  
 Figmentis numquam sons erit illa tuis.  
 Heu nouerca soli facta est sine crimine. Crimen  
 Tunc Orbis matrem commaculasse putes?  
 Quò mihi iura poli? quò Vindex Numinis ira?  
 Scilicet ullâ equi lege tenetur amor?  
 Ipse sibi lex maior amor: sibi mitius æquum.  
 Iustitiam iusto Vinci ab amore decet.  
 Pone tuas lances: pone exorabilis ensem:  
 Nil in Christiparâ quod feriat, habes.  
 Vulnere sin aliquo ferues violare MARIAM,  
 Per Nati prius est illa petenda latus.  
 Non aded hæc generi pestis fatalis inhaeret,  
 Omnis ut in maculas posteritatis eat.  
 Sit generis morbus, sit ducta ab origine labe,  
 Quem, vetitum contra Numinis illa notet?  
 I mala credulitas. Nati obseruantia Nati  
 Munus ad hoc lentum noluit esse Deum.  
 Hoc ipsi Thraces, hoc ipse fatebitur Afer,  
 Signa ubi Gonzagæ viderit ire mari.  
 Ite rates, facili percurrite marmora cursu:  
 Doctrinam hanc, per vos, Barbara terra sciat.  
 Siue illam Æthiopes, siue illam audiuerit Indus;  
 Æthiopes credent, credulus Indus erit.

APO-

## APOTHEOSIS

B. ANDREÆ CORSINI.



EST de nube etiam Sol luceat, sublu-  
stris tamen est eius lux, nec ad purum  
enitescens. Margarita quoque in con-  
chis pretiosa sunt; nondum tamen tra-  
beas & Augustarum monilia distinguunt. Quod  
Soli margaritisque contingit; Iustis post mortem  
accidit Beatorum albo necdum inscriptis. Soles  
sunt, sed nube conditi: margarita, sed clausa con-  
chis. Nullæ illis aræ, nulla templa, ne imagines  
quidem ponuntur, aut diem in fastis habent. Vbi  
Pontificis ore Cælitibus annumerantur, vt perspe-  
ctior, sic celebrior fit illorum sanctitudo. Talis fuit  
ANDREAS, Corsinorum Sol; Hetruriæ, vt sic di-  
cam, margaritum. Latuit annos aliquot sub nube-  
culâ, obtusum lumen fudit. Simul nubem deterfit  
VRBANVS, effulsit nouum Orbi sidus; dubium,  
veterine sanctitate, an recenti gloriâ spectabilius.  
Lectus est ceu nobilis vnio, Ecclesiæ monilibus il-  
ligandus. Quare hoc astrum mirari si lubet; VR-  
BANVM demirare, qui accendit. Vnionem si lau-  
das; laudes VRBANO fundito, qui legit è conchis.  
Huius denique noui Sancti amore si tangeris; VR-  
BANVM ama, cuius CORSINVS est opus.

THYR-



## THYRSIS, ECLOGA.

MELIBOEVS, DORYLAS, ALEXIS.

**A**dscriptum Diuis Melibœi munere Thyrsim,  
Et Dorylae lusus tenerique canemus Alexis.

Quos non desidibus calamis alterna sonantes  
Et tauri & montis mirata è vertice capra?  
Nec Virgulta caprae carpsere aut gramina tauri.  
Ipsi etiam attoniti ponebant murmura venti:  
Currere nec fontes poterant, nec flumina labi.

Tu cui nostra aliquid visæ sunt esse myrica,  
Rex Apium, sancta seu mundum flectis ab aula,  
Siue Deum accedis calique soli que sequester,  
Seu potius placitis antiquæ in collibus Albæ  
Ingentes curas paulum mentemque remittis,  
Huc ades; & placido cunctos dum mitior ore  
Excipis, exiguum ne dedignare laborem.

Tempus erit (si fata sinunt, faueasque vocatus)  
Cum maiora Tibi moueam. Nunc carmine agresti  
Se Tibi sistet ouans, ibitque in sacula Thyrsis,  
Actorum Thyrsis non ultima fama tuorum.

Vix medio flagrans Titan ardebat Olympo,  
Cum densæ cessans Melibœus in ilicis umbrâ  
Argutum Dorylan, & florem ruris Alexin,  
Thyrsidis alternis mandauit dicere laudes.  
Sic Dorylas, sic & pro se cantabat Alexis.

DOR. Montibus Hetruscis, liquido memorabilis Arno,  
Pastorum

*Pastorum columen, pastorum gloria Thyrsi,  
Etsi te nostris mors dudum abduxerit aruis,  
Nulla tui tollent nobis obliuia curam.*

ALEX. *Italiae toties audite & vise per agros  
Formosi pecoris custos, pulcherrime Thyrsi  
Sit licet in tumulto tua fistula condita tecum,  
Nec numeros eius, nec carmina nesciet æuum.*

DOR. *Hæc senior quondam Ægoni narrabat Iolas,  
Quæ mihi sub Veteri memor ilice rettulit Ægon;  
Thyrsin adhuc iuuenem magnos superare leones  
Luctando, & Satyros solitum terrere salaces.*

ALEX. *Thyrsidis hanc etiam seruat vicinia famam,  
Thyrsin cantando rabiem mulsisse luporum.  
Cresce precor fama, & seros peruade nepotes.  
Pastoris Tusci Geticum laus Orphea vincet.*

DOR. *Postquam firmatis creuit robustior annis,  
Ipse pedum Arcadiâ Pan illi misit ab altâ,  
Atque ouium, dixit, nunc esto Thyrsi magister.  
Nec minus ac iussum est, fecisti candide Thyrsi.*

ALEX. *Ab quoties carmen cùm dulci inflaret auenâ,  
Restitit attonitus diuinis cantibus Arnus?  
Aurita quoties venere è montibus alni,  
Et quoties durum cautes posuere rigorem?*

DOR. *Ille etiam Phœbo cunctisquæ valentior her-  
bis,  
Nunc pecoris tabem, nunc pastoralia sanctis  
Vulnera sanabat manibus, morbosque suorum:  
Sæpè & oues multas morientes reddidit agris.*

N

ALEX. Sæ-



ALEX. Sæpiùs iratum leniuit carmine Panem:  
*Cantanti virides plauserunt sæpè Napæa.*  
*Tu quoque magna Pales præbebas cantibus aures,*  
*Seu pecus è stabulis ageret, seu redderet actum.*

DOR. *Vitis vt immites superat sincera labruscas,*  
*Vt salices oleæ, pinus formosa myricas,*  
*Lapsantes corylos quercus; sic gloria magni*  
*Thyrsidis agricolas omnes, ouiumque magistros.*

AL. *Dulcè sonat tremulis immixtus frondibus Auster:*  
*Dulcia conantur morituri carmina cycni:*  
*Integrat argutas plangens philomela querelas:*  
*Blandior in siluis fudisti carmina Thyrsi.*

DOR. *Latoides tauros ( si vera est fabula ) pauit,*  
*Formosusque greges per siluas duxit Adonis:*  
*Thyrsis oues pauit ; dum Thyrsis pasceret illas,*  
*Nec Thyrsin Phæbus, nec vicit pulcher Adonis.*

AL. *Phæbus amat citharas: iucunda est buccina Marti:*  
*Mercurio placuit testudo, fistula Pani:*  
*Thyrsi tibi calami. Calamos quia Thyrsis amasti,*  
*Et cithara cedent calamis, & buccina Martis.*

DOR. *Innocui cineres, & candida Thyrsidis ossa,*  
*Terræque quæ viridi corpus sub cespite condis,*  
*Unde meis toties gregibus medicina petita,*  
*Et nos & Tuscos defende à cladibus agnos.*

ALEX. *Diuini manes, tuque ignea Thyrsidis vmbra,*  
*Seu colis Elysios amnes siluæque piorum,*  
*Seu cæli fulges inter nitidissima flammæ,*  
*Et nos & Tuscos defende à cladibus agnos.*

MEL. Tale

MEL. Tale tuum nobis cultissime carmen *Alexi*,  
Tale tuum *Doryla*, quales cessantibus *Umbrae*,  
Gramina defessis, liquidi sitientibus amnes.  
Verùm agite, & quoniam *Thyrsis* dignissimus arâ,  
Aram illi erigite, atque aræ superaddite carmen:

THYRSIS honos siluæ, Superùm noua gloria  
Thyrsis,

Quas seruauit oues, alto nunc seruet ab axe.

DOR. Ergo inter ruris Diuos assuesce vocari;  
Atque bonus, felixque veni, mitissime *Thyrsi*:  
Ipse ego terna tibi florentiaserta quotannis  
Liliaque hîc statuam quæ multùm viuus amasti.

ALEX. Ut Fauno, Paniqûe, tibi sic letus *Alexis*  
Aut agno faciet, vel sparsi munere lactis;  
Et quascumque nouus fruges mihi fuderit annus,  
Primitias supplex solemni munere ponam.

DOR. Surgent in nostris tibi plurima signa sacellis:  
Dumqûe polus Phæbum, radios dum Phæbus habebit,  
Aëra dum volucres sulcabunt, æquora pisces,  
Silua tibi carmen, fundet tibi *Tuscia* flores.

ALEX. Inscribêre meis pulcherrima cura medullis:  
Dumqûe leget flores, & mel *Apis* aurea condet,  
Aurea *Apis*, tibi quæ Diuûm decreuit honores,  
Et studio & nostro semper celebrabere cantu.



PORTA SANCTA  
APERTA ET CLAVSA

ANNO SALVTIS M. DC. XXV.



AE LV M per mille vias aditusque totidem tentanti, hæc occurrit porta; quâ vt compendiosius, sic securius ad Superos itur. Ideò sancta audit, quia sanctos facit, & ad Sanctos ducit. Non aperiretur, nisi ad cælum duceret: nec duceret, nisi sancta esset. Vis dicam vnde sancta? Sanguinem & merita Christi seruat, graues prorsum causas sanctitatis. Opes Deiparæ habet, & Sanctorum virtutes tibi obtinendas, tibi imitandas. Obtinere non potes, nisi fueris imitatus: imitando, sanctitatem paras. At enim eam pandunt Romani Pontifices, vt sit publica mortalium gaza. Eò confluunt iusti, iniusti; pares mox futuri. Hinc desumunt vnde nomina Deo expediant: magna, parua, pensi non est. Nemo fumentes increpat: ideò in propatulo opes, cupientibus, sed integris, auferendæ. Hanc portam munificâ manu aperuit VRBANVS, siue vt sanctimoniam in terras immitteret, siue vt homines in cælum admitteret. Qui tum in Vrbe ex omni orbe concursus? Vitæ porta, Romæ patere putabatur. Romam omnes adibant, ceu cælum petitori. viam certè sibi ad cælum inde muniebant.

Venère

Venêre Principes viri, dignitate nescias an Reli-  
gione augustiores: venientes excepit V R B A N V S  
vrbane. & Ferdinando quidem Hetruriæ Duci  
Rosam auream, Ladislao Principi Poloniæ expres-  
sum in sindone C H R I S T I vultum osculandum,  
Leopoldo Austriaco sacra munera sacri amoris mo-  
numenta dedit. Ceterùm V R B A N V S ipse quan-  
tum dignitate, tantum aliis exemplo præluxit.  
Nunc Urbis templa obire, iam adire xenodochia,  
ad pauperum se pedes abiicere, contrectare, laua-  
re; vt qui summus omnium erat, infimus videretur.  
Disce, quisquis es, demissionem in piis mu-  
niis sequi: erubescendum non esse, quod V R B A-  
N I exemplo susceperis.

## S I L V A I I I.

**F**atalis templi sublimi è limine Ianus  
Arbiter & belli, pacis & auctor erat.  
Cede bifrons P E T R O; ferrati ceditæ postes:  
Portæ Romæ nouæ sanctius omen habet.  
Est ingens C H R I S T I è meritis & Sanguine gaza,  
Fortunatarum sanctus aceruus opum.  
Bethlemia hîc pueri cunabula, donaque primi  
Sanguinis, & Phariæ cura laborque fugæ.  
Hîc Vota atque preces; per quas, dum vita manebat,  
Frangebat læsi tela trifulca Patris.  
Sanguinis hîc currunt pretioso flumine riui,  
Quos cor, quos palmæ, quosque dedere pedes.

N 3

Hic



Hic quoque Victrici surgis Crux inclyta ligno,  
 Crux Erebi terror, Crux medicina soli.  
 Virginis hic longi gemitus lacrymaeque supersunt.  
 O lacryma nostris gaudia certa malis!  
 Hic gladios videas, ignesque, & spicula, per quæ  
 Purpurei pugiles succubere neci.  
 Virtuti nullus fructus perit: ocyùs illum  
 Nostris hic Numen vult superesse lucris.  
 Dum licet, hinc vitiis auferte piacula gentes:  
 Quæ post fata manent, igne pianda manent.  
 Precipitate moras; Urget Deus: ipsa que gaza  
 Quæ data Romano distribuenda Patri.  
 Ille tenet clauēs; & diuitis arbiter auri,  
 Sæpè aperit sanctas, sæpè ministrat opes.  
 Sumite pacifera caelestia munera portæ.  
 Non tardè, ut quondam, porta patere solet.  
 Non vobis current bis denis secula lustris:  
 Post quintum lustrum limen adite; licet.  
 Aurea tum toto voluuntur flumina mundo,  
 Diuitiis que poli leta nitescit humus.  
 Tum scelus eluitur, tunc atrox pœna flagellum  
 Abijcit, & victâ porrigit arma manu.  
 Rarior inferno descendit victima Diti,  
 Ultorèsque rogos lenior ira mouet.  
 Ipsa suas dolet Alecto languescere tædas;  
 Atque, Mei, clamat, quò furor ignis abit?  
 Cedite, dum PETRI patuerunt limina, Diræ;  
 Cedite, securo hic cuilibet esse datur.

Seu

Seu quis ab occasu, seu quis festinat ab ortu,  
Hic scelerum veniam vesper & ortus habet.  
Inuenit hic Virtus præclaris præmia factis,  
Culpæ hic noxarum mite piæmen adest.  
Celestes gazæ, magnique opulentia PETRI!  
Quàm patet hæc nostris porta secunda malis?  
Quales diuitias nobis VRBANE dedisti,  
Cum primum manibus est adaperta tuis?  
Non ita cum cæli postes Aurora reclusit,  
Titanis radiis tota relucet humus.  
Non ita cum diti surgit Pactolus ab alueo,  
Lydorum auriferis per sata currit aquis.  
Ibant per mediam rutilantia flumina Romam,  
Gratiæque auratis vecta nitebat aquis.  
Illius aspectu mutabant crimina formam:  
Tam faciles caussas integritatis habet.  
Vidisses toto maculosas corpore tigres  
Et genium & niueæ sumere vellus ouis.  
Vidisses Cypriis ardentes ignibus hircos  
Ignem auersari, nequitiamque suam.  
Hic malè congestum abiecit benè prodigus aurum,  
Et vitio diues noluit esse suo.  
Ille ferox erat, hic tumidus; sed munere Diuæ  
Nec manet hic tumidus, nec manet ille ferox.  
Quidquid adumbrarant veterum mendacia vatum,  
Historia hoc veniæ tempore vera fuit.  
Informes lapides hominum cepere figuram,  
Nec iacti manibus Deucalionis erant.

Illa



*Illa tua, illa fuit, Regina, potentia, duro*

*De saxo mites fingere docta viros.*

*Fecisti meritum de crimine: pœnaque per te*

*Palmae materies, atque corona fuit.*

*Diceris & cacas sceleris caligine mentes*

*Criminibus pulsas restituisse Deo.*

Intellige  
relapsos,  
vt distin-  
guas ab  
impudicis;  
de quibus  
suprà.

*Per te, qui in cœno fœdiq̃ue suesq̃ue iacebant,*

*Nec fœdi in cœno, nec iacuere sues.*

*Mira fides. cali pretium scelera ipsa fuerunt,*

*Dum fiunt odio, fœdaque vita grauis.*

*Nunc age, quæ fuerit venientum turba, quis Urbis*

*Splendor, quæ pietas, carmine Musa refer.*

*Macte, licet pleb̃tro res sit grauiore sonanda,*

*Quis vetet imparibus magna referre modis?*

*Fallor? an illa mihi præsigni in imagine Romam*

*Exhibet, & radio cuncta docere parat.*

*Seu vera est, seu falsa oculis subiecta tabella,*

*Musa mihi haud falsâ talia voce canit:*

*Hic pulchro apposita est ubi porticus aurea templo,*

*VRBANI patuit Ianua rupta manu.*

*Hic stetit ante fores sparsis Metanœa capillis,*

*Nec sparsæ tristem dedecûere comæ.*

*Quos non hic fletus, quæ non suspiria traxit?*

*Quàm fuit in pœnas ingeniosa suas?*

*Sapè manu, aut duro pulsauit pectora saxo,*

*Vllum ne posset corde latere nefas.*

*Sapè sua intorto lacerauit terga flagello;*

*Et, Scelerum, dixit, excutiemus onus.*

*Dumque*

Dumque subire parat casti penetralia templi,  
Restitit, ac multo victa pudore redit.  
Tum diffusa animis, sua sic in limine fleuit  
Vulnera, Romuleo mox medicanda Patri:  
Innocua sedes, magnique sacraria PETRI,  
Portaque flagitiis spes data sola meis;  
O utinam in lacrymas hic tota repente liquecam,  
Dum scelus his pensam vel fugiam lacrymis!  
Turpes illecebræ, & mundi fallacis inane,  
Et valeat probro noxa superba meo.  
Infelix, vitius potui violare Tonantem.  
Ultima sit vitiiis hæc precor hora meis.  
Nil vos astra moror: mutate, aut tollite fontem.  
Nec valeo sordes, nec mea probra pati.  
Obruat ingratam Diuum Pater; obruat Orcus:  
Mors misera in poenas non facit una satis.  
Tollenda impietas, tollenda superbia mecum,  
Quæque graui mentem vulnere lingua ferit.  
Vos quoque tollenda molles, mea crimina, flammæ.  
Hei mihi quanta breui pectore monstra gero!  
Iffet adhuc in verba dolor: sed multa gementes  
VRBANVS vetuit longius ire preces.  
Pone modum lacrymis: si te tua crimina versant,  
Criminibus fiet nunc medicina tuis.  
Magna tibi ad vitam cupienti accedere porta.  
Accedas: vitiiis plus patet illa tuis.  
Iam meus est, quicumque potest peccasse fateri.  
Sinceros culpâ, culpa professa facit.

O

Culpani



*Culpam ubi damnasti, posuit Deus immemor iram.*

*Difficiles motus non capit ira Patris.*

*Cum scelus elueris, Patris cum fregeris iram,*

*Patris in amplexus iam Metanœa redi.*

*Substitit hîc, Dominoque dedit præconia miti.*

*Dein tales fudit voce Thaleia modos:*

*Cetera ut aduertas, ego te per singula ducam:*

*Singula tu memori condita mente tene.*

*Illa vides vastâ miranda palatia mole?*

*Hîc domus VRBANI, Pontificumque lares.*

*Huc Ladislaus glaciali venit ab Arcto*

*Incluta ad Ausonios ponere sceptrâ pedes.*

*Nec minùs VRBANVS tectis accepit in amplis*

*Insignem palmis & pietate Ducem.*

*Quis fuit ille dies, quis, Ladislæ, cruenta*

*Cum CHRISTI data sunt ora colenda tibi?*

*Dumque illâ tumidi Thracis quâ castra fugasti,*

*Diuum attrectasti pignora sancta manu?*

*Credo equidem, stellatum animis elatus in orbem*

*Fingebas toti vota probanda polo.*

*Hîc etiam Tusca moderator maximus aulæ*

*Auricomam cepit, regia dona, Rosam.*

*Te quoque viderunt taciti, Leopoldæ, Quirites*

*Austriacam VRBANO ritè dicare fidem.*

*Quàm pius adfueras, tam Româ letus abisti,*

*Diuinæ referens pignora amicitie.*

*Hæc propè quæ solidis sedet arx pulcherrima muris,*

*Nunc honor VRBANI est: Ælius antè fuit.*

*Hîc*

Hic festi ardebant ignes; multusque tonabat,  
Qualis consuevit fulminis esse fragor.  
E tot Delubris, quæ cernis sparsa per Urbem,  
Septem, ex more, operi sacra fuere pio.  
Iam se infundebat Laterano, iamque MARIAE  
Intrabat populi mobilis unda domum.  
O quali quantoque illic splendore sacella,  
Seu tua Sixte pater, seu tua Paule nitent!  
Hi posita extra Urbem celeres Delubra petebant,  
Quæ pugil Hesperius, quæque Sebastus habet.  
Mirandus cultor cunctas properauit ad aras,  
A populo VRBANVS dignus & ipse coli.  
Iam mendicorum penetralia latus adibat,  
Paupere nec renuit sub lare ferre gradum.  
Hic illum vidi partes descendere ad imas,  
Atque inopum tepido fonte lauare pedes.  
Quid facis ô Princeps? quid sordida munera tractas?  
Tam vilis sanctas non decet unda manus.  
Non illum sordes, non illum verba morantur:  
Sic me, inquit, dignum fingere disco Deo.  
Dignus es Æthereis templis, dignusque Tonante:  
Tamque Tibi abiecto terra polusque subest.  
Cetera quid numeris includam? Urbs tota Quirini  
Unum Delubrum totius Orbis erat.  
Illa fuit Romæ facies, hæc gloria templis  
Donec, quâ patuit, ianua clausa manu est.  
Dixit, & ex oculis tenues effugit in auras.  
Sit mihi, sit populis inde petita salus.



HYMNI SANCTI RESTITVTI  
ET  
DIVINARVM PRECVM  
BREVIARIVM RECOGNITVM.



VI splendorem templorum tot auxilii monumentis, in diuinis etiam cantibus maiestatem amauit. Utque ædes vetustate lapsantes restituit, sic Hymnos temporum vitio incultos ad puri carminis elegantiam vocauit: & eo quidem successu, ut pro vitiiis concinnitatem, pro neglectu cultum, decorem pro deformitate habeant. Voluit, opinor, Urbanissimus Pontifex sacrum melos Basilicarum magnificentiam suo nitore æmulari. Voluit ut Deum inibi splendide habitantem, non concentu tantum modulato, sicut olim, sed verbis etiam splendidis (quod eius inuentum est) coleremus. Ita venustatis ut sanctimonie parens, dum barbariem amolitur, sanctitudinem effecit amoeniorem.

ECLOGA.

MNASYLVS, MYRTILVS.

MNA. *M*Yrtile tu densæ proiectus in arboris umbrâ  
Argutâ sacram meditaris arundine musam:  
*Nos veteres Mopsi numeros, antiquaque Mæris*  
Car-

*Carmina per siluas calamo modulamur inani:  
Tu Melibœi artes, concinnaque verba professus  
Thyrsidis, insolitâ ducis dulcedine mentes.*

MYR. O Mnasye, Dei, non carmina Thyrsidis audis:  
*Quique iubet plenis nos illa referre cicutis,  
Semper erit Deus ille mihi : solemnâ semper  
Illi pro tanto reddemus munere vota.*

MNAS. Nulla equidem inuidia est : lator magis.

*Undique totæ*

*Respondent silvæ : Et si numquam fallitis aures,  
Montibus in nostris nullos resonasse fatebor  
Tam dulces calamos : nobis ingloria pendet  
Fistula de collo, numeri nec verba sequuntur:  
Et si quid cantare libet, vox absona sæpè  
Deficit : hoc etiam vitio nunc muta cicuta.  
Quis tamen iste Deus ? quid mandat Myrtilæ vobis ?*

MYR. Agnos qui pastor Tyberina ad flumina ser-  
uat,

*Cùm malè compactam sacrorum sciret auenam;  
Purior ut Divûm cantus ferretur ad aures,  
Coniunxit calamos cerâ meliore, novisq̃ue  
Restituit solers pastorum carmina verbis.  
Atque ut non dubiè, qui sit, cognoscere possis;  
Hic ille est, quem magna Pales numenq̃ue Lycæi  
Servando pecorum generi posuere magistrum.  
Illius triplici frons est redimita coronâ,  
Atque pedum manibus gestat quo flectit Olympum.  
Huic baculo magni gaudent se subdere Reges:*

O 3

*Illum*



*Illum Tartareus metuit lupo; Orbis adorat:*

*Eius & auspiciis securi uiuitis agni.*

MNAS. *Nempe illum dicis, cui maxima nomina fecit  
Barbaries superata; sacro quem fulgida semper  
Mellificarum Apium circumuolat agmine turba:  
Per quem pax agris, & mellea secula currunt.  
O quantum illius debent sacra nostra labori!*

MYR. *Non segetes solis radiis, non gramina tantum  
Fluminibus debent, nec primis uocibus Echo;  
Echo quæ muta est, nisi uerba aliena sequatur:  
Nos muti simus, nisi nobis ille præisset;  
Certè incompositis traheremus carmina uerbis.  
Sancte ouium custos, rosei cùm solis in ortu  
Ducemus teneras per rorida rura capellas,  
Hos stipulâ agresti cantus imitabimur; & cùm  
Vespere iam saturæ repetent præsepia vaccæ,  
His quoque claudemus fugientis gaudia lucis.  
Tum Superùm fastis ueniet quicumque colendus,  
Hinc titulos illi proprij sumemus honoris.  
Hæc mihi semper erunt, seu cùm penetrabile frigus  
Et brumam mundo, & felix Natale reducet  
Æterni Pueri; seu cùm iam uere renato  
Illius interitum plorabimus, aut ubi uictò  
Surgentem è tumulo, subeuntemque astra colemus;  
Seu festo quocumque sacrum sibi uendicet annum,  
Hæc mihi semper erunt, & te uenerabor in illis.*

MNAS. *Fortunata Pales, tandem tua fistula dignum  
Calicolis carmen magnis habet. Ite bubulci,*

*Ite*

Ite magistri ouium, iucundos discite versus:  
 Hos altâ sub rupe canat frondator ad auras  
 Tityrus in siluis, gemit per rura Menalcas,  
 Naiades in fluuiis, per prata herbosa Napæ:  
 Hos Satyris narret matura Vinitor vna.

MYR. Sacra ego sollicitâ conabor arundine verba,  
 Nec iam Orphei tangént ve Lini me carmina, quamuis  
 Orpheo Calliopeia, Lino dictarit Apollo.  
 Versibus his Zephyri ponent, auritaque silua  
 Attonitas in plana volet dimittere quercus;  
 Mansuescent tigres, placabitur ira leonum,  
 Et lupo in medios veniet iam lenior agnos.

MNAS. Antè seges sterili sine semine surget in aruo,  
 Et fontem repetent conuersis flumina riuus;  
 Antè interrupto communi fœdere rerum  
 Bruma feret fruges, niue contristabitur æstas,  
 Quàm mea tam cultos non cantet fistula versus.  
 Ire libet, prædulce melos frondosa per arua  
 Dicere, tamquam hæc sit reparanda industria Vocis.

MYR. Hic tamen hunc æstum mecum fuge: sancta  
 vicissim  
 Carmina dicemus. Viridanti in cortice fagi  
 Plurima descripsi. mecum experiere quod optas.  
 Et iam sol mediū spatium percurrit Olympi,  
 Pastoresque æstum cantu solantur in umbrâ.



## DIVA ELISABETHA

## LVSITANIÆ REGINA

## DIVORVM ORDINIBVS ADSCRIPTA.

**S**OLITVDINI tantum sanctitatem nemo adiudicavit. In aulâ (& quid illâ tam alienum à sanctimoniâ reputatur?) in aulâ tamen fulgent pietatis laude multi: hoc sæpè clariùs, quo in illis fluctibus quàm in quiete, in affluentia quàm in egestate, sibi imperare operosius est. Inde nobis ELISABETHAM dedit Hispania, Regum Filiam, Coniugem, Matrem: quodque his regalius est, Numinis famulam. Quam ideò natam iure credideris, ut ostenderet Deus, quid in summâ fortunâ posset sanctitudo, quid in sanctitudine summa fortuna. Sic Aulæ & Marito vixit, ut se Reginam & Sponsam sciret. Sic Reginam & Sponsam exuit, ceu Virtuti ac Deo viueret. Ita vasa est purpurâ, quasi tesseram gestaret illius servitutis quam CHRISTO vouerat, non regiam notam. Mulier in regno, regno maior, quia contemptrix: in honoribus demissionis studiosa, ideò dignior: inops inter opes, vel in id tantum opulenta, ut egenorum inopiam ditaret. Animo fuit in omnes miti, severo in se; idcirco amans sui maximè, quia maxima hostis. His virtutibus Leo X. singulare primum Festum

Festum indixit. Sed Festi magnitudinem nonnihil imminuebat, quòd in Conimbricensi tantum Diœcesi celebrandum. Insecuti Pontifices gloriæ eius limites angustiores rati, colendam dederunt toti Lusitaniæ; Patronam clientibus, subditis Dominam. Ne quid demum venerationis deesset tantis meritis, V R B A N V S Sanctorum honores E L I S A B E T H A E tribuit, vt à Christiani nominis gentibus coleretur. Quæ & digna fuerat omnibus imperare, & iam digna, quam omnes imitentur.

## S I L V A V.

**C**oniux, progenies, parensque Regum,  
 Iberæ decus I S A B E L L A gentis,  
 Iberi decus I S A B E L L A Rēgni,  
 Quæ sceptrum, soliumque, purpuramque,  
 Et luxus & opes potentis aule  
 Vicisti meritis; nouoque castas  
 Auges sidere Cælitum cateruas;  
 Plena munera sume nunc honorum:  
 Nunc Regnis trabeisque maior, ipsos  
 Inter Diua nite serena Diuos.

Hinc si te ullus amor mouet tuorum,  
 Et te credibile est eo moueri,  
 Lucem funde tuis serena Iberis,  
 Lucem funde tuo fauens P H I L I P P O.  
 Instar Solis enim tuus refulget

P

Æternâ



*Æternâ Superiorum in arce vultus:  
Hinc te fundere, Diua, iam necesse est  
Felices radios & huic & illis.  
Illâ te decet adiuuare ab arce  
Tuos Lysidas, tuum PHILIPPVM.*

*Ut inter pelagi furentis æstus,  
Celi inter tenebras, & inter imbres,  
Luctantisque sonora bella venti,  
Lucem nauita, molliusque poscit  
Fretum: sic variis malis fatiscens  
Orbis te colit & vocat Patronam.  
Ægri tuti etenim tuum sepulchrum  
Accedunt, redeuntque restituti.  
Hic qui dudum oculis utrisque captus  
Longâ in nocte animam miser trahebat,  
Jam per te sibi, redditurque luci.  
Queis sors abstulerat mouere gressum,  
Appenso tibi Diua scipione  
Hinc firmi redeunt, mouentque gressum.  
Ille linguâ erat impeditiore;  
At linguam citò nactus expeditam,  
Iuit in Domini tuasque laudes.*

*Hic quicumque olei sacri liquore  
Morbos, vulnere, pustulas perungit,  
Morbi, vulnere, pustulæque cessant.  
Hic quicumque olei sacri liquorem  
Herniæ allinit, allinitque pesti,  
Ponit hernia, ponit atra pestis.*

*Quis*

Quis letum paueat, quis imminetum  
Morborum aspera, te fugante morbos?  
Ad te cuncti oculos manusque tollunt:  
Te mixtæ pueris colunt puellæ:  
Te mixti senibus colunt puelli:  
Te Reges, populiq̃ue, Principesq̃ue,  
Cuncta Hispania, cuncta terra adorat.  
Iberæ decus ISABELLA gentis,  
Iberi iubar ISABELLA Regni,  
Et nouum iubar ISABELLA cæli,  
Cuncti imaginibus tuis minores  
Genu aduoluimur: Urinusq̃ue cuncti  
Aris thura tuis, tuumq̃ue nomen  
Miscemus Superis. Tibi superba  
Patronæ, Dominaq̃ue, Lusitani  
Ponunt templa. Viden sacro ut sepulchro  
Et dona, & tabulas, opesq̃ue figunt,  
Qui iam semianimes & imbecilli  
Debent, quod superant, tuo fauori;  
Tuo, quod superant, vouent honori?  
Longam pacem Utinam tuis Iberis  
Præstes ô Bona Diua. Longa dones  
Vitæ tempora Romulo Parenti:  
Hoc & sole nouo ferente lucem,  
Hoc & nocte vagum exigente solem,  
Omnes poscimus; ISABELLA præstes.



I A P O N E S  
P R O F I D E V E X A T O S  
V R B A N V S S O L A T V R .

**M**OLLE non est Christianæ militiæ tyrocinium. eadem hodierni rudimenti, quæ illius veteris experimenta : in vincula rapi, cædi, & flammis aduri. Vix olim sacra signa extulerat ; & iam alieno Tyrannorum furore, ecquid animi haberet dæmon, experiebatur. Iam ardebat eam in ipsis primis conatibus perdere, cuius se victoriis sciebat debitum, metuebatur triumphandum. Commodum Iaponibus affulsit Fides. Imminent vndique Nerones noui : Toni, Cubi, Minaminobi, hostes vel ipso nomine formidandi. Sed quid ? vt in seminibus attrita quædam vberius pullulant; sic in populo Christiano fecundiores fiunt à Tyrannis vexati. Martyrum sanguine perfusa olim Ecclesia, Orbem ex infideli fecit Christianum ; prorsum vt alij homines, alius mundus, Cælum quoque ipsum purius benigniusque videretur. Quid futurum est Iaponensi Ecclesiæ, quæ tot quotidie cladibus laceratur ? Bonum omen, Iaponia: cruor hic, semen est populi numerosioris : sic cædi, crescere est. Habes consolatorias V R B A N I literas : lege, vt facis, releges ; scies per hæc damna fecunditatem parari.

E C C L O -

## E C L O G A.

NISA, ARCAS.

P O E T A.

**O**ppressi pecoris lugebat Nisa ruinam,  
 Nisa inter Iaponum meritis celeberrima Nymphas:  
 Sed nil, quo triste excidium pensaret, habebat.  
 Tantum desertos, horrenda cubilia, montes  
 Sollicitè seruabat: ibi hoc miserabile carmen  
 Rupibus & siluis planctu geminabat inani.

NISA. O pecus infelix, quanto in discrimine rerum es?  
 Quot pateris strages? Ah ne tollaris ad unum!  
 Nunc etiam siluas claudunt & rura leones:  
 Nunc atrox etiam circumstat ouilia prædo,  
 Et lupus insidias struit undique; iamque per omnes  
 Atrox flamma furit caulas, communia iamque  
 Pastoresque pecusque trahunt mala. Nec mea Diui  
 Vulnera respicitis, nec vis inimica remittit.  
 Nonne fuit satius semel uno occumbere leto,  
 Quàm tot quotidie sperare patique dolores?  
 Sæpè greges studeo per opaca abscondere silvæ:  
 Semper eos tigres silvæ per opaca sequuntur.  
 Mille meæ errabant per rura Meacia capræ;  
 Mille Iapan tauros, Cangoxima mille Videbat:  
 Nunc raræ in campis capræ, rarique iuenci;  
 Dira Meaco capras strauit, Cangoxima tauros.  
 In pecorum occasu, quamquam me cura fatiget

P 3

Plurima,



Plurima, non pro illis capio tot mente dolores,  
 Quàm funesta super paſtorum funera, quàmque,  
 Ne mea (vos Superi teſtes, & ſidera Nymphæ)  
 Relligio pereat ſacris priuata magiſtris.

Trifte recens natos conuelli ex arbore fetus:  
 Triftius eſt matrem ramorum à ſtirpe reuelli.  
 Dura gregis cædes, caularum incendia dura:  
 Durius eſt pecorum ſpoliari luce magiſtros.

Vidi ego Damonem, cum Bætigenâ Melibæo,  
 Magnum utrumque animis, cum ſe hoſti offerret  
 Uterque,

Utrumque atroci vitam poſuiſſe ſub hoſte.  
 Damonem ingenti ſuperarat vulnere tigris:  
 Te quoque raptabant Urſi Melibæe furentes.  
 Et cum clamarem, Si ſpes præſcinditur omnis,  
 Si miſeri orbantur fidis cuſtodibus agni,  
 Cuſtodes vos ſaltem alios huc mittite Diui;  
 Clamantis iugulum diri petiere leones.  
 Urit adhuc ingens plagæ dolor, & cruor ipſe  
 In gremium nondum obducto de vulnere manat.

Felices bis terque greges, qui tuta per arua,  
 Arguto gracilem paſtore inflante cicutam,  
 Virgulta & læto tondetis paſcua morſu.  
 Non lupus inſidias vobis, non horridus ignis  
 Molitur mortem. procul eſt à finibus hoſtis.  
 Aſt ego letiferæ mærens telluris in oris,  
 Tot curas, tot alo turbata vulnera mentis,  
 Quot ſilvæ pariunt frondes, quot gramina campi.

Hei

Hei mihi, sed frondes siluis, sed gramina campis  
Sunt decori; premit assiduo me cura dolore.  
Si probat hoc Numen; nec habet sors dura regressum;  
Ite boues, strictæ submitte colla securi:  
Ite simul teneri miseris cum matribus agni,  
Ingluuiem sautorum Ultrò exsaturate luporum:  
Vos vestra interitu non lento Nisa sequetur.  
Sin negat, & flentis mors lumina claudere spernit,  
Certum est in scopulis inter speleæ ferarum  
Malle pati, liquidisque meos adiungere fletus  
Fontibus: augescant illis dolor auctior ibis.

Talia iactantem nec opinus præuenit Arcas,  
Arcas pastorum sanctissimus, atque ita fatur:  
ARCAS. Ut lateas, iam causâ tui celeberrima fletus,  
Nisa; nec has solum rupes nec saxa querelis  
Incendis: totum vulgavit fama per orbem,  
Hic vacuo quæ tu quereris deserta sub antro;  
Quin ut mersa malis, sic lamentabilis audis.  
Pone metum, feret hæc aliquam iactatio pacem.

Aspice pugnantes vicino in littore fluctus,  
Bella aterna putes: non longum tempus, & omnes  
Stridentes ponent auræ, pontusque residet.  
Vertice prærupto surgentem hanc aspice rupem:  
Fulminis haud semper flammis pulsatur, & imbris  
Quondam etiam placidi recreatur lumine solis.  
Non aliter, luctusque tuos, stragemque tuorum,  
Et melius fatum & melior fortuna reuisset.  
Calicolum mos est, damnis & clade probare

Quos



*Quos socios fortesque volunt. Cui prospera longum  
 Sors ridet, fluit in vitium, rebusque secundis  
 Soluitur. Assurgit per dura, per aspera Virtus.  
 Sic quondam Europæ formosa Amaryllis in oris,  
 Delia sic damnis, sic Phyllis candida crevit:  
 Sic cresces Nisa; & caussas & semina vitæ  
 Inuenies leto (quod numquam reris) in ipso.  
 Lætæ seges fiunt quæ terræ semina credis.  
 Ilex ducit opes mordaci è vulnere ferri.  
 Post hiemes aliis operitur frondibus arbor.  
 Plures oppressæ sunt Relligionis alumni.  
 Pastores pereant: Pastorum sanguis, opimæ  
 Ubertatis erit semen; gregibusque necatis  
 Sufficiet Pan gentem aliam similesque magistros.  
 Dixerat: atque animis paulatim Nisa resumptis,  
 Afflictis ausa est rebus sperare salutem.*

IAPONIÆ MARTYRES  
PALMIS DONATI.



APONENSIS Ecclesiæ desolationem  
 exhibuimus. Age nunc, vt læta tristi-  
 bus suâ vice succedant, lauros & pal-  
 mas eius ostendamus. Careret coronis  
 Iaponia, nisi strages illas accepisset: quia tulit, vi-  
 cit; & ideò lauru coronata. In arenâ Fidei mor-  
 tui, victores proclamantur; triumphant interem-  
 pti. Superûm fides! quale victoriæ genus, vinci,

vt

vt vincas; cædi, vt viuas; vt gloriam assequaris,  
ignominiam pati? Nescis vesana Barbaries, nescis  
quàm honorifica sit mors pro CHRISTO tolera-  
ta. Homines tollere voluisti, Diuos fecisti; infra  
mortuos amandare, adorandos orbi Victores de-  
disti. Vos adumbro inuicti Athletæ, te MICHI,  
te GOTHO, vosque qui è FRANCISCI &  
IGNATIÏ inclytâ familiâ, inclyti ipsi Tonorum  
Cuborumque rabiem domuistis. Vincula iniecta  
sunt vobis: baltea erant militiæ vestræ. Hastis  
transfixi estis: viam vobis illis vulneribus in cæ-  
lum fecistis. Cruces vestræ fuerunt pro triumphali  
curru, quo ad Superos perduceremini. Iaponum  
crudelitate trucidati, viuetis VRBANI beneficio:  
& hæc ignominia quam in orbis angulo pertuli-  
stis, æternam vobis toto orbe famam comparabit.

## SILVA VII.

**P** Rinceps astrorum, flammæque volubilis orbis,  
Quas solitis vicibus nascique morique videmus,  
Cedite: non una de morte reditis in ortum,  
Nec solis cecidisse lucrum est. Sic miles Olympi  
Et Fidei cadit; horrendæ sic mortis ab Umbris  
Emicat ad vitam, proprioque effulget in ostro,  
Quæsitis palmis & Diuum luce coruscus.

Atque adeò ut vestros ortusque obitusque sciatis  
Cedere; Palmiferi pugiles, ferrum inter & ignes,  
Quidquid sternendum est, subigunt: ubi parta corona,  
Q      Armorum



*Armorum labor omnis, & omnia bella residunt.  
 Vos stare indociles, sine palmâ & laude triumphî  
 Occiditis; cursumque labore iteratis inani.  
 Qui Iaponum vicere cruces, Iaponumque Tyrannos,  
 Historia attonitis fiunt celeberrima terris,  
 Et famam è crucibus, vitam de morte reportant.*

*Heroas sanctos infelix arbor habebat:  
 Subtus imago necis. Verùm non segnius illi  
 Calicolum Regem, Romanaque sacra professi,  
 Hoc ergo est, Iapones, quod nos per iniqua per aqua  
 Ducitis, ut celsâ perimatis in arbore vinctos,  
 Clamabant. Minimum est perituram impendere vitam,  
 Quam tot nominibus Domino debemus Olympi.  
 Ille suo pulchrum descripsit Sanguine callem,  
 Exemploque vocat. Sequimur, quacumque præisti,  
 Et quocumque vocas, Rex inclyte. Suffice vires  
 Te dignas, crucibusque: polus, mors, Crux tua, in ipsis  
 Omnia sunt oculis. Norit nunc orbis Eous,  
 Nos vitam intrepidus pro te letumque pacisci.  
 Nulla mora est: ferrum figant, utcumque libebit,  
 Lictores; hastis nudi ferroque patemus.  
 Est animus nobis vitæ contemptor, & istum  
 Qui leto benè credat emi quod tendimus orbem.  
 O hasta! ô calî Crux pignus, & inclyta Diuûm  
 Tessera! Dum sese pariter firmantque probantque,  
 Impavidi que inhiant morti, appellantque Tonantem;  
 Sub cruce cum longis stans miles barbarus hastis,  
 Hinc atque hinc ferrum transuersim in viscera mergit.*

*Con-*

*Continuò patefacta ruit per vulnera torrens  
 Purpureus : largo maculantur sanguine campi.  
 Illi ceruicem moribundi in colla reclinant;  
 Qualia præcipiti percussa papauera nimbo,  
 Et calycem læsis demittunt lilia truncis.  
 Intereà CHRISTVM vox ipsa, & frigida lingua  
 Custodem CHRISTVM vitâ fugiente vocabat.  
 CHRISTVM vicini referebant undique colles.*

*Hæc finis pugilum magnorum. Huc Numinis illos  
 Egit amor, sceleri obsequium Xacæque negantes  
 Thura, tot heu frustra meritisque actisque decoros,  
 Tot dignos annis! Stant lugubri in arbore trunci,  
 Reliquiæ tortorum, onus execrabile plebi.*

*At non illa diu cæsorum obduxit honorem  
 Nox ignominie: nec enim sub nube tenentur  
 Astra diu; erumpunt, puræque in luce refulgent  
 Exempti tenebris. Mortis ludibria magni  
 Excussere Duces. noua gloria cuique, fugato  
 Dedecore, affusa est. sic cæno lectus ab atro  
 Deterfis adamas maculis pretiosius ardet,  
 Fitque manus decus, aut Regalis bacca coronæ.*

*Est in stellato mundo locus: area campos  
 Apperit ingentes, ibi lilia mille per herbam,  
 Mille croci, spinisque rosaria nescia florent  
 Assiduò: rubro labuntur gurgite riui,  
 Quos circum Virides texunt umbracula palmæ:  
 Camporum in medio lauri nemus; unde corollas  
 Purpureis carpit præpes Victoria turmis.*

Q 2

Hic



Hic in celsum arbor quævis aptata trophaum  
 Hostiles habet exuvias, fulgentiaque arma,  
 Arma triumphatis duce CHRISTO erepta tyrannis.  
 Hic longo videas superatos ordine Reges,  
 Qui quondam in terris, dum vita iræque calebant,  
 Aggressi nomen populumque abolere piorum.  
 Hinc fracti pendent gladijque crucesque Neronis,  
 Hinc Domiti equulei, Traiani que aspera tela,  
 Extinctæque faces Decij, frameæque Seueri.  
 Parte aliâ urforum rictus, versosque iugales,  
 Detractasque lupis pelles, hinc fixa leonum  
 Tergora suspicias, illinc immania saxa,  
 Quadrigasque, rotasque, & mortis spicula mille,  
 Præmia nunc, olim crudelibus horrida pœnis.

Huc victrix alacri tendebat turba volatu;  
 Quam procul ut summâ Victoria vidit ab arce,  
 Sponte suâ occurrit, misitque has pectore Voces:  
 Iaponiis animosa phalanx exercita bellis,  
 Ut te victricem regis populi que cruenti  
 Accipio amplectorque libens! Ut amœna roseta  
 Fortunatorum nemorum, sedesque beatas  
 Pando hilaris! Viden ut luco iam laurus in omni  
 Et plecti in clarum capitis decus, atque superbis  
 Ornari feruet spoliis? Tibi lucis in aulâ  
 Purpureus latè plaudit, sociamque laborum  
 Ad similes palmas ordo vocat. Eia age campos  
 Lata subi, magni pugnasti bella Tonantis.  
 Sat pugna cladique datum. Si sidera morte

Acquiri

Acquiri possunt, morte hac quæsitæ fuere.  
 Certa tibi palma est. Vernat quoque debita multis,  
 Quos fera vel ferro flammisve Iaponia tollet.  
 Nulla equidem regio in terris animosior, ex quo  
 Romuleæ fidei sacris Xauerius Indum  
 Imbuit. ô quantis Heroibus agnita calo est,  
 Quotque probanda venit! Video Tonumque Cubumque,  
 Et Minaminobum tristem miscere procellam.  
 Inuoluere Fides: Sacra turbidus auferet æstus;  
 Cumque suis eversa ruent altaria templis.  
 Bullatos pueros Video, innuptasque puellas  
 Prætentâ vltro morti præcludere flammâ:  
 Tantum animi pietas vel primo accendet ab æuo.

Qui procul isti autem, mediæ queis frontis in albo  
 Crux micat? Agnosco pietatem, inscriptaque vulgi  
 Ora, nec obscure Christumque fidemque professi.  
 Macte nouâ virtute. Fides hæc grata Tonanti.  
 Seri olim referent tam strenua facta minores.

At qui funerei clauduntur in æquore septi,  
 Pars dulcem fugiens patriam, dulcesque beatæ  
 Europæ fines, Iaponum deuenit in orbem,  
 Lustratura ferâs diuino lumine gentes.  
 Hei mihi, dum cæli lucem crudelibus infert  
 Gentibus, heu mediis finiuit in ignibus æuum.  
 Hæcne Iapon grates tanto pro munere reddis?  
 Barbarie pars in mediâ, Iaponumque sub axem  
 Nata quidem: sed enim cuncti meliora secuti,  
 Exosique Amydam, scelerataque sacra parentum,

Q 3

Proiecere



*Proiecere animas Veri pro nomine Patris.*

*Quin & Loiolida magni, magnique clientes  
Francisci, quærent isto sub cardine mortem.  
Felices ubicunque cadant: hinc quippe ferentur  
In patriam, leto & longis erroribus acti.*

*Ille autem, ardenti quem vinctum in stipite lentæ  
Absumunt flammæ, cui barbarus imminet ensis,  
Spinola, quàm pulcher canis, quàm sanguine clarus,  
Et virtute potens! Non illo blandiùs alter  
Errantes populos ad PETRI signa vocabit;  
Inclytus oppositi seu vim cùm franget Auerni,  
Seu cùm Bungorum vesanas arguet artes.*

*Sed tua dum stimulos exempla nepotibus addunt,  
Dumque tuæ crescit mortis seges, & cruor ardet,  
Quæsitam meritis & leto sume coronam.  
Dixit, & æternis præcinxit floribus omnes,  
Omnes donauit palmâ, trabeaque nitenti.*

*At non Heroum soli laus cognita celo,  
Iam gemino VRBANI iussu memorabilis axi est:  
Iamque omnis supplex illos Cangoxima, & Indus,  
Omnis Roma, omnes votis venerantur Iberi.*

*O letum vitale, & amabile dedecus! orbem  
Numine nunc implent, qui iam ludibria vulgi,  
Tortorum modò ludus erant. Si Vita caduca est,  
Ut certè usque cadit, quin palmam hanc quærimus  
ultrò*

*Intrepidi? forti mercemur sidera morte:  
Mors vitalis erit. Verùm nil vota precésve*

*Pro-*

*Proficiunt . pauci quos æquus CHRISTVS amauit,  
Et simul in partem regniꝫ crucisque vocauit:  
Tam celebres ramos referunt extrema secuti.*

*Vos ite interea per gentes, ite per astra  
Victores: ad aperta via est. Crux dura, quietis  
Et famæ vobis gradus exstitit; ipsaque cuspis  
Quæ vitæ & mundo vos abstulit, addidit astris.  
Viuite, & VRBANI memores, patriæque gementis,  
Pacem illi, huic longos vitam concedite in annos.*

DECRETVM  
DE RESIDENTIA EPISCOPORVM  
IN DIOECESIBVS.

**V**T externa Ecclesiæ ornamenta contu-  
lisse magnificum fuit; sic disciplinam,  
quâ vis eiusque sanctitudo contine-  
tur, firmasse diuinum. Disciplinâ cer-  
tè prolabente, neque vis Ecclesiæ stare, neque san-  
ctitas fulgere diu potest: his autem vel labefacta-  
tis, vel extinctis, quid iuuent externa? frustra  
ornaueris templa corruptis hominum moribus.  
O Tua, VRBANE, diuina lex: Antistites à suis  
diocæsisbus ne absunto. Mores in praua fluere  
non poterunt, coërcentibus disciplinæ magistris.  
Non poterunt irrepere vitia, cùm ea Præsules  
exemplo dictisque amolientur. Ad hæc quanta  
crit



erit ouium securitas, cùm pastorem habebunt  
aduigilantem? Neque naui, præsentē gubernato-  
re, neque Gregi malè esse potest, si Pastor adsit:  
pabula subministrat ouibus, ne fame contabef-  
cant; sepius claudit, ne licentiùs euagentur. Bre-  
uiter dixerim: Tanti greges, quanti Pastores.

## E C L O G A

## P A L E S.

**P**OSTquam pastores concessa reuifere rura,  
Balantumque greges iussit seruare Palamon,  
Latior atque hilari Nympharum cincta cateruâ  
Talia verba Pales mediis fundebat in agris:  
Paciferae leges, tuque ô ter sancte Palamon,  
Quàm iusta affertis reparando commoda ruri?  
Ergo alacres posthac pecorumque boiùmque magistri  
Pascendis gregibus solertem impendite curam.  
Vos quoque nec tutos dimissæ sæpè per agros  
Carpite oues letum, securæ carpite gramen.  
Cuique gregi suus est pastor: discrimina cessant.  
Non lupus insidias agnis, non vulnera posthac  
Vlla ferox capris meditabitur. Ecce sonoro  
Latratu insequitur furèsque luposque lycisca.  
Carpite oues letum, securæ carpite gramen.  
Nullus iam custos alienus ouilia prodet:  
Nullus bis pecudes unâ mulgebit in horâ:  
Nec succo matres, nec fetus lacte carebunt.

Quis-

*Quisquis eras, custos aliene, irrisus abibis.*

*Carpite oues latum, securæ carpite gramen.*

*O gregibus benè parta salus ! non vellera prædo*

*Innocui pecoris multo cum sanguine carpet:*

*Non molles nixis auertet matribus agnos,*

*Aut pecus infirmum malè tutâ in Valle relinquet.*

*Carpite oues latum, securæ carpite gramen.*

*Manè ubi rorantes sol sparget lumine campos,*

*Ibitis ad pastum dominis ducentibus ; & cum*

*Lucidus occluso vesper procedet Olympo,*

*Vos illi è pastu plena ad præsepia ducent.*

*Carpite oues latum, securæ carpite gramen.*

*Si quo dira lues populetur ouilia morbo,*

*Audebunt primi caput obiectare periclis,*

*Pro gregibus primi certabunt fundere vitam :*

*Pacis erunt iidem socij, socijque malorum.*

*Carpite oues latum, securæ carpite gramen.*

*Hæc super athereas leges, ouiumque magistros,*

*Et super agnorum satis est cecinisse salutem:*

*Nunc magnum mecum celebrate Palemona Nymphæ.*

*Menalio dudum residens in monte Palemon*

*Inuigilat paci ruris, rerumque quieti:*

*Inuigilet, longos regnetque beatus in annos.*

*Hoc duce pax ouibus nostris, pax certa magistris.*

*Mecum omnes magnum celebrate Palemona Nym-  
phæ.*

*Riuus ut hîc salices, hîc molles educat herbas,*

*Populeas alibi stirpes : hîc irrigat alnos,*

R

Hîc



*Hic per prata fluit : sic tu diuine Palamon  
 Omnibus vnus ades, omniq̃ue in gente laboras.  
 Mecum omnes magnum celebrate Palamona Nym-  
 phæ.*

*Talis amor tuus est pecorisq̃ue orbisq̃ue fouendi,  
 Qualis inest agnæ, quæ natis aucta gemellis,  
 Per nemora & virides comitatur vtrumque per her-  
 bas,*

*Anxia & à dulci nescit decedere prole.  
 Talis amor tuus est, & curis cedere nescis.  
 Mecum omnes magnum celebrate Palamona Nym-  
 phæ.*

*I citò, pange rosis ternas Arethusa corollas,  
 Pange Arethusa, & dic: Hæc sunt tua signa Palamon:  
 Diceris in summo totidem gestare Lyceo:  
 His ruris pater, his pastorum maximus audis.  
 Mecum omnes magnum celebrate Palamona Nym-  
 phæ.*

*Has violas atque hæc florentia gramina veris  
 Produxit rosei fecunda potentia solis,  
 Et seruat, quantum rapidi lapsus finit æui.  
 Sic & nos & nostra foues, decorasq̃ue Palamon.  
 Mecum omnes magnum celebrate Palamona Nym-  
 phæ.*

CONGI

## CONGI ORATOR

## VRBANO VIII.

## PRIMO E ROMANIS PONT.

## OBEDIENTIÆ CHRISTIANÆ

## SACRAMENTVM DICIT.



ELICIS iacturæ genus est, quod lucro  
 potiore sarcitur. Sectariis à PETRO tu-  
 multuosè desciscientibus, impia defe-  
 ctio tam cumulatè pensatur, vt non ad-  
 cò luctuosum sit illos defecisse, quàm iucundum  
 tot nouas gentes CHRISTO auctorari. Iugum  
 à paucis Europæ prouinciis detrectatum, Oriens  
 subit, & Occidens. Sinæ, pro Anglis: pro Batauis,  
 Iapones: pro Germaniæ & Galliæ parte, Æthio-  
 pia, Congus, India, & iam America in partibus.  
 Quanto maiora quæsiuimus, quàm amisimus?  
 Euincerent ista incrementa perduelles, nisi contu-  
 maciæ audiores essent, quàm Religionis. Insultent,  
 vt volent, Pontifici; perfidiam suam nouo scelere  
 maculabunt: dum interim legationes ad eum vndi-  
 que suscipientur, dum Orbis & Fidei Princeps ag-  
 noscetur. Sacramentum illi Congus dicet, com-  
 pensabitque nouatorum discessum: fortunâ suâ fe-  
 lix, & Pontificis Beneuolentiâ; qui vt obsequio  
 Congi vices remetiretur, Oratorem eius immaturâ

R 2 quidem,



quidem, sed sanctâ morte in glorioso munere extinctum, Sepulchro, Imagine & hac Inscriptione decoravit:

MARCHIONI ANTONIO NIGRITÆ  
REGIO CONGI ORATORI,  
QVEM PAVLVS V.

NONDVM PERACTA LEGATIONE  
IN VATICANO MORTVVM  
IN EXQVILIIS FVNERAVIT,  
VRBANVS VIII.

QVI PRIMVS ROMANORVM PONTIFICVM  
A REGIBVS CONGI  
PER ORATOREM IOANNEM BAPTISTAM VIVES  
CHRISTIANÆ OBEDIENTIÆ  
IVRAMENTVM EXCEPIT,  
SEPVLCHRVM EXSTRVXIT  
PONTIFICIÆ CHARITATIS MONVMENTVM  
ANNO DOM. M. DC. XXIX.  
PONTIFICATVS VI.

Ad quem sectariorum sic accùrritur? cui ab extremo orbe Legati? ô dementiam existimantium se à Christianæ Religionis Virtutisq̃ue desertoribus ad Fidei puritatem traductos!

SILVA

## SILVA IX.

**F**rustrà profanis seditiõibus  
Rebellis error bella Deo moues.  
Frustrà superbi perduelles  
Regna PETRI lacerare amatis.  
Quod scindit Anglus, sarcit Arabs: fugam  
Pensat Bataui Mexico: nec minùs  
Utrumque iam latè per axem  
Signa Fides numerosa tollit.  
PETRVS, Tyrannorum & domitor Stygis,  
Ubique regnat, riteque subiicit  
Sinasque, Brachmanesque, & Afros,  
Et Casares Apici Quirino.  
Jam Christiana militiæ volens  
Dat nomen Indus. Iam niger Æthiops,  
Dicto Sacramento Tonanti  
Luce animi faciem serenat.  
Damnant parentum crimina Iapones,  
Xacaque damnant atque Amida rosas,  
Et non pudendis adaugent  
Purpureos pugiles cateruis.  
Venère Persæ, fastum & acinacem  
Vouère templis. Ipse Aba, cidari  
Sceptrisque submissis amauit  
Pontificum famulus vocari.  
Misit flagranti Congus ab Africâ  
Primos suorum, qui Latio Patri

R 3

Regis-



*Regisque Congorúmque mentes  
Egregio obsequio dicarent.  
At sancta longas vota moras habent  
Plerumque. Congi non humilem fidem  
Tardauit, Oratore raptó,  
Vis rapidi properata fati.  
Hoc nempe munus debitum erat tuo  
VRBANE Regno : quo generosior  
Perfusa melle BARBARINO  
Acciperet Sacra nostra Congus.  
Dum te Magistrum, dum Dominum colit,  
Sensit Parentem. Lux tua supplicis  
Distinxit obscurum colorem,  
Nocte animi tenebrisque pulsis.  
Harebat alto victa silentio,  
Cum te coruscum lumine gloria,  
Te iura terris diuidentem  
Et triplici rutilum coroná  
In Sede vidit. Non potuit magis  
Responsa, vultusque, & Salomomios  
Nicaula mirari ministros;  
Aut Solymæ strepitum beatæ,  
Opésve Templi. Mox patiens tui,  
Suique compos, procidit ad pedes,  
Pedes adorandos ab ortu  
Solis ad occiduum cubile;  
Dixitque tandem : Magne hominum Parens,  
Minorque solo Numine ; quem peto*

*Per*

Per tot labores, cui colendo  
Fusca alium venio sub axem;  
Votum secunda supplicis: & fidem  
Nulli obligatam Pontificum, sine,  
Tibique Rectorique celi  
Seruitio voueam fideli.  
Votum perenne est: nulla dies fidem  
Et nulla soluet caussa. Feri licet  
Pugnent Tyranni, pugnet Orcus,  
Perfidiam fugiam per ignes.  
Mox sola secum, Curia par, ait,  
VRBANI Olympo est. Quot Proceres habet,  
Tot Regum alumna est. Te beatam  
Hoc Domino, Patribusque Romam!  
Non sole puro Regia Calitum  
Non noctilucis clarior ignibus,  
O magne sol mundi, senesque  
Purpurea nitida astra Romæ.  
Sic lata Congus: quatenus ad Notum  
Redux, Quiritum magnificentiam  
Sedisque splendorem Latinæ  
Attonitis memorauit Afris:  
Quàm tu illam amico lumine videris,  
Quàm te colendum senserit. hinc tui  
Oris figuram gestienti  
Latitiâ populo exhibebit,  
Palamque dicet: His labiis fluit  
Fidesque, verumque. Hac facie sedet

*Sedata*



*Sedata Maieſtas ; nec oris  
 Fulgor abeſt , neque ſanctitudo.  
 Huius ſereni cura ſupercilij  
 Fleſcit quietis omnia nutibus:  
 Manusque felices Olympum  
 Apperunt, cohibentque Ditem.  
 O ter beati qui propè lucidos  
 Vultus adorant : qui ſapientia  
 Reſponſa ducunt : quippe longè  
 Inferior meritis tabella eſt.  
 Exinde cunctis concinet additos  
 Mauris honores : Ut nouâ imagine  
 Antonij Oratoris ora  
 Et cineres tumulo dicaris.  
 Viuit ſuperſtes noſter in Italis  
 Orator oris . Viuat in Africâ  
 Rex, dicet, orbis : quamque nobis  
 Effigiem dedit ars, colamus.  
 Gratum elocuta Barbarus annuet:  
 Plauſus ſequetur. Tu Pater audies  
 Per templa, per domos, in aulâ,  
 Præſidiumque ſalûſque Congi.*

GESTO-

G E S T O R V M  
 V R B A N I V I I I .  
 P O N T . M A X .  
 L I B E R Q V I N T V S .

ORBIS ET PACIS PROCVRATIO.



VNDI quoque procuratio, Pacisq̃ue reducendæ cura, hoc postremo volumine, inter V R B A N I laudes referantur. Quamquam enim nexum cum superioribus habeant, separato tamen & proprio libro sunt consignandæ: ne quarum fructus percipimus, earum laudi defuisse videamur. Simul vt longissimam vitam salutarî Principi apprecemur: qui modò Legationes, modò Principibus donâ mittendo, iam arbitrum se & sequestrum gerendo, nunc expugnando infideles, pacem & tranquillitatem sæculo procurat.

S

LEGA-



LEGATIO GALLICA  
 EMINENTISSIMI PRINCIPIS  
 FRANCISCI CARDINALIS BARBARINI  
 S. R. E. VICECANCELLARII  
 AD COMPOENDAM PACEM.



STR A quædam sunt, quorum exortu  
 summa per vniuersum orbem fulget  
 serenitas. Orbi vix affulserat VRBA-  
 NVS, & iam de pace, hoc est de sereni-  
 tate temporum constituendâ cogita-  
 bat. Inducendi erant in pacem Galli: fratris filium  
 in Galliam dimisit, vt induceret. In eiusdem pacis  
 societatem vocandus fuit Hispanus: ipsum pariter  
 in Hispaniam misit; vt gentem vtramque arctissi-  
 mo concordie vinculo deuineiret. Vbi coeunt am-  
 bæ, frustrâ ceteræ tumultuentur. Nihil non Hispa-  
 ni prudentia, & alacris festinatio Galli compescat.  
 His pacatis, Orbis componitur; euertitur, conci-  
 tatis. Cardines dixeris, quibus vtraque Europæ  
 fortuna vertitur. Quo sapientior est æstimandus  
 VRBANVS, quod primas curas ad vtrumque  
 inter se conciliandum intenderit. Laudabilior  
 FRANCISCVS, quod Patru curis obsecundans,  
 ea consilia dederit, quibus statum si fuisset, nulla  
 Orbem arma concussissent.

AMYN-

## AMYNTAS, ECLOGA.

## SILVA I.

**H**unc mihi da proprium mundi Pater alme laborem.

Pauca tuæ laudis cognato in sanguine restant  
 Facta mihi modulanda. Tuus dicetur Amyntas  
 Siluestri calamo. renuat quis carmen Amyntæ?  
 Ipsi equidem dudum diuini gratia vultus,  
 Atque tuis similes mores, atque inclyta virtus  
 Pectoris, & terris prudentia nata tuendis  
 Æternum peperit nomen, toti que canendum  
 Parnasso ostendit; nec Musis dulcior ulla  
 Quàm sibi præscripsit quæ pagina nomen Amyntæ.

Incipe, quàm fortis canas transscenderit Alpes,  
 Quàm placido Rhodani recrearit lumine gentes,  
 Dum pecudes umbras captant, hîc, Musa, canamus.  
 Non soli saltus, non solæ carmina rupes  
 Excipient; Diuum pars non leuis ibit ad aures.

Quæ nemora, & campi, vel quæ te cærule valles  
 Sequana ceperunt, cum magnam magnus in urbem  
 Et Patruî se more ferens intraret Amyntas?  
 Nam neque tum pigro stringebas flumine ripam,  
 Sed super effusus torrentior arua secabas,  
 Visendi studio celer, & venientis amore.  
 Ipsi etiam fontes, liquidissima numina ruris,  
 Et Satyri, Fauni que leues, viridésque Napæ,  
 Tu quoque sancta Pales, Sol hic nouus unde? rogabas.

S 2

Nec



Nec minùs intercà calamo resonante coloni  
 Hospitis in laudes ibant. Pars carmine nomen,  
 Pars iter, & munus, pars fortia facta canebat:  
 Ut sancti Patruum iussis & numine fretus,  
 Aërios montes superarit, & ardua saxa  
 Educta in nubes Alpibus. Tu sideris instar  
 Exoreris Celtae: te Sequana pronus adorat.  
 Feruent innumerae per compita longa quadrigae,  
 Aduentuque tuo populosa Lutetia gestit.

Ipsa tibi flores, maioraque lilia passim  
 Fundit humus. Tu sanguineum, placidissime, Martem,  
 Dicebant, orcumque manu, tu nigra coercēs  
 Monstra Erebi, Geticoque frementem in carcere Eryn-  
 nim.

Te scelerum artifices horrent; te perfidus error,  
 Obductus larua & fallacis imagine veri.  
 Romulei tecum maiestas sancta Senatus,  
 Te consanguineis apibus sapientia stipat.  
 Salve lux Urbis, spes presentissima Regni,  
 Et nos nostraque dexter adi pede rura secundo.

Sic medios inter plausus deuenit in urbem,  
 Et iuxta niueis volitans Pax candida pennis;  
 Pax agrorum, ouiumque salus, spicasque tenebat.

\* Alluditur  
 ad primū  
 Sacrum E-  
 minentif-  
 simi Prin-  
 cipis, & ad  
 Indulgen-  
 tias illud  
 audienti-  
 bus con-  
 cessas.

Ibat & Ausonio fulgens Solertia cultu,  
 Religioque, Fidesque, & pleno copia cornu.

\* Continuo delubra petunt. hic pulcher Amyntas  
 Auratâ in trabeâ, puraque in veste colendus,  
 Immortali Agno rectori fecit Olympi.

Tum

*Tum verò Æthereis templumque urbemque videres  
Muneribus fluere, & Latiis ditescere donis.  
Haurite hinc populi, Pietas, haurite, canebat;  
Vitales Veniæ fontes recludit Amyntas.  
Nec Veniæ fontes recludere magnus Amyntas,  
Nec tellus gramen, nec cessant flumina lymphas  
Funderc, nec roseos orbis Titanius ignes.  
Letus at ille tamen, Galli seruabitis, inquit,  
Mentibus hæc Vestris: Galli seruare decora  
Non duri, ô mea tum quàm tutò cura quiescet,  
Vestra meis olim monitis si bella residant.  
Atque utinam libeat vobis nil fidere Marti!  
Non illum Vestra possint saturare ruinae,  
Nec si squalescant abductis arua colonis,  
Aut miseris captæ viduentur ciuibus urbes.  
Omnia Mars perdit, & vos compescite Martem.  
O si tum sanis patuisset Sequana dictis,  
Si stabilem inter se iunxissent sæcula pacem,  
Non rupto infestæ certarent fœdere Gentes,  
Non misera iniectis lucerent oppida flammis:  
Sed neque lentus Arar, neque cade Somona ruberes,  
Et Rhenus puras in pontum euolucreret undas.*



ROSA AVREA  
VRBANI DONVM  
QVO

EMINENTISSIMVS PRINCEPS  
FRANCISCVS CARD. BARBARINVS  
S. R. E. VICECANCELLARIVS  
MARIAM BORBONIAM ANGLIÆ REGINAM  
PATRVI NOMINE AFFECTIT.



ANCTVM munus, & à sanctâ manu  
transmissum vides: Rosam auream,  
castissimis religionibus ab VRBANO  
dedicatam, perlatam à FRANCISCO  
Cardinali BARBARINO. Munus accepit MARIA  
HENRICETA, Borbonij sanguinis Nympha: Re-  
gina, Regium florem: Angliæ Domina, Rosam.  
Summus quidem est qui misit, atque à magno  
magnæ tradita est: verùm maior est, qui in dono,  
& cum dono CHRISTVS. Illo opus habuit in  
Britanniâ commorans MARIA; vbi Regni qui-  
dem Rosas habitura, sed CHRISTVM in iis non  
erat nactura. Præstabilius fuit florem ab VRBANO  
nouum accepisse, quàm antiquas rosas inuenisse,  
aut inuentis frui. Flos VRBANI, lætitiæ Regisq̃ue  
cælestis est pignus: Britannicæ rosæ, quid aliud  
quàm funesta Eduardi & Edmundi bella repræsen-  
tant? Esto, ambas coniunxerit Henricus: esto,  
amouerit

amouerit discordiarum spinas. An tu Rosas quæ  
in Ecclesiæ rosario non florent, spinis carere dixe-  
ris? Ex illo, rosam offerri M A R I A E decuit; quo  
in illis Angliæ sentibus, & se C H R I S T O seruire,  
& C H R I S T V M suam Rosam, suum florem esse  
cognosceret.

## S I L V A II.

**A**ugusti flores, Romana munera Sedis,  
Quos neque Flora tulit, neque fertilis aura Fauoni,  
Nec studiosa manus Pæsti decerpit in aruis;  
Si nil naturæ debetis, & omnis ab alto  
Additus hic fulgor, si sacri in imagine signi  
Rectorem Superum benè redditis, ite colendi,  
Ite, & BORBONIO genitam de sanguine Nympham,  
Quæ velut in duris ardens rosa sentibus, Anglos  
Nunc inter meritis formæ fideique coruscat,  
V R B A N I donis recreate, & pignore Diuûm.

Ipsi equidem roseos supplex dedit Anglia flores,  
Siue tuos, Eduarde, tuos Edmunde, tuumve  
Floribus è geminis insigne, Henrice, refulgens:  
Sed non hi tanti, quippe exitiis horrent  
Flagitiis; ex quo, contempto nomine P E T R I,  
Effrenis Princeps indebita munera sumpsit,  
Et totam errorum corrumpit sordibus aulam.

Purior ac nullâ fœdatus labe M A R I A M  
Flos iuuat. Ite Rosæ: manibus vos illa pudicis  
Excipiet; Romaque memor, magnique Tonantis,

Rega-



*Regales inter gazas aurumque recondet.*

*Iamque aliquis veterum non fausta insignia Regum  
Floribus VRBANI componens, Hei mihi, quantas  
Edmundi strages, & quanta incendia, dicet,  
Germani peperere Rosæ; cum pace solutâ  
Infestis rubram peteret rosa candida signis!  
Tum misera in geminas diuisa est Anglia partes  
Flore sub aduerso: tunc se ciuilis Enyo  
Extulit, & longo collisa Britannia bello.  
Contrâ autem rosa quam Latia FRANCISCVS ab aulâ  
Pertulit, attollit Reginam pignore pacis,  
Latitiæque ipsi est monumentum, & tessera CHRISTI.*

*Nec verò Henrici tribuit rosa tot bona Regno,  
Pugnantum quamuis sedarit bella rosarum,  
Et calycem binos flores sociarit in unum.  
Ilicet insani furis agitated amoris  
Bellum importunum Superis indixit, & Orbi:  
Nec prius abstinuit quàm ferro lumina Regni  
Perderet, & Romæ Sacris auerteret Anglum.  
Tantum dirus amor potuit suadere malorum.*

*VRBANI sed iam recreata Britannia donis,  
Instaurare Fidem possit, reddique Tonanti.  
Quis scit an hæc flores portendant commoda? quis scit  
Pontificine suos seruet Regina Britannos?  
An non sic fortem Clodouem pulchra Clotildis  
Indomitósque Deo docuit se subdere Francos?  
Numquid & errorum damnatâ labe, Latino  
Hermenegilde iugo duce coniuge colla dedisti?*

*At*

*At non inferior meritis, nec sanguine dispar,  
Aut roseæ Ingundi magnæve MARIA Clotildi est.*

*Illa quidem secura Dei, securaque amorum  
Coniugis, exemplo vocat ad meliora Britannos  
Errantes; Latîque aspirat floris odorem,  
Grata pijs, metuenda malis; Mens publica Regni.  
Sic ubi purpurei per prata rubentia Pasti  
Emicuit florum princeps, diffunditur acer  
Halitus, exitium scarabæi & Vulturis: at quæ  
Immundas sordes prædâmque odere pudendam,  
Hinc pascuntur apes, hinc mellis semina libant.*

*Cælicolum accedet miro Regina fauore;  
Et quæ flos rerum, flos mysticus ætheris audit,  
Spes iustas non destituet; populumque piatum  
Romulæ Sedi rursus parere docebit.  
Innocui Anglorum Reges, Proceresque beati,  
Sub quorum iacet impietas euersa sepulchris,  
Polique Edmundique, atque inclyta nomina Thomæ;  
Tu quoque cui Regni Dominum, Regnique salutem  
Naturæ committit amor, generosa MARIA,  
Cui caput à tenerâ quondam ceruice recisum,  
Sanguinis heu miserere tui, sceptrumque nepotis  
Redde PETRO. iam Nympha ipsi Borbonia seruit:  
CAROLVS accedat, caræque exempla secutus  
Coniugis, atque tuo dilutus sanguine sancto,  
Et Sacris Patrum, & Fidei reddatur auitæ.*

T

LEGA-



LEGATIO HISPANIENSIS  
 EMINENTISSIMI PRINCIPIS  
 FRANCISCI CARD. BARBARINI  
 S. R. E. VICECANCELLARII  
 ET GENETHLIACON  
 FILIÆ PHILIPPI IV. REGIS POTENTISSIMI  
 AB EODEM PRINCIPE  
 PATRVI VRBANI NOMINE  
 CÆLESTI E FONTE SVSCEPTÆ.

## E C L O G A.



TANE Eclogam tam illustri argu-  
 mento? Cur non potius *Ἀποβάττειον*?  
 cur non *Ἀποβιττιόν*, aut Genethliacon  
 purum? Quid arundini & huic nobi-  
 lissimæ Legationi commune? Civiliter mones qui  
 hæc obiectas. Sed an prudenter? Pastorales cala-  
 mos lyræ plectroque prætuli, quod illi cupidius à  
 magnis magnificentiæ fastidiosus audiantur. Est  
 suus simplicitati decor, quo assuetæ splendori men-  
 tes capi se non dedignantur. Nihil officiet argu-  
 menti magnitudo. Etiam Genethliacon suis Bucol-  
 icis Vates inseruit. hoc me iudice absoluo. Et quis  
 damnet, post exemplum tam insigne, tam proban-  
 dum? Vel Maroni vitio des Pollionem, aut Damœ-  
 tam nostrum probes necesse est. Illud si fugis,  
 quin

quin mecum fateris, siluas non Consulibus modò,  
 sed purpuratis etiam Patribus, & Regum prole  
 dignas. Quid metuis in hanc venire sententiam?  
 non auctores nos solos habebit. Sic censuere Ma-  
 rones, Theocriti, quorum stipulâ etiam Reges incla-  
 ruerunt. Quo minùs mirari habes, si Principem  
 hunc Hispaniam adeuntem Bucolicis numeris pro-  
 sequar: non abludit ab hoc genere carminum  
 Pax, quam ille suatum it. Ac licet regiæ Nymphæ  
 vel natale, vel inauguratio lustralis, grandiores nu-  
 meros postulet; non hîc primùm Augustis natali-  
 bus præludent pastores. Atque adeò si contingat,  
 in materiæ maiestatem illos peccare; veniam facîle  
 petent, faciliùs ferent, ob rusticam ingenuitatem.  
 Quæ haud scio an Vati speciosiora professio speran-  
 da, certè postulanda non esset.

## SILVA III.

EIDEM EMINENTISSIMO PRINCIPI

P O E T A.

*C*um fugerem siluas & pascua, Musa fugacem  
 Increpuit, monuitque: Poëtam Myrtile carmen  
 Sæpè decet Siculum deducere; sæpè canorâ  
 Pro citharâ, gracilem labiis percurrere auenam.  
 Quid refugis siluas? silvæ sunt Murice dignæ.  
 Tityrus in silvis celebrauit lumina Romæ:

T 2

Sicelis



*Sicelis in siluis Reges cantauit arundo.*

*Ergo ego, dum crescunt onera ad grauiora lacerti,  
Plenaque imaginibus tibi molior atria, & omnem  
Nobilitatem Urbis lapsæ, veterisque Senatus,  
Auspice te Latia meditor committere luci;  
Nunc pastorali Patruī te iussa sequentem,  
Portantemque acri Romanum fœdus Ibero,  
Simplicitate canam: nostras ne temne myricas.  
Tenuia pastorum non spernunt munera Diui.*

*Ut primum occiduos Damœtas missus in agros,  
Damœtæ fertur cecinisse hæc carmina Proteus,  
Fatidicus Proteus, Superi cui scire dederunt  
Quæ sunt, quæ veniant, & quæ iam facta premantur.*

*Hesperius pacem properas inferre colonis,  
Atque omnes iuranda vocas ad fœdera gentes.  
Fœdere iungentur, fontis si crimina mundi  
Non obstant, scissaque minax discordia pallâ.  
I felix, genioque tuo, genioque tuorum:  
Iam Pyrenæi subdent tibi culmina colles:  
Iam geminis Lethe discet tua nomina ripis,  
Auratasque Tagus supplex aduoluet arenas.  
Ipsa nouato habitu, atque animos tollentibus aruis,  
Insolitas vulgo fruges Hispania fundet.  
Liberiora tegent viridantes gramina campos;  
Atque nouis omnis se frondibus induct arbor.*

*Parua loquor: mediâ pulcherrima surgit in aulâ  
Nympha, recens amor, & magnorum curæ parentum,  
Nympha animo Patris, pulchraque simillima Matri,  
Quâ*

Quà duce non renuat Vanescere discolor ætas,  
Nec renuant iterùm Saturnia currere sæcla.  
Huic tu viuifici perfusæ flumine fontis  
Afflabis Patruī cælestem nomine Vitam:  
Tum Superūm signum accipiet, caloꝛque sequetur  
Adscriptos Atauos, atque ipsa probabitur illis.  
O si nascenti non fluxæ tempora Vitæ  
Calicola dederint, quàm latè Vtrumque per orbem  
Et generis fato, atque VRBANI Numine crescet!

Incipe de gremio nutricis brachia Nympha  
Porrigere ad Matrem, & dulcè arridere Parenti.  
Incipe Damætā tenero cognoscere risu:  
Iam te Damætās diuino è fonte leuabit.

Ecce tibi tellus Varios sine semine flores  
Lata parit: roseos Vltrò natura corymbos  
Sentibus in duris alieno tempore fundit.  
Capreoli fruticosa errant impunè per arua,  
Nec lupo insidias gregibus, stragemque leones  
Armentis meditantur. amat noua Nympha quietem.  
Sponte suā Viridi manant ex ilice mella,  
Mella sacri Panis placidum referentia regnum.  
Ceca tamen gliscunt occulti incendia belli,  
Quæ pecorum pacem, quæ turbent otia ruris,  
Et latè Europam peruadant. Æmula Virtus  
Paucorum caussas alimentaꝛue suggeret igni.

Iam video infestis adopertum classibus aquor,  
Armatas acies totis discurrere campis.  
Alter erit tum Cacus, & altera quæ manus ausit

T 3

Vertere



*Vertere in antra boues. surgent etiam altera bella,  
Atque iterum Alcides magnis noscetur in armis.  
Cælicola prohibete nefas : auertite pestem.  
Vosque Fide simili iuncti Vinculisque Sacrorum  
Pastores, tantos odiis ne tollite motus,  
Neu ruite in mortem fundis sudibusque præustis;  
Atque alia audaces seruate in bella molossos.*

*At tu Damœta, cum dira aduenerit atas,  
Acceleres belli incensi restinguere flammam.  
Innocuum pecus hoc poscet, poscentque capellæ,  
Eque tuis apibus mella hæc miser exiget orbis.  
Mox cum pax ouibus fuerit, cum reddita campis,  
Effigies ex ære nouas tibi ponet, & auro  
Spiranti Patrum reddet. Tum pacis & otii  
Atque tibi atque illi deberi commoda dicet.*

*Euenient: nec erunt Protei præfagia falsa.  
Vidimus oppressum seruentia bella per Orbem.  
Pax rabidum Paci Mauortem cedere coget.  
Bellica iam gratum populis tormenta sonabunt,  
Illo quo tonitrus & flammæ ære uomebant.  
Quin etiam in falcem longus curuabitur ensis,  
Et BARBARINA gaudebunt secula Pace.*

VICTO-

VICTORIA NAVALIS,  
ASANI CALASTATI COPIIS  
IN TYRRHENO FVVIS.



OLITABAT toto Tyrreno Asanus Calastatus, prædâ & minis plenus. Iamque eò vesaniæ deuenerat temerarius pirata, vt Sicilia, toti que Italiae cætenas minari auderet. Sed quid? fœda interminatus est, vt spe elusus fœdiora pateretur. Non tulit minacis insolentiam V R B A N V S: vt coërceretur, fœdus cum Hispanis & Thuscis percussit; vnâ ex omnium triremibus classem fecit, vt cunctorum armis puniretur, qui cunctos violarat. Hinc vela facta in contumacem: à quo pugnatum quidem eâdem audaciâ, quâ prouocauerat; non tamen eâdem felicitate. Nam à quibus ius & causa stabant, stetit Deus, & cum Deo victoria. Omnes piratæ naues, partim captæ, partim demersæ. Ne tamen esset nostris incruenta victoria, cæsus est Neapolitanarum triremium Præfectus Pimentellus, morte iuxta ac vitâ clarus. At quot hostium funeribus, quantis Italiae commodis, fortissimi Ducis cædem pensauimus? Decoloratum est Afro- rum cruore Tyrrenum, Siciliae formido discussa, asserta Italiae securitas: recepti captiui multi, facti plures ex hostibus. Ita qui vincla hominibus, vr-  
bibus



bibus flammam, deuastationem prouinciis illatum venerat; terrâ marique pulsus, docuit suâ strage, frustra Barbaros in Christianorum oras incurere, nostrorum vires auspiciis VRBANI congregatas euertendo Turcico imperio sufficere: nec longè futuram ruïnâ, si arma in Othomannum mallent quàm in se experiri.

## SILVA IV.

**I**Te Romani, celebrate ouantes  
Templa; campanum vocat æs ad aras:  
Ite, & ultori memores Tonanti

Reddite vota.  
Occidit classis Libyci Tyranni,  
Occidit nostræ populator undæ,  
Inferi creber Siculi que ponti  
Terror Aſanus.

Ille dementes Latio ruinas,  
Ille cladem ausus populo Sicano,  
Et triumphali malè nexa Romæ  
Vincla minari.

Ignibus festis niteant plateæ:  
Ardeant mixta facibus lucernæ:  
Æneæ è muris animosa rumpant  
Fulmina canna.

Vosque victrices Libyæ triremes,  
Vosque captiui positis catenis,

Curua

Curua certatim vario replete  
Littora plausu.

Quà sinus vergit Lilybæi ad Afros,  
Spectat & fines Latios Pelorus,  
Horridam ad pugnam coiére multo  
Milite classes.

Altera Osmanni sinuata lunis,  
Spes ferens secum tumidè feroces,  
Thraciæ florem, Libyæque in armis  
Robur habebat.

Altera V R B A N I benè fulta Diuis,  
Militem Thuscum sociasque Iberi  
Principis naues sceleratum agebat  
Fortis in hostem.

Ergo ut aduersæ vario steterunt  
Hinc & hinc cornis, tremulo nitebat  
Lumine armorum mare, iam cruento

Gurgite iturum:

Cùm poli labens M I C H A E L ab arce  
Romuli Patris dominas triremes  
Altus insedit, tenuitque summi  
Culmina mali.

Hic in ardenti nebulâ relucens,  
Ore fatales iaciebat ignes,  
Et coruscanti numerosa in Afrum  
Fulmina parmâ.

Talis in primo caluit duello,  
Cùm reos culpæ socios, beatiss

V

Pelleret



*Pelleret regnis, tumidumque in orcum  
Mitteret anguem.*

*Mox ait: CHRISTO duce iuncta classis,  
Publicis votis onerata classis,  
Vince nunc alto, tibi dirus hostis  
Littora cessit.*

*Quis pudor, Bassas volitare toto  
Æquore audaces? vacuare terram,  
Atque Sultani Latio replere  
Remige scalmos?*

*Vindice hæc labes abolenda ferro.  
Nominis cessent probra Christiani.  
Militi prædo Scythicus rependat  
Damna Latino.*

*I Musurmanni metuenda rostris.  
Quid finis lunam Siculos inultam  
Ire per fluctus? age peruicacem  
Obrue Asanum.*

*Nec recusandus videatur, etsi  
Mille pratexat pelagum carinis.  
Numine inuito, nimiumque iniquâ  
Labitur undâ:*

*Quasque per naues duplici coronâ  
Ferreas cannas truculentus aptat,  
Senties vano iaculari inanes  
Fulmine glandes.*

*Thrax (nefas!) vestris odiis superbus  
Bella deposcit: simul ut coitis,*

*Impetus*

*Impetus impar tolerare, terrâ*

*Cedit & undis.*

*Dum calent rixæ, cupidus duelli est,*

*Subdolè pugnax: ubi conferendæ*

*Viribus vires, dat opima vestris*

*Arma trophæis.*

*Tempus est: tenta generosa pugnam.*

*Dux ego audendi, trepidam Gelonos*

*In fugam vertam. Tibi certa crescit*

*Me duce palma.*

*Victor hic illam metet ensis: illam*

*Bistones fractis animis relinquent.*

*Vincimus causâ. quid adhuc moramur*

*Vincere ferro?*

*Dixit, & sacros iaculatus ignes,*

*Concano immisit gelidum pauorem:*

*Moxque palantes chalybæa quassat*

*Grando carinas.*

*Vincit VRBANVS MICHAELIS armis:*

*Dant Scythæ pœnas, lacera feruntur*

*Hinc & hinc naues, Siculumque gaza*

*Afra per æquor.*

*Audiit pugnae sonitum Charybdis:*

*Audiit Turcas cecidisse Scylla,*

*Atque latratu petere Ottomanni*

*Cornua visa est.*

*Interim marcet tibi sancta laurus*

*Pulcher Europæ Fideique sanguis;*

V 2

Laurus




*Laurus hæc marcet, totiesque victor,  
Vincere nescis.*

*Ast ubi affulget speciosum inane,  
Dumque priuatæ trahit aura laudis,  
Arma non lentus rapis; arma pugnas  
Vertis in omnes.*

*Triste quid nomen iuuat, & pudendas  
Querere his armis animisque lauros?  
Barbaræ quanto melius refringas  
Cornua lænæ?*

## ROSA AVREA

FERDINANDO II. MAGNO HETRVRIÆ DVCI  
ANNO SANCTO CONCESSA.

 **P**TERVM Rosam auream, iterum pulcherrimi muneris pulchrum argumentum tracto. Verum pulchrius fiet, si prætermissam antè floris consecrationem, formam, symbola, ceterosque ritus in medium protulero. Equidem nouus hinc in Pontificium florem splendor, noua muneri gratia accedet. His ignoratis, vix capias doni dignitatem. Certè, quam ob causam, Rosam auream vel VRBANVS dederit, vel tulerit FERDINANDVS, non perspicias. His probè intellectis, ritus sanctissimos suspicies, VRBANI prudentiam commendabis. FERDINANDI felicitati gratulabere, quòd  
anno

anno sancto pius & magnus Viator Romam profectus, portæ sanctæ fructum & Rosam ab VRBANO meruerit.

## SILVA V.

**C**alliopæ Latij referamus dona Parentis,  
 VRBANI magnâ dona dicata manu.  
 Ardua res dictu; sed erit retulisse decorum.  
 Non iuuat è molli lecta corona iugo.  
 Perge rosam viridi radiantem adiungere lauro:  
 Laurus Castalis & rosa grata choris.  
 Fusilis in ramos auratos spargitur arbor,  
 Auratis pariter suspicienda rosis.  
 Dedicat hanc Orbis solemnî carmine Princeps;  
 Dumque dicat, tales concipit ore preces:  
 Omnipotens Genitor, cuius vox viuida, rebus  
 Mensuram, numeros, pondera iusta dedit.  
 Quo duce, Sol lucem moderatur, Cynthia noctem;  
 Itque per alternas ignis uterque vices.  
 Tu fons letitiæ, tu iusto pura voluptas,  
 Siue illum alba fides, seu tibi iungit amor.  
 Sic tibi deuincti te supplice voce rogamus,  
 Felicem florem hunc esse bonumque velis.  
 Ille quidem & pulcher formâ, & iucundus odore  
 est:  
 At sine te nullum letitiæ omen habet.  
 Letitiæ populis ferat omina, si benè leto  
 Et Nati nobis sanguine parta tui.

V 3

Ille



Ille iugum Ditis, Babylonis vincula soluit,  
 Nostra ut libertas, nostra corona foret.  
 Ecce sacræ fulget flos libertatis imago:  
 Parcite vincla pias dura ligare manus.  
 Propria erunt nobis hæc gaudia; luxque sequetur,  
 Quam nullæ tenebræ, nubila nulla tegant.  
 Tu modò tu Genitor surgentes opprime noxas.  
 Auctori noxa est semper iniqua suo.  
 Aspice quos fluctus ciet, & compone procellam.  
 Tranquillas melius cymba secabit aquas.  
 Ibimus ad CHRISTVM: CHRISTI ducemus odores.  
 CHRISTVS flos nobis; & Rosa Saron erit.  
 Hæc ait, & Syrio florem contingit oliuo:  
 Hinc Moschi in ramos fragmina odora iacit.  
 Mox fragrans puri rigat aurum flumine roris,  
 Thuraque dat castâ terque quaterque manu.  
 Interea dulci resonant sacraria cantu,  
 Et cætus festo consonus ipse suo est.  
 Continuo quem sancta manet rosa, protinus ille  
 Curuatis genibus splendida dona capit.  
 Imbuis exemplum, Tu FERDINANDE, sacrati  
 Moris, & VRBANI munera latus habes.  
 Demisso ille Rosam cum traderet; Est ea, dixit,  
 Digna tuis meritis, est quoque digna viâ.  
 Hanc tibi concedit per me Regnator Olympi,  
 Cuius ego in terris sceptrâ vicesque gero.  
 Tu Solymæ hinc palmas æternæ, & gaudia disce,  
 Gaudia terrene præmia militia.

Cum

*Cum plus, & Thuscis venias huc magnus ab oris,*

*Dona Ducem magnum nostra piumque decent.*

CHRISTVS in his magni mensuram Nominis implet.

*Quod colat, in CHRISTO mens pia semper habet.*

Ergo inter gentis Medicæ lilia semper

*Flos hic, ceu pignus prosperitatis eat.*

- Sic Medicæ domus, sic fortis Hetruria crescat,

*Sive tuo fato, sive fauore poli.*

Dixerat VRBANVS: pedibus Dux oscula sanctis

*Et manui libat, quâ dabat ille Rosam.*

Macte igitur sacro ditatus munere Princeps:

*Floribus his præsens Numinis omen inest:*

Omnia digna tuis spondet Rosa mystica cæptis:

*Illius auspicio magna mouere decet.*

Sive nigros properas classem dimittere in Afros,

*Seruiet imperiis Africa tunsa tuis:*

Seu Scythici insequeris classem lunamque Tyranni,

*Ante rates fugiet barbara luna tuas.*

Quæ me præcipitem rapuisti in prælia Mauors?

*Non sunt hæc elegis arma sequenda meis:*

Egregij potiùs referamus symbola doni,

*Materiâ haud venient inferiora suâ.*

Quicumque ille fuit præclari muneris auctor,

*Nonne sagax illum cor habuisse putas?*

Hic Superum Regi placuisse anigmata vidit,

*Et titulos inter Numinis esse rosam.*

Illa decus Veris; terrarum gloria CHRISTVS:

*Imperat hæc violis, imperat iste polis.*

Et



Et meritò adduntur diuino balsama flori;  
 Purae adolent meritò thura Sabæa manus:  
 Scilicet augustum quia balsama nomen IESV,  
 Et Numen referunt thura Sabæa Dei.  
 Thure Deum colimus, placamus thure Tonantem.  
 Prouenit ex illo nomine nostra salus.  
 Idem non temerè speciosa emblemata finxit,  
 Fecit & aurato flore micare rosam:  
 Naturâ quoniam concretus duplici CHRISTVS,  
 Atque ex aeterno Numine factus homo est.  
 Flos hominem ostendit, Numenque probatur in auro.  
 Quàm facit ad dotes hæc rosa, CHRISTE, tuas?  
 Nec minùs arboreo caelestia regna metallo  
 Exhibet, & quâ sint illa petenda viâ.  
 Armat spina rosas, odor inter spicula fragrat.  
 Qui refugit pungi, non legit ille rosam.  
 Arduus ad calum callis patet, aspera letis  
 Præcurrunt: fugiens aspera, lata fugis.  
 Ritè etiam princeps flos informatur in auro,  
 Ritè sacris dono Regibus ire solet.  
 Flos breuis exemplum est, Regum fastigia labi,  
 Res summas fluxæ more perire rosæ.  
 Dic, ubi qui calum tangebant vertice Reges?  
 Obruit exiguis nomina tanta cinis.  
 Aspice ut immiti rapiantur turbine flores:  
 In trabeas fati non minor ira furit.  
 Scilicet è solio citò purpura fertur ad Urnam.  
 Hei mihi quàm refugum flos habet iste decus!

Ingentes

*Ingentes animos magni nunc tollite Reges:  
 Hoc aurum, hos flores, hora dat, hora rapit.  
 Quisquis es, oblato moderatiùs utere sceptro.  
 Flos fragilem sceptris indicat esse fidem.*

IVSTITIA VRBANIANA,  
 ENSE, LANCIBVS, ET HAC EPIGRAPHE CELEBRIS,  
 PAX IN VIRTVTE TVA.

**P**ACI suam conseruationem mundus  
 debet; Pax Iustitiæ. Vtrâque florente,  
 florent omnia: Artes, Litteræ, Pietas.  
 Sed vigere Pax diu non potest, nisi ro-  
 bur à Iustitiâ duxerit: hæc dum sua cuique vendi-  
 cat, bellorum causas & materiam tollit. Quisquis  
 igitur Pacem stabilire quæris, Pacem Iustitiâ fulci.  
 Iustitiæ leges, adminicula sunt quibus sustentetur,  
 ne ruat; & vim illi conferunt, ne deflorescat. Iusti-  
 tiam vniuersim descripsi, inò VRBANIANA E  
 Iustitiæ munia sigillatim explicui. fulcimentum ea  
 est Orbis, & vindex Pacis: ideò strictus illi ensis in  
 dextrâ, quo vniuersa protegit, siue rescindendo  
 noxia, siue salubria imperando. Ideò in læuâ lan-  
 ces, vt æquali examine ius Orbi diuidat. Præsi-  
 dium in illo mucrone habemus; non causam ti-  
 moris. His lancibus si se Orbis appendi sineret,  
 iampridem Pace frueretur, quam lugemus tot cla-  
 dibus temeratam. Appende tamen vt cupis, & po-  
 X tes,



tes, Diua. Appende. Tuum est, Pacem, cùm floret,  
fouere; cùm exulat, reducere. reducas, fructusque  
sit tuæ Virtutis, Tranquillitas temporum.

## S I L V A V I.

**D**lua salus rerum, præses iustissima mundi,  
Vindice quæ fontes ferro metis; aquaque iustis  
Præmia dispensas, & recto examine fata  
Fortunamque hominum appendis; siue atria celi  
Intemerata tenes, solio seu Numinis astat,  
Seu Vaticani seruas fastigia templi,  
Unde sacram placido despectas lumine Romam;  
VRBANI Regnum, iucundaque sæcula mellis  
Aspice, sed tali vultu, quo leta solebas  
Saturni imperium gentesque videre priores.

Iam Latium, iam Roma æquo sub Principe floret,  
Quique Orbi dat iura, & Relligionis habenas  
Temperat, ad recti flectit sua facta tenorem,  
Imperio exemploque potens; præscriptaque suadet,  
Ante & clamosi vocem præconis, & antè  
Impia quàm posito delicta vetentur in ære.

Felices nimium populi, quæis vita regentis  
Et lex & dux est ad honesta. Ter ille beatus,  
Qui leges, quas constituit, virtutibus ornat.  
Hunc neque formido, neque gratia lenis amicis  
Flexit: non dubie regina pecunia mentis,  
Non coniurati rixas intendere Reges,  
Aut cæcus populorum ardor, vel diuitis Indi

Pellaces

Pellaces gazeꝫ non oris forma venusti,  
 Mollibus insidiis metuenda. Idem omnibus, idem  
 Insignes ex Urnâ æqui sortitur & imos.  
 Utiles illa quidem terris prudentia Regum,  
 Quæ temerè nil decernit, feruetque doceri,  
 Quatenus imperio fas uti: at degener usus  
 Imperij est, aliena loqui, componere iussa  
 Ad nutum alterius. Populis plus ille colendus,  
 Plus solij sceptrique capax, cui corde sub imo  
 Inscriptæ leges: quem sancta & firma voluntas  
 Iustitiæ affectus constantem format in omnes.  
 Talem te Numen primævis finxit ab annis,  
 VRBANE, atque etiam talem Te suspicit Orbis  
 Condentem leges, nec iura precaria dantem.  
 Scilicet in Themidis mutaſti pectora templum;  
 Quasque solent alij saxis incidere leges,  
 Tu melior cordique imo menti que reponis.

Hinc illa inuictæ manant oracula vocis,  
 Hinc mandata fluunt, geminum quæ lata per Orbem  
 Omnia Romano proclinant Regna Tiaræ,  
 Discordesque vocant animos ad Pacis amorem.  
 O mites regnandi artes! ô dulcia iura!  
 Quis nisi mentis inops, & culpæ cæcus amore,  
 Tam placidi Regni faciles detrectet habenas?  
 Quis non sponte iugum subeat, quo gloria vincito  
 Libertasque venit maior? quis pulchra recuset  
 Obsequia? ô pariter posito diademate Reges,  
 Et positis genibus, magno submitte fastum

X 2

VRBA-



VRBANO, & placeant communis iura Parentis.

Hæc Latios æstus tempestatem quæ Casalís,  
Euerfuram atris miserandas fluctibus urbes,  
Sedarunt. ea Cæsar amat: ea fortis Iberus  
Atque alacres prono venerantur vertice Galli.

Hæc etiam mundum flectunt mandata latentem,  
Et Ditem & Diras, atque impia crimina frænant.  
His polus ipse subest: cuius si limen apertum,  
Clauditur imperiis VRBANI, aditumque recusat:  
Sin clausum est, clausumque velit recludere, duri  
Diffiliunt subitò vectes, calumque patescit.

Sed iam tempus erit, Virgo, componere gentes:  
Linque aspectum Urbis, finesque egressa Latinos,  
Aspice civili sudantem sanguine mundum:  
Aspice quæ gelidâ tempestas surgat ab Arcto;  
Qui veniant Finni, queis Lappus fulminet armis.  
Suscitat hinc Rhodanus, mouet hinc Germania bellum:  
Cadibus hinc Athesis maculatur, Araræque cruentis  
Fertur aquis: sonat excidium Lotharique ruina,  
Ruræque fœdifragis vastantur Sequana turmis.  
Nec minùs immensum sæuit Bellona per Orbem;  
Ut veteri in quercu si flamma exarserit, omnes  
Corripit extemplò ramos: it victor ad alta,  
Accendit truncum, nec parcit stirpibus ignis.

Pone modum cladi Virgo: sint symbola vera,  
Et VIRTUTE TUA PAX mellea temperet Orbem.

SOTE-

## SOTERIAM

## VRBANO VIII.

## CANVNT MOPSVS ET LYCIDAS.



IL pensi habet auri & honorum avaritia; nulli parcit, dum cunctis inhiat. Ipsum etiam Christiani Orbis caput appetiuit. Quid ausit ultra? omnia in VRBANO perdiderat, si euentum habuisset. ut omnia cum VRBANO seruarentur, in irritum recidere furiosi conatus. Quid moliris inexplebilis furor? quò ruis scelus? Istæ tuæ sacrilegæ machinationes, quas opertissimas reris, proferentur in lucem. Nefariæ coniurationis tuæ socij vel conscientiam adaecti, vel impellente Numine te sequæ deferent. lacerabere totius conuitio posteritatis: audies infame sæculi portentum. Quò ruis? Patrem Orbis in VRBANO petis? an placet parricidium? Pergit, inferos in VRBANVM mouet, ceu validiores illi ad perdendum essent quàm Deus ad conseruandum. Aggredere quidlibet, monstrum: nec enim hominem vocarim cui mortaliū Parentem perimere est constitutum. Numquam ei vitam auferes, quem Deus vult esse superstitem. Eius nutu vocatus est ad Tiaram, eius tutelam seruabitur. Seruatus est certè, ut diutius eo Principe floreremus.

X 3

ECLO-



## E C L O G A

LYCID. *Quæ noua Mopse tibi pertentant gaudia  
pectus?*

*Suppleuitne greges fetura? an vuidus Alcon  
Quos tu cantando vicisses reddidit agnos?*

MOPS. *Imò aliud Lycida, quod tute fatebere maius.*

LYCID. *Nempe tuos calamos non aspernatur Helora,  
Iamque tuis faciles melior dat cantibus aures.*

*O te felicem si tu illam flectere possis,  
Felicisque simul calamos quos illa probabit!*

MOPS. *Nec meus illa ignis; nec posthac carmina  
perdam,*

*Ut tumida placeam. grauior me cura subegit,  
Et calamos grauiora vocant ad cæpta Camæna.*

LYCID. *Quin tu, quidquid id est, Lycidæ dicturus  
apertè es:*

*Forſitan alterno cumularim hæc gaudia cantu.*

MOPS. *Non equidem inficior; nec enim mea pe-  
ctora tantum*

*Latitia hæc tangit; populos descendit in omnes:*

*Et commune bonum est. Communia vota Tonanti*

*Soluamus, Lycida, tali pro munere. Vota*

*Unanimi ut soluamus, ego cuncta ordine pandam.*

*Daphnis cui nostri custodia credita ruris,*

*Tybridis ad ripam teneros dum pasceret agnos,*

*Fraudibus Antigenis penè occidit: istius ausus*

*Sacrilegos diro stimulabant carmine manes.*

*Quòd*

Quòd si nec Veneranda Pales, nec Numina ruris  
Fregissent monstri rabiem tam dira mouentis,  
Nec tuus hic Daphnis, nec custos viueret Orbis.

LYCID. Vsq̃ue adeòne Vllum scelus abstulit? heu  
bona ruris,

Heu Romæ tecum periissent gaudia Daphni!  
Quis seruaret agros, quis oues felicibus herbis  
Pasceret, aut Superos dulci placaret auenâ?  
Quis rabidos nostris auerteret Urbibus hostes?  
Quis daret vt quercus sudarent roscida mella?  
Vt lactis fontes, vt flumina nectaris irent?  
Me miserum! si te tam tristia fata tulissent,  
Pastores fugerent gregibusque peditumque relictis,  
Errarent sparsi tacitis in Vallibus agni,  
Pastorum gemitus iteraret flebilis Echo:  
Tu quoque Pastorum lacrymis Tiberine tumeres:  
Pro Lycidæ calamis, pro dulcis arundine Mopsi,  
Funereo tristis strideret tibia cantu.

At quoniam Daphnin seruarunt Numine Diui,  
Illum & presentes celebremus arundine Diuos.  
Diuos laude feramus, amarunt nos quoque Diui:  
Daphnin laude feramus, amabit nos quoque Daphnis.

MOPS. Innocuus ridet furias frendentis Auerni,  
Sub pedibusque premit fraudes & crimina Daphnis.  
Ergo hilares ouium plaudunt per prata magistris  
Cumque suis bobus rura inter opima coloni.  
Vberior campos vestit seges: Vbera capræ  
Distendunt magis: Vbertas gratissima Daphni.

Ipsc



*Ipse adeò labens flauenti gurgite Tybris,  
Atque Urbis montes, clamat gens tota Quirini:  
Viue diu felix, Viue Urbanissime Daphni.*

LYCID. *Crudeles manes tentarunt perdere Daph-  
nin:*

*Innocuum Daphnin mitis defendit Olympus.  
Crudeles manes magis, an Gens mitis Olympi?  
Mitis Gens cæli, crudeles vos quoque manes.*

MOPS. *Sepè nigra obducunt rutilantem nubila  
solem;*

*Mox tamen inuictus sol nubila luce repellit:  
Sic multæ insidiæ Daphnin petiere doliq̃ue;  
Sed nullæ insidiæ Daphni nocuere doliue.*

LYCID. *Qui magnum Daphnin non diligit, oderit  
idem*

*Æthereas flammæ, Phœbei luminis ignem,  
Maturas fruges, maturi dona Lyæi,  
Et quas spiramus malè conscius oderit auras.*

MOPS. *Quisquis amat Daphnin, vescaris munere  
Diuûm,*

*Mella tibi manent: viuas gratissimus astris,  
Nec segetes pluuiis, nec seuâ grandine vites,  
Nec doleas perijssè greges feritate luporum.*

LYC. *Pan's amor Daphnis: sua Pan insignia Daphni  
Imperiumq̃ue dedit ruri, calamosq̃ue, pedumq̃ue:  
Frustrâ homines illum, Styx frustrâ perdere gestit;  
Numquam homines illum, Stygius numquam obruet  
hostis.*

MOPS. *Stant*

MOPS. Stant & Calicolæ pro vitâ Daphnidis,  
& pro

Lanigeris gregibus quos Panis munere pascit.

Viuite sub tali custode, metuque remoto

Carpite gramen oues : sic vult vos carpere Daphnis.

LYC. Magne Parens volucris gyro qui secula tor-  
ques,

Æternusque hominum labentes digeris annos,

Unum oro, Daphnis vitam, Daphninque tuere.

Omnes pastores, omnem seruaueris orbem.

MOPS. Illa dies quæ triste nefas perduxit in auras,

Natali proprio posthac mage grata recurret :

Sospitibus Superis incendam thura quotannis,

Et roseis sacras ornabo torquibus aras.

LYC. Hanc ego solemni celebrabo carmine lucem,

Nec parcat saluo mea fistula ludere Daphni.

Lude hilaris mecum saluo mea fistula Daphni :

Nulla greges nostros illo mala sospite ledent.

MOPS. Diuæ quæ regitis fatali pollice vitam,

Quas populi dicunt non vero nomine Parcas,

Parcite, & in longum conuoluite Daphnidis annos,

Tres eritis nobis non falso nomine Parcæ.



VOTVM PRO PACE,  
PRO PONTIFICIS AC TOTIVS  
BARBARINÆ GENTIS  
INCOLVMITATE.

Siluas nostras Æternæ mentis inuoca-  
tione cœpimus, Voto finiantur. Aptè defi-  
nitur, cùm extrema primis respondent.

CHRISTE  
MORTALIVM SALVS,  
AVCTOR ET CVSTOS ECCLESIAE,  
PONTIFICVM PRINCEPS,  
CAPVT, EXEMPLAR,

QVI

ROMANAM ECCLESIAM  
IN AMPLISSIMVM FASTIGIVM EXTVLISTI,  
TE OMNIVM BONORVM VOTIS  
ORO OBTESTORQVE:  
CVSTODI, SERVA, AVGE HVNC SPLENDOREM.  
VRBANVM, QVEM TIBI SVBSTITVISTI,  
AMA VT TVVM,  
TVERE VT NOBIS NECESSARIVM.  
IVVA FIDISSIMI VICARII CONATVS.  
REDDAT SAPIENTIA SVA MORTALIBVS PACEM,  
QVAM ILLI SVO VITIO POLLVERVNT.

DEVS

## DEVS PACIS

AVDI ET SECVNDA

PLACIDISSIMI PONTIF. PRECES.

SIT SÆCVLVM QVIETVM, SVB TRANQVILLO CAPITE:

SIT SANCTVM, SVB CAPITE SANCTO:

SVB VRBANO, HVMANVM, MITE, VRBANVM.

## DATOR TRANQVILLITATIS

FEROCIENTES ANIMOS COMPONE:

DEME BELLİ CVPIDINEM PVGNACIBVS.

SCIANT POSTERI,

VRBANO PROCVRANTE, TE CONCEDENTE,

PACATOS ESSE TVRBIDISSIMI SÆCVLI FLVCTVS.

PRÆSENS ÆTAS GESTIAT

TVA CLEMENTIA, ILLIVS CVRA

PACEM SIBI RESTITVI.

## PRINCIPVM ET PIORVM FAVTOR

SERVA GENTEM BARBARINAM,

GENTEM MAGNAM, PIAM,

IN ORBIS ORNAMENTVM ET SALVTEM NATAM.

TV ILLAM AD HOC CVLMEN EVEXISTI:

CONFIRMA EVECTAM.

TVO ILLAM FAVORE DIGNAM IVDICASTI:

CONSERVA IN ILLA TVA MVNERA, TVA IVDICIA.

NORINT OMNES

ET OPVS TVVM ET TVÆ CVRÆ PARTEM

ESSE BARBARINOS.

Y 2

*Arbiter*



**A**rbiter rerum, cui cuncta parent,  
Iuste sceptrorum dator, ô canende  
Semper, & mundo celebrate, iustis  
Annue votis.

Si Tuo nutu Latius Tiaras  
Tempora V R B A N I triplici coronâ  
Ritè præcingit, Tua, quæso, in illo  
Munera serua.

In Tuo regnet solio beatus:  
Dicat hinc omni noua iura mundo,  
Hinc profanata violenta sedet  
Prælia terræ.

Mitis æterni Genitrix Parentis  
Virgo, Romanæ columen coronæ,  
Filij V R B A N O duce signa ubique  
Visere possis.

Tuque quem legit trabeæ patronum  
Ignea ductor M I C H A E L iuuentæ,  
Inclytam magni trabeam clientis  
Regnaque firma.

Vosque quos aris Superi recepit,  
Vosque queis aras Superi dicauit,  
Este felices: date quæ precamur  
Pro Patre nostro.

Ille componat furiosa bella,  
Bella civili miseranda clade:  
Inde communem benè iuncta signa  
Vertat in hostem.

Su

Sub sua audacem iuga mittat Hebrum,  
 Vincla Iordanis Solymæque soluat,  
 Et Crucem victor sacer in receptâ  
 Figat Idumâ.

Hinc ubi Thraces, Scythicamque lunam  
 Egerit iusto domitam triumpho,  
 Gaudeat partis, meritumque serus  
 Tendat in Axem.

Calites magni, quibus approbatum  
 Purpuram & claves dare BARBARINIS,  
 Melleæ genti date leta fata,  
 Et decus omne.

Quique vos aris colit, atque Tempia  
 Vestra FRANCISCUS reparare gaudet,  
 Allenet sanctos Patruî sagaci  
 Mente labores.

Candidas sumat super Orbe curas  
 Candidus Princeps, dubiique casum  
 Fulciat mundi, validus pericla  
 Nostra fugare.

Teque sincerum Melitensis olim  
 Ordinis lumen, modò purpuratos  
 Inter ANTONI radiate Patres  
 Prosperet ather.

In sacro felix vigeas Senatu:  
 Hinc tuæ Gallum fidei tuisque  
 Creditum curis ad honesta transfer  
 Otia Pacis.



*Prospero mitis placidusque vultu*  
 CHRISTE Germanum Latij Parentis  
*Aspice, & canis meritisque pulchram*  
*Protege vitam.*

*Ille calcatis opibus secutus*  
*Signa FRANCISCI, tibi nunc in ostro*  
*Seruit, ut miro iuga dedicaret*  
*Pincia templo.*

*Summe stellantis Dominator aulae,*  
*Si faues iustis, meritosque honore*  
*Tollis & famâ, tege BARBARINAE*  
*Lumina Gentis:*

*Quique te primâ colit è iuventâ*  
*Magnus aeternae moderator Urbis,*  
*Cum suâ sponsus diuturnus Annâ*  
*Proleque viuât.*

*Filij fato Generis beati*  
*Florescant semper, generisque famam*  
*Augeant semper, proavis utrisque*  
*Et patre digni.*

*Unus inuictis animosus armis*  
*Sanguinis vincat titulos paterni,*  
*Atque maternae speciosa crescat*  
*Gentis in aetâ.*

*Alter à cunis Domino dicatus,*  
*Romulo felix adolescat ostro;*  
*Sicque post illos simili perennent*  
*Stirpe Nepotes.*

*Sentit*

*Sentit hæc cælum, Deus ista sentit.*

*Spem bonam & certam cano BARBARINIS.*

*Non solent Vates agitante CHRISTO*

*Falsa monere.*

## LECTORI.

**H**EVUS Tu : extra ordinem est , ut vides , hæc Silua. Sed an non præstat hic dari , quàm omitti ? Illustris certè VRBANIANÆ Coronæ radius accedet , nec intempestivè hoc qualecumque officium pietatis dino BORGIAE exhibuerim. Nusquam sera pietas , si pietas est. Cum igitur in operis decursu prætermissa fuisset à me tanta virtus , obliuionis me huius admonuit magnus & Regius Architypographus. Monentem audiui , ut oportuit ; obliuionem pensavi hoc carmine. verùm cum , opere iam propemodum typis excuso , collocari suo domicilio non potuerit ; hic debuit , ut fruerere.

## FRANCISCVS BORGIA ARIS ACCEPTVS.

**E**AT quoque præclara inter VRBANI opera FRANCISCVS : in tantum celebrandus , quantum vel nobilitas intelligi à quoquam , vel sanctitudo potest. Nihil nobilius in totâ gente BORGIA RV M fuit : sed neque sanctius quidquam Societas IESV habuit. Natus ut Regum vices obiret ; Deo seruire,



re, quàm aliis imperare maluit. Omnem ætatem sic exegit, vt non tam alumnus Virtutis, quàm ipsa Virtus videretur. Nullum eius contumax factum, nullum leue: omnia ex moderatione & prudentiâ. Pietate semper in omni vitâ, ætate prouectus religiosi votis magnus fuit: per hæc sanctitatis fundamenta quæ in mundo iecerat, sic extulit, vt sicut antea celeberrimos inter sæculi Heroës eminebat; sic inter Sanctos sanctimoniâ maximè excelleret. Corpore in terris, animo in cælis versabatur. CHRISTVM in mysticâ hostiâ tam strenuè coluit, vt latentem sentiret, amaret præsentem. Sic secum & cum corpore egit, quasi cum hoste ageret; quem penitus domitum vellet, ne ab illo virtutis in cursu tardaretur. Gloriam tam cupidè fugit, quàm ceteri auidè sectantur. Sed, opinor, nemo se in irritum vniquam abiecit: quo quisque fastum animosius calcarit, hoc euahitur altius: certâ lege Numinis, vt qui se infra mortales collocant, supra mortalitatem efferantur. Dum se demittit BORGIA, dum gloriam in Societate IESV condit, ex opulentissimo Duce, inops; ex Prorege, alieno iuri sub pulcherrimâ disciplinâ mancipatus, famæ & splendori prælusit. Iam certè ad aras accipitur: pro coronâ perituro è metallo textâ, capit æterni diadema fulgoris: pro relicta dititione Gandiæ, templa sibi arasque totum per orbem VRBANI beneficio poni gaudet. Numquid maiora

iora est adeptus, quàm reliquerat? Sic se demittere, surgere est: sic sibi mori, Deo viuere: per hanc denique fragilium honorum fugam, laus nullo vinquam æuo moritura comparatur.

## SILVA VIII.

**Q**uis nouus occiduo Sol exerit ora cubili?  
Quódve recens sero lucet ab axe iubar?

Siccine non vestro proditis ab æquore flammæ?

Siccine inassueto tramite Phœbe redis?

Fallor, an ista tui non sunt miracula vultus,

Luxque alio nobis purior ore micat?

BORGIA Gens magnis Heroibus agnita mundo,

Hoc etiam mundo Sidere grata Venis.

FRANCISCI lux ista tui est: huic Arbiter orbis

Celicolas inter nomen habere dedit.

Hinc noua per gentes meritorum lumina fundit:

Lumina fundentem vesper & ortus amant.

Hunc tu aris supplex, sanctis hunc accipe templis:

Auctorem attollas dia propago tuum.

Vos quoque Iesuadæ (vestræ laus ille coronæ

Non leuis, & sacri pars fuit ampla chori)

Iesuadæ magni solido de marmore templa

Seu Socio vestro ponite, siue Patri.

In foribus pheretrum Augusta & deforme cadauer,

Et iaceat leto fracta ISABELLA suo.

FRANCISCVS iuxtà mutatum in lurida vultum

Horreat, & domina iuraque vimque necis.

Z

Hæc



Hæc facies illum dubiâ reuocauit ab aulâ,  
 Caussasque ad CHRISTI signa sequenda dedit.  
 Interior paries pulchram explicet ordine vitam,  
 Quamque aulæ impendit BORGIA, quamque Deo.  
 Hinc Ognatensis surgant loca vasta recessus:  
 Secessum meritis impleat ille suis.  
 IULIVS hinc Latium FRANCISCO deferat ostrum:  
 Delatum sanctè respuat ille decus.  
 Hic Superum in varias dispergat dogmata gentes,  
 Quas Tagus, & Batis, quasque Sicoris obit.  
 Dogmata spargentem populorum turba sequatur,  
 Et sancti clamet se Ducis ore trahi.  
 CAROLVS hinc silvæ mirabilis accola, vitam  
 FRANCISCO apperiat propositumque suum:  
 Ut spretis aquilis, summo de culmine rerum  
 Venerit occulti saxa habitare iugi.  
 FRANCISCVS probet hos animos: cumque omnia Cæsar  
 Vicerit, hinc etiam se superasse canat.  
 Felicem Augustum, nec non Te BORGIA! victo  
 Quis mundo ad Superos tendere cura fuit.  
 Parte aliâ pullâ Dux fortis veste verendus,  
 Castra pio ductu Loioleæ regat.  
 Hos velit Eoi trans littora currere ponti:  
 Hos velit Occidui solis adire domum.  
 Opponat Lutherò alios. Sceleri instet ubique;  
 Et sancta ex omni gente trophæa ferat.  
 Non procul hinc Latiae portet mandata Tiaræ,  
 Europæque Duces ad sacra bella vocet.

Hinc

Hinc Venetos, hinc Te Regum ter maxime, per quem  
 Aucta & defensa est sæpè PHILIPPE Fides ;  
 Nec minùs aduerso iactatos turbine Gallos,  
 Cumque suo inuisat turbida regna Duce.  
 Gallia mira olim cultrix Fideique Dei que,  
 Hei mihi quàm dispar tum tibi vultus erat !  
 Tempore non alio Caluini perfidus error  
 Sæuius in Superos arma cruenta tulit.  
 His ubi celatus paries effulserit actis,  
 Templo insignem aram construite in medio.  
 Virtutes circa assurgant, Pietasque, Pudorque ;  
 Stetque suis flammis conspiciendus Amor:  
 Sanctus Amor, vultu æthereo, pennisque coruscus,  
 Virgineâ crispans ignea tela manu.  
 Fulgeat Integritas, Prudentia fulgeat, & quæ  
 Verbere continuo membra animumque domat.  
 Has habuit vitæ comites: his fortiter usus  
 Extulit egregium BORGIA ad astra caput.  
 VRBANVS nitido has inter fingatur in auro,  
 Triplex præcingat cui diadema caput.  
 Illius è labiis, spiranti in imagine, sancta  
 Aut hoc aut simili lemmate dicta fluant:  
 FRANCISCI meritis propriam decernimus aram:  
 Cultum hic à populo, quem meruere, ferant.  
 Ergo humiles FRANCISCVM omnes latique colamus.  
 Indigeti non sunt thura neganda nouo.



## APPROBATIO CENSORIS.

**H**I quinque Libri, in quibus magna Magni Pontificis facta Stephanus Simoninus, Theologiae & Iuris Canonici Doctor, eleganter & discretè complectitur, nihil continent, quod aut rectæ Fidei aut bonis moribus aduersetur: quare imprimi poterunt & diuulgari. Louanij v. Kal. Martij M. DC. XXXVII.

*Antonius Louerius S. T. L.  
Apostolicus & Regius  
Librorum Censor.*


CVM Priuilegio PHILIPPI IV. Hispaniarum & Indiarum Regis Catholici, ac Potentissimi Belgarum & Burgundionum Principis, ad sexennium.

*J. Cools.*

ANTVERPIÆ,  
EX OFFICINA PLANTINIANA  
BALTHASARIS MORETI.  
M. DC. XXXVII.










P. 6. 496

13


















005647287

